

**Landesbibliothek Oldenburg**

**Digitalisierung von Drucken**

**Dissertatio Ad Articulum Symboli, Qui Agit De Sessione  
Filii Ad Dextram Patris**

**Duysing, Heinrich Otto**

**Marburgi Cattorum, MDCCXLI**

**VD18 13490567**

**urn:nbn:de:gbv:45:1-17284**

29  
25

DISSERTATIO  
AD  
**ARTICULUM SYMBOLI,**  
QUI AGIT  
DE  
**SESSIONE FILII**  
AD  
**DEXTRAM PATRIS,**  
AUCTORE  
**HENRICO OTTONE DUISING.**



---

MARBURGI CATTORUM,  
Apud PHILIPPUM CASIMIRUM MULLERUM,  
MDCCXL.



Landesbibliothek Oldenburg



Landesbibliothek Oldenburg



*ILLUSTRI AMPLISSIMOQUE  
VIRO*  
**HENRICO OTTONI  
CALCKHOFF,**

AUGUSTI SUECORUM REGIS, RELIQ.

HASSIARUM LANDGRAVII, RELIQ.

ADMINISTRO STATUS,

MOECENATI, FAUTORI,  
PATRONO,

**AVUNCULO SUO,**

AD CINERES USQUE DEVENERANDO,

*HANC SUAM DISSERTATIONEM*

OBSERVANTIAE MONUMENTUM, GRATI ANIMI  
TESSERAM,

QUO DECET PIETATIS ADFECTU,

*DICAT ET CONSECRAT*

**HENRICUS OTTO DUISING.**



HENRICI OTTONI  
CVRGENDFE  
AUGUSTI SECUNDI REGIS REICHS  
ASSARUM TAMPERNI REGIS  
ADMINISTRATORIS STADTIS  
MONEGIANAE TUTORI  
AVICULI SVO  
OBSEERVANTIE MONUMENTVM ET AUREA ANNI  
HRSI RAI  
HENRICI OTTONI DILECTO

# VIR ILLISTRIS, AVUNCULE VENE- RANDE.



Ntiquus ille mos est, ut quibus  
nos obstrictos sentimus, la-  
bores nostros publicos sacros  
faciamus. Dictum habemus  
Aristidis Sophistæ: τὸς μὲν νεώς  
τοῖς θεοῖς προσήκει καθιερῶν· τὸς δὲ Ἀυδρας τὸς ἐλλογίμως τῷ  
τῶν βιβλίων αὐαθέσι τιμῶν. *Templa Diis consecrare con-*  
*nuit, Viros vero eximios decet librorum dedicatione ho-*  
*norare.* Quem priscum morem dum sequor,  
Tibique, **VIR ILLISTRIS**, hasce  
studiorum meorum primitias offero, easdem  
te benevole acceptaturum confido.

X 3

Multæ



Multæ & graves hoc exigebant ratios,  
Si enim propinquitas pietate colitur;  
Si gratum animum beneficia poscunt; Si fidelissimis monitis debetur obsequium: mihi  
sane, si cui unquam, incumbit, ut, qua occa-  
sione queam, pium, quem erga TE,  
**VIR ILLUSTRIS, AVUNCU-**  
**LE VENERANDE** sentio amorem,  
vel, si mavis, Reverentiam, **TIBI** signi-  
ficem; tot benefactorum memoriam grata-  
mente recolam; omnibus denique viribus co-  
contendam, ne vel ignavus vel degener vitæ  
tempus teram.

His rationibus motus, **TIBI, VIR**  
**ILLUSTRIS, AVUNCULE VE-**  
**NERANDE**, oftero hoc, qualemque  
demum est, studiorum meorum Specimen.  
Acceptes, rogo, exiguum hoc pietatis &  
sinceri affectus testimonium; intelligent &  
alii, quam arctis vinculis me **TIBI** obstri-  
ctum



Etum fatear. Acceptes & hanc, quam **TIBI**  
pro acceptis beneficiis nunc publice exhibeo,  
gratiarum actionem; Sciant & cæteri, quanta  
**TIBI** debeam. Sume denique hoc profe-  
ctuum meorum Specimen, atque **IPSE**,  
si lubet & vacat, explora studiorum meorum  
rationem in illo Scientiarum genere, cui ha-  
ctenus navavi operam.

Certum ratumque habeas **AVUN-**  
**CULE VENERANDE**, nihil ma-  
gis mihi esse in votis, quam ut vita mea  
tandem cedat in aliorum commodum. No-  
vi hominis illud esse officium. Neque etiam  
mihi, futura metuenti exiguum solamen  
assert monitum illud, quod est apud Sal-  
lustium, quodque **IPSE** mihi, **VIR IL-**  
**LUSTRIS**, aliquo abhinc tempore in-  
culcasti: *Vigilando, agendo, — prospere omnia ce-*  
*dunt; Ubi te facordie atque ignaviae tradideris nec quid-*  
*quam Deos implores. Irrati infestique sunt. Sed mit-*  
*to haec, quæ a re & loco aliena esse videntur*

Quod



Quod restat, **VIR ILLUSTRIS,  
AVUNCULE VENERANDE,**  
Deum ex animo precor, ut vivas vitam diu-  
turnam & felicem. Faxit Benignissimum  
Numen, ut nulla unquam calamitate fractus,  
nulla re adversa contristatus, nullo vel ani-  
mi vel corporis dolore turbatus, agendo &  
consulendo pro sis civibus tuis porro atque  
diu. Mihi vero, ut faveas, enixe rogo.

**ILLUSTRIS ET AM-  
PLISSIMI  
NOMINIS TUI**

*Scripsi Marburgi in Cattis  
ipſis Idib. Decembr.  
MDCCXLI.*

<sup>Observantissimus</sup>  
**Henricus Otto Duising.**





DISSERTATIO  
DE  
SESSIONE FILII  
AD  
DEXTRAM PATRIS.



I in docendo atque regendo grege Christi quounque tempore Servatoris præscripta & Apostolorum monita observata fuissent, si cuncti, qui Christianos se nominari passi sunt, id unice atque semper egissent, quod Christus discipulos suos facere jussérat, nullæ unquam locum habuissent inter docentes contentiones, nullæ æmulationes, nullæ de Religione lites; Sique forsan de aliqua re orta fuisset controvèrsia, nulla tamen inde nasci potuisset hæresis, nullum in Ecclesia Schisma. Nemo alterum in propagando Evangelio & Regno Christi prolatando impedivisset unquam, sed potius idem adunatis viribus egissent omnes. Vicissim & illi, qui in Christianorum Religionem transiissent,

A

pia



pia fide veritates revelatas recepissent, curiosas speculations captassent nunquam. Ita factum fuisset, ut nemo suas opiniones alteri obtrudisset, sed potius singuli sua studia, suam operam, industriam, cogitationem, mentem denique omnem in servanda lege Christi fixissent, &, licet molestum, illud tamen ad cœlum fecissent iter, quod Servator ipsis monstraverat. Ast vero, quamvis bene sciamus puriorum longe fuisse Ecclesiam ab initio, mox post discessum Christi, satis mature tamen discordia pulularunt semina, cuius rei vestigia in ipsis sacris literis prostant. His tristiora successere tempora, quibus pedetentim & gradatim ambitio aliaque in Ecclesiam irrepere via. Quo pacatior postea siebat Ecclesiæ conditio, eo magis invalescebat corruptio. Non tantum intercidebat præsca pietas, sed & ipsa de Religione doctrina post multas tum additiones, tum depravationes pristinam puritatem amisit. Merito autem quis posset mirari, qui factum sit, quod non majorem Ecclesia adhibuerit sollicitudinem, ut hæc & alia Satanæ molimina averruncaret. Christus enim & Apostoli hoc sæpius prædixerant, monueratque speciatim Paulus, venturos homines non veritatis, sed fabularum sectatores. Impendere tamen suam curam primævi Ecclesiæ Antistites, ne Christiani inter se de Religione disceptarent, sed manerent omnes in unitate fidei. Videntur hunc habuisse finem in condendis brevioribus illis & simplicioribus fidei compendiis, quæ sub SYMBOLO RUM nomine nota sunt. Illorum antiquissimum procul dubio est, quod vocatur A P O S T O L I C U M, ejus continuuus usus a primis seculis ad nostra usque tempora in Ecclesia mansit. Quum enim ita compositum sit, ut Symbolum fere totum constet Scripturæ verbis, fieri facile potuit, ut partes etiam de doctrina inter se dissentientes,

salvis



salvis peculiaribus suis opinionibus, eidem subscriberent omnes. Quemadmodum vero Scriptura ipsa variis & contrariis saepe interpretamentis est obnoxia, ita etiam Symbolum hoc Theologos inter se quam maxime dissentientes habuit interpretes & commentatores. Nos saniorum vestigia prementes, dissertationis nostræ argumentum fecimus in titulo memoratum articulum de **SESSIO-  
NE FILII AD DEXTRAM PATRIS.** In quo explicando, ut ordinem aliquem observemus, primo ostendemus gloriosam hanc Christi Sessionem jam a Davide esse predictam. Deinde examen instituemus metaphoræ. Recensebimus porro varias Theologorum hujus articuli interpretationes. Ultimo denique loco adjiciemus nostram de hoc arguento sententiam, cuius fundamentum habemus Regnum Filii Oeconomicum.

## §. I.

Quemadmodum nulla est in Symbolo sententia, cuius argumentum non probetur expressis Scripturarum testimoniis, ita etiam in Scriptura Novi Testamenti frequens est mentio **SESSIONIS CHRISTI AD DEXTRAM PA-  
TRIS.** Non autem illa veritas, tanquam hactenus plane ignota, divinitus revelata primum innotuit sub Novo Testamento, sed jam a *Davide* per modum vaticinii Ecclesiae Veteris Testamenti tradita fuit. (a) Quam Prophecia in Christo esse adimpletam ab Apostolis & ipso Salvatore edocemur passim in Scriptura Novi Testamenti. Quum vero vaticinium ipsum inter illas Scripturas referat **TERTULLIANUS** (b) quas *Judæi* nobis avocare co-  
nantur, non alienum erit, illud ab inquis eorum detor-  
A 2 fioni-

(a) Psalm. CX, L. (b) contra Marcion. Lib. V, cap. IX.



fionibus, perversisque interpretationibus breviter vindicare. Verba Psalmi sunt : שֶׁב לִימַנְיָה עַד־אֲשֵׁת אַכִּיכְךָ הַר־לְגָלִיל : *Psalmus Davidis* ; *Dixit Jehova Domino meo, sede ad Dextram meam, donec ponam inimicos tuos scabellum pedum tuorum.* Nullam hic quidem controversiam movent Judæi de Persona illius, qui insignitur nomine יהוה Jehova, quippe quod Dei Nomen τετραγράμματον ipsos ad superstitionem usque venerari notum est : mira tamen fingunt, ut Christus privetur hujus Sessionis gloria. Sunt primo, qui dicunt, *Psalmum hunc in Ezechiam cecinisse Davidem, quia is federit ad Dextram Templi, & hostes ejus averterit Deus.*

(c) Quam frivolam hujus vaticinii enervationem in Judæis quoque reprehendit JUSTINUS MARTYR (d) καὶ τὸν τὸν ψαλμὸν ὅτι εἰς τὸν Ἐζέχιαν τὸν βασιλέα ἐξηγεῖσθαι τολμᾶτε, εἰς ἀγνοῦ. Neque vero ipsi satis inter se conveniunt. Nam alii de Abrahamo, alii de Zorobabele, alii de alio hanc prophetiam interpretantur, testc CHRYSOSTOMO : (e) Τίνα δὲ ἐπένειοι (Judæi) τὸν λέγοντα φασι; τὸν Θεὸν. τὸν δὲ αἰκόνατα; τὸν Ἀβραὰμ, ἑτεροι δὲ τὸν Ζωοβάθελ, καὶ ἄλλοι ἑτερον.

## §. II.

Ineptior adhuc est sententia illorum, qui ad *Populum Israël*, vel ad *Davidem ipsum* τὸ sedere ad *Dextram Dei* referunt. Cui interpretationi tamen CRELLIUS Socinianus ex sua hypothesi aliquo modo subscribere non veretur. *De Davide*, inquit, (f) quod & alii ante nos agnoverunt, primo seu typico sensu *Psalmus* loquitur. Nam „licet

(c) TERTULLIANUS. loc. citat. (d) Dialog. cum Tryphon. Judeo. (e) Commentar. ad Psalm. CX. 1. (f) Commentar. ad Hebr. 1. 4.



„licet David ejus auctor fuerit, & mystico sensu is ipse,  
„ut Christus docet. Christum Dominum suum vocet,  
„tamen ita fuit compositus hic Psalmus, ut a populo aut  
„unoquoque ex populo tunc caneretur de *Davide*. *Davi-*  
„*dem* vero Deus inter omnes Reges ac Principes terræ ad  
„Dextram suam, hoc est, omnium honoratissimo loco  
„collocavit, & primam Imperii, quod in terris habuit,  
„partem ei concessit, nimirum Regium Imperium in su-  
„um Populum. Quia ergo & Christus Davidis Anti-  
„typus Imperium habet in populum Dei & quidem cœ-  
„leste, ac primus post Deum est, locoque honoratissimo,  
„ideo ad Dextram Ipsius in cœlis consedisse dicitur.  
Quam erroneam C R E L L I I interpretationem nobis no-  
tasse sufficiat. Vetat enim instituti ratio principiorum  
Socinianorum prolixam hic texere confutationem, ma-  
xime quum eadem adversus C R E L L I U M hoc loco fa-  
ciant, quæ opponuntur Judæis.

## §. III.

Accidit vero his & cæteris istiusmodi Interpretibus,  
quod multis aliis, qui tuentur errores. Sicut enim illi  
errores erroribus augent, ita & Judæi, ne quid obstet in  
illustri hoc vaticinio detorquendo, auctorem Psalmi du-  
biū & incertum reddere conantur. Licet enim illi, qui  
Prophetiam hanc de Ezechia Rege vel Zorobabele expli-  
candam esse autemant, Davidem Regem non negent  
Hymni hujus auctorem, negant tamen cæteri & pro va-  
ria interpretatione varios quoque nominant auctores.  
Qui *Abrahami* laudes Psalmi hujus argumentum ponunt,  
servum ipsius Elieferem illas in honorem Domini sui de-  
cantasse somniant, nulla, ne quidem tituli, habita ratio-  
ne. Qui elogia Psalimi ad Davidem pertinere vellent,  
aliquem ex ipsis cantoribus auctorem faciunt, & vanum

A 3

quæ-



quærunt in inscriptione præsidium לְדוֹד מִזְמָר quasi illa significaret Psalmum non esse Davidis, sed de Davide vel Davidi cantatum. Hinc enim potius contrarium constat, siquidem plures alii Psalmi, de quibus tamen certum est, quod hunc Regem & Prophetam auctorem habent, & in quibus nihil est, quod ad Davidem posset referri, hoc titulo insigniuntur. Imo & ipse Lingua Hebræa Genius literam ḥ sapius secundi sive Genitivi casus notam admittit. Exempla in Scriptura Veteris Testamenti passim prostant, (g) & probant idem prolixius BUXTORFFIUS, (h) SONNTAGIUS (i) aliique.

## §. IV.

Quidquid tandem male sani Judæi in contrarium proferant, nos tamen Servatorem ipsum Optimum & certissimum hujus Psalmi & Prophetiae habemus Interpretem. (k) Ille enim non tantum ad hoc DAVIDIS testimonium provocat, sed & de Christo illum esse locutum testatur. Possent ipsi Judæi, nisi densa caligine occæcatos haberent oculos hoc facile animadvertere, tum ex eo, quod ille, qui sedet ad Dextram Dei, vocatur Dominus Davidis, (non enim possunt Abraham, Ezechias, Zorobabel, multo minus ipse David vel populus Israël, eo quo hic occurrit sensu, nuncupari Domini Davidis) tum maxime ex aliis, quæ adduntur promissionibus, de missione sceptri ex Zione (l) de spontaneo & sancto populi cultu, de constitutione ad æternum Sacerdotium, secundum ordinem Melchisedeci, &c. Quibus rationibus moti Judæorum saltem

(g) 1. Sam. XIV. 16, 1 Paral. XVII. 24. Psalm. XXX. 1. Psalm. LXI. 1. Habac. III. 1. &c. (h) Thesaur. Grammat. L. II. c. XVII. (i) in Titul. Psalm. pag. 100. (k) Matth. XXII. 41, seq. (l) Psalm. CX. 2. seq.



saltem quidam prudentiores, non tantum olim, quod patet ex silentio Pharisaorum, adversus quos Christus hunc locum ursit, (m) sed & recentioribus temporibus Psalmi verba de nemine nisi Messia intelligi posse fassunt. (n)

### §. V.

Hæc nobis de sensu & auctore hujus Prophetiæ monuisse sufficient; neque amplius huic præcise loco immorramur, eujus saltem mentionem fecimus, ut pateat *Sessionem Christi ad Dextram Dei*, ad quam toties sub Novo Testamento provocarunt Apostoli, jam olim in Spiritu prædixisse Davidem. Pergemus nunc in explicando hoc fidei articulo, quo confitemur Christum sedere ad Dextram Patris, & primo quidem ipsam locutionem ab hominum consuetudine desumptam excutiemus, ut ita cognita vocum emphasi facilius intelligamus, quomodo ad res divinas transferatur Metaphora. Ita enim veritatem ipsam aliquo modo posse illustrari arbitramur.

### §. VI.

Manus Dextra ab antiquissimis temporibus apud homines in honore fuit & sinistra præstantior habita. Vox hebræa

---

(m) Matth. XXII. (n) Rabbinorum hanc in rem testimonia prostant apud MUNSTERUM & GROTUM in annotat. ad Psalm. CX. Alia his addidit Polus in Synops. Critic. ad h. l. Probavit idem quoque HACKSPANIUS in nor. philolog. ad Ps. CX. Qui plura adversus Judeos cupit argumenta, adeat AUGUSTINUM de Civ. Dei Lib. XVII. C. XIV. & quæ in notis suis ibi addiderunt LUD. VIVES & LEONH. COQUUS. HOORNBECKIUM in Lib. contra Judæos p. m. 366. seq. MARCIUM Exercitat. XVIII. in Ps. CX. & alios, qui prolixiores hujus Psalmi vindicias exhibent.



hebræa יָמִן quemadmodum derivatur ab יָמֵן & græca δέξια a verbo δέχω (quæ etiam est origo vocis latinæ, nisi quis illam cum HUGONE de S. VICTORE (o) forsan velit derivare a Dando) ita contra sinistram dixerit σκανδόν, quia σκανδῶς ἔχει πρὸς τὰς πράξεις inēpta est ad actiones & Αριστερὰν, τὴν ἐκ δύον αριστὴν, αλλὰ τὴν ἐπέραν ὑπερεπερθσαν, optimam, quæ optima non est, sed alteri inservit. (p) Tοῖς γὰρ δέξιοις πάντα πέφυκε τὰ ζῶα ἀδρὰ μᾶλλον, Parte enim dextra omnia animalia sua natura sunt efficaciora, (q) & Φύσει βέλτιον τότε δέξιον αριστερά, Natura Dextrum melius est sinistro. (r) Illud enim regit calor visceris sui, hoc contagione frigoris sinistra obtinentis hebetatur. (s) Hæc ratio quasi naturalis est, cur homines omni tempore manum dextram sinistra præstantiore existimaverint. Δέξια τιμωτέρα νερόπουσαι τῆς αριστερᾶς, Dextra præstare putatur sinistra, inquit JUSTINUS MARTYR. (t) Exempla antiqua satis occurunt in ipsis sacris Literis. Jacobus quando duobus ex Josepho Nepotibus Menassi & Ephraimo ante obitum benedictionem impertire volebat, (u) eosque Josephus e regione Patris senio confecti ita disponeret, ut Menassen primogenitum collocaret versus ipsius dextram, Ephraimum vero natu minorem, versus sinistram, ordinem quem Josephus observabat, plane immutabat Jacobus, &, quum sacri hujusmodi actus peragerentur manuum impositione, Dextram manum imponebat Ephraimo, sinistram Menassi. Josephus qui hoc per errorem fieri putabat, melius Partem

(o) Institut. Monast. Lib. III. cap. 60. fuit Doctor Seculi XII.

(p) Etymolog. M. voc. δέξια, σκανδόν. Αριστερά. (q) ARISTOTELES de part. animal. Lib. IV. cap. 8. (r) Idem de incess. animal. cap. IV. (s) MACROBIUS Saturnal. Lib. VII. c. 4. (t) Responsion. CXVIII. ad Orthodoxos.

(u) Genes. XLVIII.



trem instruere volens, accipiebat responsum: Novi Fili mi, novi; crescent etiam Menassis posteri, attamen ipsum antecellet Ephraimus. Hoc igitur manum permutatio ne indigitaverat Jacobus. Quare opus non est, ut hic aliis iisque incertis speculationibus inhæreamus, quod illi faciunt, qui per hanc manum transpositionem Crucis signum Jacobum præfigurasse autemant. (w)

## S. VII.

Eundem vero morem, ne longius aberremus a via, cæteris quoque populis Ægyptiis, (x) Afriis, (y) Numidis, (z) & plurimis aliis receptum fuisse docent veterum Scriptorum testimonia. De Romanis in primis notissimum est, quod illos, quos honoraverint, ad Dextram collocauerint. Patet hoc ex Scriptorum Latinorum locis innumeris. (a) Manui dextræ Religionem quandam inesse, cæteros inter Persæ maxime atque Romani putabant, unde & illa utebantur tanquam Symbolo atque Sacramento

B

fidei.

(w) TERTULLIANUS de Baptismo cap. VIII. *Imp̄fitis & intermutatis manibus benedixit, & quidem ita transversim obliquatis inter se, ut CHRISTUM* (Lipius legendum putat x græcam literam hujus figura) deformantes, jam tunc portenderent benedictionem in Christo futuram. DAMASCENUS Lib. IV. Orthod. cap. 12. *Ιανός προσκυνήσας τὸ ἄγον τῷ μέδε, ἐπιλαμψίαις τῶν χρεών τούτων, Ἰωάννῳ εὐλογήσας, καὶ τὸ σημεῖον τῆς συνέης διαγένεται σαρπίσαται.* Quos deinceps sequuti sunt complures alii recentiores Doctores Ecclesiæ Romanæ. (x) ALEXANDER AB ALEXANDRO in Genial. Dieb. Lib. II. Cap. XIX. addit ibi TIRAQELLI notæ. (y) ALEX. AB ALEXANDRO loc. cit. (z) SALLUSTIUS in Bello Jugurth. pag. 221. edit. Lugdun. 1649. AL. AB ALEX. loc. cit. (a) SuetONIUS in Nerone cap. XIII. in Claudio cap. XXIV. HORATIUS Satyr. II, v. 15, &c.



fidei. (b) Multis in locis vice jurisjurandi repertum est, ut fides datis dextris, quæ erat πίσις βελτιωτην παρὰ τοῖς θέραις, ut loquitur DIODORUS, (c) obstringatur ea vi, ut ni impleatur promissio, Promissor non minus detestabilis haberetur, quam si pejerasset. (d) De Numa Pompilio referunt auctores, (e) quod Sacrum fidei instituerit, ad quod Flamines curra arcuato, manu ad digitos involuta, solemnii pompa vehi jussit, magno argumento illam in Dextris Sanctam Sacratamque & properea minime violandam ratus. (f) In Adorando Dextram ad osculum referimus, inquit PLINIUS. (g) APULEJUS:

(b) VIRGILIUS Aeneid. I. v. 412. III. v. 83. & 610. CURIUS Lib. VI. cap. 7. & 10. Lib. VIII. c. 11. LIVIUS Lib. XXX. c. XII. n. 11. & cap. XIII. n. 5. NEPOS in Themistocli cap. VIII. in Damam, circa fin. STATIUS Theb. Lib. I. v. 420. Apud ipsum CICERONEM testimonia passim obvia sunt, in orat. pro Deiotaro cap. III. in Verrem X. 40. ALEX. AB ALEXANDRO Genial. Dier. Lib. II. cap. XIX. Docent idem Graeci pluri-  
mi. Antiquissimus omnium HOMERUS Il. B. v. 341.  
Il. A. v. 672. POLYBIUS Lib. V. 54. DIOD. SICULUS Lib. XVI. cap. X. JOSEPHUS antiq. J. Lib. XVIII.  
c. XI. HESYCHIUS VOC. δεξια. Addi possunt TACITUS  
Annal. XII. XLVII. 3. OVIDIUS Heroid. II. v. 31. RHO-  
DIGINUS A. L. IX. 22. Confer. BRISSONIUS in Persicis, & form. I. TIRAKELLUS in præfat. ad commen-  
tar. de jur. primigen. J. P. PFEIFFERUS in Antiq. Græ-  
cis Lib. IV. cap. XII. (c) Lib. XVI. cap. XLIII. (d)  
GROTIUS de jur. B. & P. Lib. II. cap. XIII. §. 22. (e)  
LIVIUS in Decad. Lib. I. DIONYSIUS HALICARNAS-  
SEUS Lib. II. PLUTARCHUS in Numa. (f) ALEX.  
AB ALEXANDRO Gen. Dier. L. II. cap. XIX. (g) Lib.  
XXVIII. cap. 2. Hist. Nat. vid. & Lib. XI. cap. 45.



LEJUS: (h) Multi civium admoventes oribus suis Dextram, priori digito in erectum pollicem residente, religiosis adorationibus illam venerabantur. LUCIANUS; (i) ο πέντε ἵλσατο τὸν Θεὸν Φιλήσας μόνον τὴν αὐτὴν δεξιάν. Pauper placavit Deum osculatus solummodo Dextram suam. (k)

## §. VIII.

Factum hinc est, ut & latus sive regio dexterior, læva haberetur potior. Exempla hujus rei iterum prostant in ipsis Sacris Literis. Christus ubi loquitur de ultimo judicio, (l) oves i.e. pios ad Dextram, hædos vero i.e. impios ad Sinistram se collocaturum prædictit. Observant hic interpres Philologi, Christum respexisse ad ritum tunc temporis observatum in Synedrio Judæorum. Locus est in Codice SAN HEDRIN: (m) *Synedrium instar horreī dimidiati fuit, uti orbicularis, ut unus alterum contueri posset. Coram illis a dextra & læva stabant duo Scribe, qui absolventium & condemnantium annotarent sententias.* (n) Ubi quod in transitu moneo, COCEJUS (o) reprehendit MAIMONIDEM, qui illum ordinem in confessu Synedrii observatum esse ait, ut quo quisque cæteris honoratior fuerit, ita ad sinistram Principis proprius federit. Adversus illum autem pluribus ostendit Cl. COCEJUS, (p) Principem sedisse medium, ad Dextram Se natum, ad lævam Sapientes, qui dignitate tertii erant. (q)

B 2

Addunt

(h) Metam. Lib. IV. adde ejusdem apologiam primam. (i) Libro τετραγωνον de Sacrificiis. (k) Confer. P. PITHOEI adv. I. cap. 7. J. P. PFEIFFERI Antiq. Græcas Lib. I. cap. IV. &c. &c. (l) Matth. XXV. 31. (m) Cap. IV. §. 3. (n) Confer. DRUSIUS præterior. Lib. I. SAU BERTUS in Palastr. pag 289. (o) In not. ad Sanhedrin. cap. IV. §. 3. (p) loc. cit. (q) Confer. VITRINGA Obser-



Addunt his alii, partes quoque in hoc judicium vocatas, ita collocatas fuisse, ut absolvenda dextram, damnanda vero sinistram teneret. Aliena igitur non est illorum conjectura, qui Christum ad Judæos verba facientem, ad hunc ritum ipsis notum respexisse putant; quod alibi etiam factum observamus. Ita ergo Christus, quando ait, sese hædos, sub quorum nomine veniunt impii, collocaturum ad sinistram, significasset, esse qui eos accusaret, & accusatos damnaret; oves vero i. e. pios & electos ad Dextram se positurum dicit, ut ita in ipso judicio adparerent absoluti. (r)

### §. IX.

Subjungo hic pulchrum & huic aliquo modo similem PLATONIS locum, maxime quum PLATONIS ætas multum antevertat Epocham nostram, quippe cuius mors ex quorundam computo incidit in annum ante natum Christum CCCXLVIII. Ille ergo postquam prolixe docuerat, (s) malos post hanc vitam manere penas, bonus vero præmia, mentionem facit Eris alicujus Armenii, „ genere Pamphylii, qui quum occubuisset in prælio, sub „ latis decimo die cadaveribus, cæteris jam corruptis, in „ teger quidem incorrupto corpore repertus fuit, domum „ que delatus ut sepeliretur, duodecima jam ab obitu die, „ dum pyræ impositus esset, revixit, & quæ interim vi „ derat, retulit. Narravit ergo postquam anima fuisset „ a corpore separata, se una cum pluribus in locum quen „ dam

Observat. Sacr. Lib. II. cap. IV. §. 10. & 11. & cap. V.  
qui idem fusius probat ex Rabbinorum testimoniosis. (r)  
Vid. J. C. WOLFIUS in curis Philolog. Crit. ad Matth.  
XXV. 33. (s) Libr. X. de Republ. pag. 518. Edit.  
Lugdun. 1520.



„dam Dæmonum pervenisse. In quo terræ duos proximos vidit hiatus: duos item alios e conspectu superne in cœli regione conspexit: Δικαῖοις δὲ μεταξὺ τέτων καθῆσθαι. οἵ επειδὴ διαδικόστειαν, τοὺς μὲν δικαῖος κελεύειν πορέντας τὴν εἰς δεξιάν τε καὶ ἄνω διὰ τὸ ὄφαντα. Inter hos vero hiatus Judges sedere, qui postquam animas judicarunt, justos quidem ad Dextram supra per cœlum ascendere jubent. -- τοὺς δὲ ἀδίκους, τὴν εἰς αριστεράν τε καὶ κάτω. Injustos contra ad Sinistram infra. &c. (t) Hactenus Sapiens Græcus, cujus verba interponere opera prestitum duximus. De Judæis memoriae proditur, quod Euloyias benedictiones & promissiones Legis pronunciaverint obverso vultu ad montem Garizim, qui ipsis situs erat versus meridiem, sive ad Dextram; Άρες autem Diras & execrationes legis ore obverso ad montem Hebal, qui ipsis ad Aquilonem i.e. sinistram positus erat. (u) Cujus rei ratio licet a quibusdam adducatur tantum situs illorum montium, quia Dextra, ut loquitur AUGUSTINUS (v) felicitatis & dignitatis locus est. sinistra infelicitatis & miseriae, mihi tamen repetenda videtur ab expresso præcepto Moysis. (x) Possent plura hic congeri exempla

A 3

etiam

(t) Confer. ELSNERI Observat. ad N. Test. pag. 116. & d'OUTREINUS in Observat. Miscellan. pag. 224. (u) GROTIUS commentar. ad Matth. XXV. 33. (v) Commentar. in Psalm. CXX. (x) Deuteron. XXVII. 12. 13. Si transveritis Jordanem, haec tribus stabunt in monte Garizim, ut benedicant Populo: Simeon, Levi, Juda, Ioseph, Iacob & Benjamin. Ille vero ad execrationem stabunt in monte Hebal: Ruben, Gad, Aser, Sebulon, Dan & Naphtali. Confer. Deuter. XI. 29. Unde & illud postmodum a Josua observatum esse legimus Jos. VIII. 33. 34.



etiam ex usu & consuetudine aliarum gentium. Verum mittimus plura, quum ex adductis constet, Dexteriem locum ab antiquissimis temporibus plerisque populis, Iudeis in primis atque Romanis potiorem & honoratiorem fuisse sinistro, quod nobis hic probandum erat.

## §. X.

Nihilo tamen minus hoc ipsum in dubium vocatum est a quibusdam Theologis Ecclesiae Romanae, idque non tam ut faciliorem *Sessionis Christi ad Dextram Patris* tentarent explicationem, quam ut stabilirent primatum Pontificis Romani. Observatum scilicet fuit in priscis Pontificum sigillis, quibus munita sunt ipsorum diplomata & aliis picturis antiquis Pauli imaginem plerumque dextro, Petri contra sinistro loco ponit. Itaque ne videatur Paulo hoc modo major quam Petro deferri auctoritas, quidam adfirmare ausi sunt, maiorem apud antiquos illi fuisse delatum honorem, quem collocaverint ad latum sinistrum, quam quidem illi cui permiserint Dextrum. Primus cui hoc in mentem venit, fuit ANTONIUS NEBRISSENSIS, qui elegantiores literas in Hispania instauravit & Cardinali Ximenio, Archi-Episcopo Toletano fuit a consiliis in adornando opere Biblico Complutensi. Numquid, inquit ille, (y) tanquam in potiori loco? (Paulus Petro conspicitur Dexter) Absit, ut Apostolorum Principi, quivis alter preferatur. Nam quid sibi vult gladius ille, quem Paulus habet strictum, nisi quod est Petri comes, stipator atque satelles?

## §. XI.

ANTONII haec sententia licet nova & proorsus aliena, nacta tamen est suos in Ecclesia Romana defensores. Cardina-

(y) In Quinquagen. Cap. XXXIX.



dinalis BARONIUS, quem sequuntur CABASSUTIUS, PALLACIUS, aliique eruditi, illam non tantum suam facit, sed & duobus potissimum argumentis ex antiquitate petitis ulterius probare satagit. Primum desumit ex *Aποθέωσι*, solemini illo Romanorum ritu, quo Imperatores demortuos in Deos referebant & divos appellabant.  
 (z) Refert scilicet HERODIANUS, (a) ex quo idem exscripsit BARONIUS, (b) Imaginem defuncto Imperatori similem imponi lecto sublimi & eburneo, a cuius *leva* parte sedeat totus Senatus atris amictus vestibus; *a Dextra* vero Matronæ, quas virorum aut Parentum dignitas honestet. *Nam apud Romanos*, addit BARONIUS, pars *sinistra melioris est auspicii*, ac *proinde dignior habetur*. Quam in rem citat quoque PLUTARCHUM (c) & VARRONEM (d) In perlustrando priori nihil reperi, quod sententiam BARONII posset juvare, VARRONEM vero, cuius Librum *de Lingua Latina* non licuit inspicere, nihil contra unanimem Scriptorum Latinorum dixisse confido. Conjeci tamen postea respexisse BARONIUM ad quæstionem illam, quam PLUTARCHUS movet dicto loco: *Quare in auspiciis Aves sinistre pro faustis habeantur apud Romanos, contra quam apud Græcos?* Videntur hoc ipsum innuere verba BARONII: *apud Romanos pars sinistra melioris est auspicii*. Idem etiam alibi confirmasse lego VARRONEM (e) addita simul hujus rei ratione. Exstat locus apud FESTUM: (f) *A Deorum sede quum in Meridiem species,*

(z) Vid. LACTANTIUS Div. Instit. Lib. I. cap. XV. quæque ibi notavit KIRCHMANNUS. (a) Lib. IV. cap. 2. qui solus ex Veteribus hunc ritum accurate exponit. (b) Annal. Tom. II. ad ann. CCXIII. n. 6. (c) In Quæstionib. Roman. (d) de Lingua Latin. Lib. VI. (e) Epistol. quæst. Lib. V. (f) Voc. *Sinistra*.



speces, ad sinistram sunt partes mundi exorientes, ad Dextram occidentes, factum arbitror, ut sinistra meliora auspicia quam dextra esse existimantur. Sane auguria sinistra apud Romanos fuisse lata & prospera, Dextra non item, dubium nullum est. (g) Verum ex ritu illo, quem observabant Romani in captandis auguriis nihil prouersus hic probat BARONIUS. Illius rei ratio enim petenda est ex diversa contemplatione plagarum cœlestium. Prosperum omnibus augurium erat, quod eundem cum sole ortum habebat, quia lucis & motus principium (h) ab illa parte esse credebant, & κατὰ τὴν τῶν ἀνθρώπων ὑπόληψιν τιμωτέρα ἐστὶν η ἀνατολὴ τῶν ἄλλων μερῶν τῆς κλίσεως, secundum opinionem hominum præstantior est oriens aliis Creaturæ partibus; (i) Malum omen vero cunctis erat, quod ab occasu veniebat. Graci itaque, qui se in exercitiis Religiosis convertere solebant versus Septentrionem, ortum necessario a Dextra, occasum a sinistra habebant. Sufficit eam in rem clarissimum HOMERI testimonium: (k)

Eit

(g) PLAUTUS Epid. Act. II. Scen. 2. Liquido ex eo auspicio: avi Sinistra. CICERO de Div. Lib. II. 43. Fulmen omnibus rebus auspicium habemus, si sinistrum sit. ibid. 82. Ita nobis sinistra videntur, Grajis & Barbaris dextra meliora. add. BARTHIUM ad Statii Thebaid. Lib. III. pag. 807. seq. THYSIUM exercit. XIX. Miscellaneor. Observa tamen infelicia omnia ipsis in universum sæpe Sinistra dicta esse, a quacunque demum cœli parte venerint. Testis est CICERO de Div. L. II. VIRGILIUS Eclog. 1. Sæpe sinistra cava prædicta ab ilice cornix. (h) ARISTOTELES de Anim. Lib. II. cap. I. confer. G. J. VOSSIUS de Idololatri. Lib. II. cap. 41. ALEXANDER AB ALEXANDRO Genial. Dier. Lib. V. cap. XIX. quæque ibi annotarunt viri docti in edit. Lugdun. Batav. 1673. (i) JUSTINUS MARTYR Responf. CXVIII. ad Orthodox. (k) Iliad. 12. v. 239. 240.



"Εἰτ' ἐπὶ δεξιᾷ ἔωσι πρὸς ἡῶ τὸν ηελιόντε.

"Εἰτ' ἐπὶ αριστερᾷ τοιγε, ποτὶ ζόφου ηερόντα.

Sive ad dextram vadant versus auroram & solem,

Sive ad sinistram versus occasum obscurum.

Contra vero Romani obversi in Meridiem, ubi sedem Deorum credebant, ortum a sinistra, occasum habebant a Dextra. Docet hoc supra citatus VARRONIS locus. Sed clarius adhuc PLINIUS: (l) *Læva prospera existimantur, quoniam læva parte mundi ortus est.* Senserunt ergo idem utrique Romani & Græci, diverso licet modo loquuti, eademque auguria Græci *Dextra*, Romani dixerunt *Sinistra*. (m) Novi quidem rem ab aliis aliter concipi, prolixas vero nostræ explicationis exhibere vindicias hujus loci non est. Contra BARONIUM ex dictis collegisse sufficit, nullam prorsus esse ipsius objectionem, neque ulla ratione ad hanc quæstionem pertinere, quod Romani observarunt in captandis auguriis.

### §. XII.

Solvendus adhuc esset HERODIANI locus (n) quem potiori jure nobis opponeret BARONIUS. Ille enim expressè narrat in consecratione Imperatorum, Senatum Romanum occupasse locum *sinistrum*, Matronas vero, quæ inferioris conditionis erant, *Dextrum*. Ἐν μὲν τῷ λαϊῳ μέρει, πᾶσα ἡ Σύγκλητος, — ἐν δὲ τῷ δεξιῷ, γυναικεῖς πᾶσαι &c. Certi quidem, quod hic reponam, nihil habeo, aliquam tamen solutionem suppeditare forsan possent, quæ præcedenti §. dicta sunt. Inter alia testimonia produximus etiam illud JUSTINI MARTYRIS: (o) Κατὰ

C

τὴν

(l) Histor. Natur. Lib. II. cap. LIV. (m) Confer. RUELL not. in Virgil. Ecl. I. & IX. (n) Lib. IV. cap. 2. (o) Respons. CXVIII. ad Orthodox.



τὴν τῶν ἀυθρώπων ὑπόληψιν τιμιωτέρα ἐσὶν ἡ ἀνατολὴ τῶν ἄλλων μερῶν τῆς κλίσεως. Addemus hic quæ sequuntur: διὰ τέτο εὐ τῷ καιρῷ τῆς προσευχῆς νένομεν πρὸς ἀνατολὴν πάντες. — ἡ γὰρ ἀνατολὴ ὡς τιμιωτέραν μέρος τῆς κλίσεως, εἰς προσκύνησιν Θεῶν αἴφωριται. Opinione hominum præstantior est oriens aliis creature partibus. Eam ob rem precationis tempore vultu ad orientem omnes convertimur. — Oriens enim ut præstantior creature pars ad precationem Dei est destinata. Confirmat idem CRATIUS. in Chirone:

Ἄγε δὴ πρὸς ἔω περῶτον ἀπάντων ἴσω,  
Καὶ λάμπανε χερσὶ σχίνον μεγάλην,  
Χέε ταῦτα. τὸ ὑδωρ ἐκ τῶν κρατήρων χέε,  
Age vero ad auroram primum omnium confite,  
Et cape manibus juncum magnum,  
Funde hæc : aquam ex crateribus funde.

VIRGILIUS quoque (p) Reges sacrificantes introducit spectantes versus orientem: Illi ad surgentem conversti lumina solem. Ubi S. R. VIUS: Non utique nunc solem orientem dieit, iam dudum enim dies erat, sed disciplinam cæremoniarum sequutus est, ut orientem spectare diceret eum, qui esset precaturus. Evincunt hæc veterum testimonia, quoram quadam debeo SCHEDIO, (q) in prectionibus & cæteris ritibus sacris peragendis hoc observationum fuisse semper, ut se converterent versus orientem. Jam vero Romani, qui in cæremoniis religiosis faciem vertebant in Meridiem, ubi sedem Deorum esse credebant, ut §. præcedenti visum est. Orientem habebant ad sinistram, occasum ad Dextram. Quæ si referamus ad ea, quæ HERODIANUS narrat, solutio in promptu erit. Ita enim

(p) Aeneid. XII. (q) Libr. de Dis. German. Syngrammat. II. cap. XXX.



enim Senatus Romanus, qui Imperatorem demortuum, nunc Deum esse pronunciabat, eumque simul tanquam talem venerabatur, occupavit locum Sinistrum, non quia fuit honoratior Dextro, sed quia ex gentium consuetudine novi Dei Majestas poscebat, ut in adoratione versus partem mundi orientem se converteret, quam in preceptionibus Sinistram habebant. Matronæ vero manebant ad Dextram, quia non illarum, sed Senatus erat novum consecrare Deum. Pertinet huc aliquo modo illud CALIXENI RHODII in reb. Alexandr. τοῖς μὲν ἐν κατοικομένοις περὶ τὸ ἡλίου δυσμὰς ἐναγίζομεν τοῖς δὲ ἀραιδαῖς ὑπὸ τὴν ἔω τὸ ἡλίον ἀνατέλλοντος ιερένομεν. Vita defunctis circa occasum solis, (qui Romanis Dexter erat) parentamus: at cœlestibus Diis auroræ tempore, sub exortum solis, (qui Romanis Sinister erat) sacrificamus. Similiter Vetus Pindari SCHOLIASTES (r) quondam usitatum fuisse scribit: Κατὰ τὰς ἀγαπολὰς ιερεργεῖν τοῖς Θεοῖς, ἀλλὰ πρὸς δυσμὰς τοῖς Ἡρῷσι. Versus orientem sacra facere Diis, versus occidentem Heroibus. Ergo hoc quoque observandum erat in colendo novo Imperatoris Numine. Ita quidem mihi videtur posse solvi & explicari HERODIANI locus. (s) Sufficit non everti hac objectione nostram sententiam, quæ nititur certissimis supra citatis argumentis. Qui contrarium cum BARONIO sententiam defendit JOH. GOROP. BECANUS (t) ad hunc HERODIANI locum ne quidem provocat, sive quod eum latuerit, sive quod nihil praefidii in eo invenerit, quum tamen multa alia testimonia ex priscis Scriptoribus, speciatim OVIDIO congerat; sed quæ omnia nihil prorsus probare fuse docuit JUSTUS

C 2

Li-

(r) ad Isthm. IV. (s) Lib. IV. cap. 2. (t) Hieroglyph. Lib. III, pag. 41, seq.



LIPSIUS (*u*) & multa alia loca VALERII, PLUTARCHI, SUETONII, SALLUSTII IMO & ipsius OVIDII in contrarium produxit. Ex quibus omnibus satis constare arbitror, frusta esse BARONIUM & omnes illos, qui ANTONII fabulam ex antiquitate, vel Romanorum aliqua consuetudine se tuituros sperant. (*w*)

### §. XIII.

Sed videamus alterum argumentum BARONII. (*x*) Desumpfit illud ex Sessionis ordine, qui observatus est in Synodo Chalcedonensi, atque in illius actis ita describitur: *Residentibus magnificentissimis & gloriofissimis Judicibus & amplissimo Senatu in medio ante cancellos Sanctissimi Altaris; & in leva quidem parte sedentibus Sanctissimis & Reverendissimis Episcopis & Vicariis Deo amicissimis, Leone Episcopo priscae urbis Romae & Anatolio Religiosissimo Archi-Episcopo Constantinopolitanae Regiae Civitatis, & Maximo Religiosissimo Episcopo Antiochiae.* — *Dextra vero parte similiter confidentibus Diocoro Religiosissimo Episcopo Alexandrino, & Juvenali Episcopo Hierosolymorum. &c.* Hæc quum de situ & Sessionis ordine in Synodo Chalcedonensi disposita inveniantur, pergit BARONIUS (*y*) & haud dubie ex antiquo & usitato rerum ordine, nempe quod factum Patres scissent in Niceno Concilio, Constantinopolitano pariter & Ephesi-

„no

(*u*) Elector, Lib. II. cap. 2. (*w*) Confer. complures alii recentiores, qui sententiam nostram vindicarunt & innumerata ex antiquis Scriptoribus in hanc rem congefferunt argumenta, Douetanus in Analect. Sacris part. I. excurs. 98. part II. excurs. 83. Masson in histor. critic. Reip. literar. Tom. I. pag. 65. seq. & alii. (*x*) Annal. Tom. III. ad ann. CCCXXV. n. 57. 58. (*y*) loco citato.



„no, quis non intelligit locum sinistrum ab illis sanctio-  
rem ac digniorem esse existimat? Rem paucis complectar & BARONIO opponam saltem responcionem LXXI BISCIOLÆ, (z) qui & ipse Ecclesiae Romanae addi-  
ctus fuit. Ille quamvis novam hanc sententiam, quæ Si-  
nistram præfert Dextræ, ut ingeniosam laudet, eandem  
tamen omni fundamento destitutam esse judicat, & post-  
quam alia argumenta in contrarium produxerat, hic spe-  
ciatim BARONIO respondet: *Ex hoc ritu antiquo, ut est  
in prioco Ecclesie Romane ordine, sedebant ea locali di-  
spositione, ut intrantibus quidem Ecclesiam Episcopi essent  
ad Sinistram, Presbyteri ad Dextram, sed quando Pon-  
tifex sederit, & ad eos respexerit, Episcopos ad Dex-  
tram, Presbyteros contineret ad Sinistram.* Si urgeas in  
gratiam BARONII, Romanum quoque Episcopum, quod  
legitur in actis, cum reliquis sedisse ad Sinistram in Syno-  
do Chalcedonensi, valet tamen responsio BISCIOLÆ.  
Nam intrantibus quidem Romanus & ceteri Episcopi te-  
nuere sinistram, sed versa facie, si rationem habeas San-  
ctissimi Altaris in medio ante cancellos collocati, illius la-  
tus dextrum clausere Episcopus Romanus, Constantino-  
politanus, Antiochenus, &c. Sinistrum, Alexandrinus,  
Hierosolymitanus &c.

## §. XIV.

Possent, quæ hactenus diximus, pluribus confirma-  
ri, nisi abunde hoc jam fecisset BASNAGIUS (a) qui ex  
MARCELLINI Chronico, (b) Actis Synodi Constantino-  
politanae, (c) aliisque monumentis Ecclesiasticis contra-

C 3

rium

(z) Horat. Subseciv. Tom. II. Lib. II. cap. 5. (a) In Annalib.  
Polit. Ecclesiasticis ad ann. Dom. XXXIII. §. 164. (b)  
pag. 51. (c) VI. act. I.



rium adversus BARONIUM probat. Prætereunda vero non sunt, quæ de hac controversia, quam hactenus examinavimus, habet Cardinalis BELLARMINUS, acerrimus Ecclesiæ suæ defensor & propugnator. (d) Transit & hic in sententiam ANTONII NEBRISSENSIS, ne ex eo, quod in sigillis & picturis antiquis Paulus obtineat locum dextrum, Primatui Pontificis Romani quid decebat. „Olim observatum fuisse, ait, (e) ut quum duo simul incederent, senior & honoratior ad levam esset, junior autem latus ei dextrum clauderet, & non nihil præcederet in signum obsequii; unde tales etiam Latrones & contractæ latrones dictos putat, tanquam qui Dextrum latus Nobiliorum defensionis causa tegerent, quum tamen Latrones potius a Græco λατρεύειν, quod est servire, nomen habere certum sit, quod hinc etiam promiscue dabatur Militibus. (f)

#### §. XV.

Hinc jam credibile esse conjicit BELLARMINUS, (g) in sigillis & picturis antiquis Paulum ut juniores & auctoritate minorem collocatum esse ad Dextram Petri, ut illum ferme totum tegat. Quod autem postea ordo fuerit immutatus, hoc ex imperitia factum videri, quia, forsitan existimarent, hoc fieri ob honorem Pauli. Verum hæc omnia lubrico, imo nulli, fundamento niti, ex iis, quæ hactenus dicta sunt, satis patere arbitror. Accedit, quod BELLARMINUS hoc loco aperte loquatur pugnan-

(d) De Roman. Pontifice Lib. I. cap. XXVII. (e) BELLARMINUS loc. citat. (f) PLAUTUS in Milit. A. I. Sc. IV. v. 75. Rex Seleucus me opere oravit maximo, ut sibi Latrones cogerem & scriberem. (g) De Romano Pontif. Lib. I. cap. XXVII.



pugnantia. Quod enim nunc per errorem factum esse ait, prius a Veteribus consulto observatum dixerat, addita ratione: ut ex duobus summis Apostolis (sunt hæc ipsa BELLARMINI verba (b)) modo unum, modo alterum anteponerent, atque ita significant, hos vel pares esse inter se, vel certe ignorari uter alteri praestet. Cæterum quod attinet ad locum EUSEBII, (i) quem in illam sententiam citat BELLARMINUS, quæ sinistram præfert dextræ, & in quo legitur Constantiū obeuntem provinciam cum Seniore Augusto, ad ipsius Dextram incedisse, ex eo nihil plane probatur. Patet hoc ex ipsis EUSEBII verbis, quæ manca citantur a BELLARMINO: *Summo in honore apud supra dictos Imperatores erat Constantinus.* Cujusmodi nos quoque eum vidimus, quum per Palæstinam provinciam transiret una cum Seniore Augusto: ad cuius dextram afflens, cunctis, qui videndi desiderio tenebantur, præstantissimus adparuit. Quum igitur locus dexterior, Constantino concessus, esset argumentum summi honoris, quem illi conferebat Augustus, evidens est, quam male hinc suam sententiam probet BELLARMINUS.

## §. XVI.

JANSENIUS GANDAVENSIS, (k) ESTIUS, (l) & alii pariter accedunt sententiæ ANTONII. Novam rationem addit AMAMA: (m) *Cor, inquit, magis vergit ad sinistram.* Unde sinistra quibusdam gentibus honoratior fuit. Perse quos honorare volebant, collocabant ad sinistram, tanquam cordi viciniores. Reperio idem apud

ALE-

(b) Loco citato. (i) De vita Constantini Lib. I. cap. XIX.

(k) In Harmon. (l) Commentar. in Marc. (m) Commentar. in Psalm. CIX. v. 22.



ALEXANDRUM AB ALEXANDRO, (n) qui postquam apud plerasque alias gentes Dextram in honore habitam esse docuerat, addit: *Refert tamen Xenophon, Cyrum singulari prudentia viros adhibitos convivas, quo honoratius exciperentur, in sinistra locare solitum, eamque partem, velut cordi affinem, digniorem duxisse.* Aliam tamen hujus rei rationem lego apud XENOPHONTEM; (o) *Ad cœnam, inquit, invitati quum venissent, non fortuito unumquemque collocabat, ἀλλ' ὅν μὲν μάλιστα ἐτίμα, παρὰ τὴν ἀριστερὰν χεῖρα, ὃς ἐνεπιβελευτοτέρας ταύτης θῆσης, ἢ τῆς δεξιᾶς· τὸν δὲ δευτερὸν παρὰ τὴν δεξιὰν, τὸν δὲ τρίτον πάλιν παρὰ τὴν αριστερὰν, τὸν δὲ τέταρτον παρὰ τὴν δεξιὰν· καὶ ἣν πλέονες ὕστω, ὡσαύτως.* Sed quem honore maximo dignabatur, ad levam, quod hæc insidiis obnoxia magis sit, quam quidem dextra. secundum ab hoc ad dextram, tertium rursus ad levam, quartum ad dextram: ac si plures etiam essent, eadem ratione illos collocabat. Sed vero nihil hinc decedit sententiae nostræ. Nam & XENOPHON hujus rei mentionem facit, tanquam novæ & non usitatæ; & non nisi in convivio CYRUM hoc observasse ait, addita simul ratione, ut illos cordi suo cariores esse indicaret & propterea locum sinistrum tanquam tutiorem concederet. Mansit tamen similis in oriente consuetudo, atque etiam nunc apud Turcas obtinet. Narrat hoc BUSBEQUIUS, (p) eandemque fere, quam XENOPHON hujus rei rationem affert. Hanc scilicet partem honestare gladium, & qui sit in parte dextra, quodammodo gladium habere, sub manu ejus, qui sinistrum latus claudit, illum vero gladium

(n) Genial. Dier. Lib. II. cap. XIX. (o) Cyropæd. Lib. VIII. pag. 220. edit. Francof. 1596. (p) Epistol. I. de Leg. Turcica.



„dium gestare liberum & expeditum. Quæ satis conve-  
niunt cum illis, quæ ex ANTONIO NEBRISSENI supra  
(q) citavimus. Tradit quoque BE SOLDUS, (r) Maho-  
metem docere, omnes Alcorano obtemperantes, Deo  
charos esse, & in ultimo Dei judicio ab ipsius *Sinistris*  
collocatos iri, quia apud Deum *sinistrum latus in majore*  
*fit honore*, ob eamque rationem Turcas etiam nunc o-  
mnes, illis, quibus reverentiam debent vel exhibent, of-  
ferre sinistram. Refert quoque PAULUS VENETUS (s)  
de solemnibus Imperatorum conviviis „Menſam cæteris  
„sublimiorem ad aquilonarem portæ partem ponı. Ad  
„eam sedentem Imperatorem vertere faciem versus meri-  
„diem, a cuius *Sinistra* sedeat Regina major, uxor pri-  
„maria, a *Dextra* Filii & cæteri de ipsius prosapia.

## §. XVII.

Missa vero hac Cyri Turcarumque consuetudine,  
quæ sententiæ nostræ nihil derogat, satis superque proba-  
tum existimamus, plerisque reliquis populis, Judæis in-  
primis atque Romanis, quorum exemplum huc maxime  
pertinet, manum latusque dextrum potius & honoratius  
fuisse sinistro. Quare nisi alia sint argumenta, quibus  
evinci & stabiliri queat Pontificis Romani primatus & Se-  
dis Romanæ auctoritas, obest magis quam prodest illius  
causæ, quod in monumentis antiquis Paulus Petro con-  
spiciatur Dexter. Fuiimus in hac quæſtione investiganda  
paulo prolixiores, quia hoc nobis exigere videbatur lo-  
quutionis Metaphora, quam illustrandam suscepimus.  
Proximum nunc est, ut explicemus, quo sensu Deo tri-  
buatur *Dextra*.

## D

## §. XVIII.

(q) §. X. huj. Dissert. (r) In consider. Sect. Saracen. pag. 10,  
(s) De regionib. Orientalibus Lib. II. cap. XIII.



## §. XVIII.

Deus quum sit merus Spiritus, evidens est, illi nec **Dextram** convenire nec **Sinistram**. Illa proinde Scripturæ loca, quæ **Dextræ** Dei mentionem faciunt, interpretanda sunt, ut Theologi loquuntur, Θεοπρεπῶς, modo qui Deum deceat. Solet enim Deus hac ratione nostræ imbecillitati consulere, & terminis hominibus notis nos instruere de rebus divinis. **Manus** igitur quemadmodum sæpius in Scriptura occurrit, tanquam symbolum potestatis: (t) ita **Manus Dextra**, quæ vulgo potiori robore pollet, idem majori emphasi exprimit. Unde facile intelligimus, **Dextram Dei** in Scriptura notare Ipsius robur & potentiam summam. **Suidas**: Δέξια μυρίς ἡ ἀνάθεν ρωπὴ καὶ ἡ ἀγαθὴ ἐνέργεια πάρα τῇ Θεῖᾳ γραφῇ. **Dextra Domini**: **Supernum ac Divinum auxilium & bona efficacia in Divina Scriptura**. Eadem habet **THEODORITUS**, (u) neque multum abludit illud **DAMASCENI**: (w) Δεξιὰ θεῶν νοσμεῖ τὴν ἐπὶ τοῖς αὐτοῖς ἀντεθόντες βοήθειαν ἐν τῷ καὶ γῆς μᾶλλον ἐπὶ τῶν ἐνσκηνωτέρων καὶ τιμωτέρων καὶ πλέοντος ισχύος δεωρέων, τῇ δεξιᾷ περιχρήσται. Per **Dextram Dei** intelligimus auxilium ejus in prosperis: eo quod & nos in rebus pulchrioribus, & pretiosioribus, & majori robore indigentibus, **Dextra** utimur. Constat idem ex plurimis Scripturæ locis, quæ passim obvia sunt, quæque hic potissimum valent, quia Scriptura optime ex Scriptura explicari potest.

## §. XIX.

- (t) Job. V. 20. Psalm. XLIX. 16. LXXXIX. 49. Elaj. XLVII. 14. Oseeæ XIII. 14. (u) in Psalm. XIX. (w) Lib. I. Orthod. fid. cap. XIV. (x) Exod. XV. 6. Psalm. CXVIII. 16. CXXXVIII. 6. Elaj. LXII. 8. Marc. XIV. 62. Actor. V. 31.



## §. XIX.

Video tamen plures Patres in ea fuisse sententia, per *Dei Dextram* in sacris literis significari ipsum Dei Filium. Testimonia hujus rei habes passim obvia in scriptis CYRILLI ALEXANDRINI. Δεξιὰ τῇ Θεῷ καὶ πατρὸς, γένος, δι' ἧς τῶν ὄλων πρατεῖ, καὶ διονεὶ τῇ παντὸς καταδράσσεται, καὶ Θεοπρεπῶς ἐργάζεται, καλῶν τὰ δύνα ὅντα πρὸς γένεσιν, καὶ τοῖς ἥδη γεγονόσι τὸ ἐν εἴναι διανέμουν. *Dextra Dei & Patris* est *Filius*, qua in res universas imperium habet & quasi universa comprehendit & Deo convenienter operatur, ea, quæ nondum existunt, producens & creans, productis vero jam & creatis bene esse distribuens. (y) Et alibi de *Filio Dei*: (z) Δύναμις ἐσὶ πατρὸς καὶ πανθεοῦς δεξιὰ, δι' ἧς τὰ πάντα ἐργάζεται. *Est potentia Patris & fortissima Dextra, per quam omnia operatur.* Et iterum de *Filio Dei* alio loco: (a) πάντα ἐνεργεῖ, καὶ αὐτὸς ἐσιν ἡ τῇ τέκοντος δεξιὰ πανθεοῦς καὶ ἀλημωτάτη. *Omnia efficit & ipse est Patris fortissima & robustissima Dextra.* PROTOGENES Episcopus Sardicensis: (b) Ειωθεν ἡ γραφὴ δεξιῶν καλέει τὸν υἱὸν τῇ Θεῷ. Solet Scriptura *Dextram* vocare *Filium Dei*. LEONTIUS Cæsareae Cappadociae Episcopus: (c) Ἔσωσεν αὐτὸν ἡ δεξιὰ αὐτῷ, ἀντὶ τῇ, ὁ νῦν αὐτῷ. Servavit illum *Dextra ipsius, hoc est, Filius ejus.* AMBROSIUS: (d) *Manus* est, quæ operatur pariter atque dispensat divina Mysteria, cuius vocabulo non dignatus est se *Dei Filius* declarari, dicente Davide, *Dextra Domini exaltavit me.*

D 2 Con-

(y) Lib. III. Glaphyr. in Genes. pag. 76. (z) CYRILLUS ALEXANDRINUS in cap. LII. Jesajæ. (a) Idem in cap. LV. Jesaj. (b) In Concil. Nicæn. part. II. cap. XX. pag. 132. (c) Ibidem. (d) Hexaëm. Lib. VI. cap. IX.



Conveniunt cum his, quæ habet C H R Y S O S T O M U S : (e) *Filius Dei* vocatur Βραχίων, ὅτι ὁμοθύπος ἐστι τῷ πατρὶ, brachium, quia ejusdem cum Patre est essentia. Et EUSEBIUS: (f) Βραχίονα δὲ τῷ Θεῷ μὴ ἄλλον εἶναι τῷ λόγῳ, καὶ τῆς σοφίας, καὶ αὐτῷ τῷ κυρίῳ, ὃς ἐστι οὐ Χριστὸς τῷ Θεῷ, νόμιζε τότε γ' ἐν πολλῶν παρασήσαι ράδιον ἔχεις δέ καὶ ἐν ἑζόδῳ τοῦ Ἰσραὴλ βραχίονι Θεῷ ρυθμέντα τῆς ὑπ' Αἰγυπτίους δελεᾶς αὐτὸν δὲ ἐκένον τὸν βραχίονα τῷ Θεῷ τὸν ἀναφανέντα σωτῆρα τῷ πάλαι λαῷ, πᾶσι τοῖς ἔθνεσιν ἀποκαλυφθέσθαι, ὡς ἀν πρὸν ἐπικενυμένου, ἢ παρόστα σημαίνει προφῆται. Brachium vero Dei neminem alium esse existimes, quam verbum & sapientiam & ipsum Dominum, qui est Christus ille vel unctus Dei. Id autem ex pluribus demonstrari facile potest. Habes vero in Exodo Israëlem brachio Dei liberatum ex Ægyptiaca servitute. Illud ipsum autem brachium Dei, Salvatorem populi olim, qui adparuit, revelandis omnibus gentibus, quasi prius absconditum, præsens Prophetia (Jesaj. LII. 10.) significat. Non negamus quidem posse in quibusdam S. Scripturæ locis per Dextram Dei intelligi Filium Dei; sed vero hanc interpretationem nullum hic locum habere, res ipsa loquitur; siquidem Filius Dei, qui ad Dextram Dei sedere dicitur, expressis verbis ab eadem distinguitur. (g)

### §. XX.

Licet autem Deo in sacris sæpius tribuatur *Dextra*, nuspiciam tamen tale quid legimus de *Sinistra*. In causa est, quod *Dextra* in hominibus vulgo sit robusta & agilis, *Sinistra* non item. Quare quum in Deo nullus sit poten-

(e) Homil. XVIII. Tom. V. (f) Demonstrat. Evangel. Lib. VI. p. m. 189. (g) Confer. RIVETUS Commentar. in Psalm. CX.



potentia defectus, legimus tantum de Ipsius Dextra. Adscribit quidem HUGO DE S. VICTORE (*b*) Deo Dextram &que ac Sinistram, & per illam *eterna*, per hanc vero *temporalia bona* intelligi ait. Verum licet illud non improbemus, satius tamen esse arbitramur, loqui cum Scriptura, quam novas istiusmodi excogitare Metaphoras non praeunte Scriptura, quæ saepius Dextræ Dei, nunquam vero meminit Sinistræ.

## §. XXI.

Quod monuimus de sensu improprio *Dextræ Dei*, de *Sessione* quoque dicendum est. Quando enim Christum sedere audimus ad *Dextram Dei*, non intelligendus est aliquis corporis Christi in cœlo situs, vel, ut AUGUSTINUS (*i*) loquitur, *membrorum positio, flexuræ membrorum nostrorum similis*. Ita enim parem erraremus cum illis errorem, qui Deo corpus & membra humana affingunt. Res ipsa loquitur, neque poscit adeo operosam probationem, maxime quum Scriptura hanc ipsam *sessionem* Christi explicet alibi (*k*) per *præsentiam ad Dextram Dei*. Multæ vero & varia sunt hujus phraseω<sub>s</sub> significations impropriæ, quas tamen omnes ad præsens argumentum aliquo modo posse referri videbimus.

## §. XXII.

Ita primo in quavis lingua notissimum est, τὸ *sedere* & *sessionem* non semper denotare notam illam membrorum flexuram, sed sumi etiam saepissime pro continua in eodem loco commoratione. Vocem Hebræam Χει mul-  
tis in locis (*l*) hanc explicationem poscere certum est, in

D 3

qui-

(*b*) Comm. in Ps. David. cap. XVI. (*i*) De Fid. & Symbol. cap. VII. (*k*) Rom. VIII. 34. 1 Petr. III. 22. (*l*) Leuit. VIII. 35. Judic. V. 17. 1 Reg. II. 38.



quibus vertendis LXX. semper adhibent græcum *καθίζειν*. In his ergo locis *Sessione* idem est, quod *mansiō*, *habitatio*, *commoratio* &c. Observat AUGUSTINUS: (m) *Sedes* dici, ubi habent *commorationem*, quorum sedes sunt; *habitatio* quippe hoc nomen accepit. Confirmatur idem ex plurimis Novi Testamenti locis, (n) in quibus græcum *καθημαι* & *καθίζω*, quod proprie *sedere* est, eodem modo verti debet. Plurima hujus significationis exempla prostant etiam apud Scriptores profanos. (o) Poteſt hac significatio ad præſens argumentum de *Sessione Christi ad Dextram Patris* ſuo modo referri. Occupavit enim nunc Christus suas in cœlo mansiones, ibique ſemper habitat.

### §. XXIII.

Patres primitivæ Ecclesiæ eodem modo τὸ ſedere & *sessionem*, qua in Scriptura Deo tribuitur, explicaffe legimus. BASILIUS: (p) Οἵμαι τὴν μὲν σάσιν ηγῆ τὴν πατρὸρυσιν τὸ πάγιον τῆς φύσεως ηγῆ σάσιμον ὑποφαίνειν, ηδόνη ηγέθει τὸ ἀκίνητον καὶ ἀμετάθετον τῆς τοῦ Θεοῦ διεξαγωγῆς ἐνδεικνύμενος, ἐφη τό, σὺ ηδήμενος εἰς τὸν αἰῶνα, οὐαὶ ημές ἀπολύμενοι εἰς τὸν αἰῶνα. Arbitror stationem & confeffum Naturæ firmitatem ac ſtabilitatem significare, juxta quem tropum & Baruch indicare volens Deum immobilem & immutabilem ſemper eſſe ait: (q) Tu ſedes in æternum & nos perimus in ævum. CHRYSOSTOMUS: (r) Εἳν τὰ γῆραν οὐαὶ

(m) Quæſt. XXIV. ad Levit. (n) Matth. IV. 16. XXVI. 36. Luc. I. 79. XXI. 35. XXIV. 49. Actor. XVIII. II. (o) CICERO ad Attic. Lib. XII. ep. 44. LIVIUS Lib. II. cap. XII. LUCANUS pharsal. Lib. II. v. 473. (p) Libro de Spirit. S. cap. VI. in fin. (q) Cap. III. 3. (r) Homil. CVI.



ναὶ ἀκόσης περὶ Θεῶν, ὅτι καθηται, τὸ ἐδραιον ναὶ ἀσάλευτον ἐκλάμβανε τῆς μακαρίας φύσεως. Quando legis & audis de Deo, quod sedeat, stabilitatem & immutabilitatem Divinæ & beatæ illius Naturæ intellige. CYRILLUS ALEXANDRINUS: (s) Ἡ καθησις ἡ επ' αὐτῷ (Θεῷ) τὴν οἰοντα βεβαιοῦται τε καὶ ἐν ταυτότητε τῶν ἀγαθῶν ἕρμον τε καὶ διαμονὴν ἔσινεν ὑποδηλῶν. Seſſo quando Deo tribuitur, stabilitatem quasi & eandem in bonis constitutionem & perennitatem subindicare videntur. Eadem fere alibi idem Doctor repetit. (t) GREGORIUS NYSSENUS (u) affirmat eum, qui dicat τὸ Θεῖον καθῆσαι indicare hac loquutione κατιδύνωσι αἱμεδατέτως τὸ Θεῖον ἐν τῷ ἀγαθῷ immutabiliter in bono constitutum esse Numen Divinum. Fuit & apud quasdam Gentes τὸ sedere & ſeffio figura hieroglyphica perpetuitatis ac æternitatis. De Nasamonibus populo Africæ supra Syrtes (w) referunt, illos non tantum ſedentes exſpirare conſueviffe, ſed & hoc ſitu mortuos ſuos humaſſe, ut ſignificarent, eos nunc æternitatem & longam illam a laboribus ceſſationem adiiffe. (x) Aliarum quoque Gentium Reges demortui ex eadem ratione in ſubterraneis Mausoleis ſedentes componebantur. Romanis iplis uſitatum erat Imperatorum fuſiles ſtatuaſ ſellis effulcire, eorumque imagines hac figura imprimere Nummis. Quod vero ALPHONSUS TOSTATUS (y) de Ju- dæis ſcribit: Cadavera ſepeliebantur ſedentia, tanquam

in

(s) Commentar. in Jesaj. cap. VI. (t) Commentar. in Jo-  
hann. c. XII. (u) Orat. in S. Stephan. (w) STRABO  
Lib XVII. PEINIUS H. N. Lib. V. cap. 5. (x) ALE-  
XANDER AB ALEXANDRO Genial. Dier. Lib. III. cap.  
7. add. que ibi notavit TIRQUELLUS. (y) Com-  
mentar. in Genes. cap. XXII.



*in Cathedra, non meretur fidem. Docuit potius BUXTORFFIUS: (z) Si corpus stans aut sedens sepulchro indatur, hoc mortuo ignominiosum videri.*

## §. XXIV.

Quod si nunc hæc referre velimus ad nostrum, de quo agimus, argumentum, *τὸ σέδερε* hic quoque significat perpetuam & non turbatam Salvatoris nostri in cœlo habitationem. Non solum autem illa habitatio est perennis, sed & quieta, siquidem *τὸ σέδερε* in Scriptura (a) & alibi notat etiam quietem & tranquillitatem. Quare etiam quidam ex Judæorum commentatoribus vaticinium Davidis: (b) *sede a Dextris meis &c.* de Messia explicant: *quiesce, quia nondum est tempus revelationis tuæ.* Quam interpretationem aliquo modo sequitur GROTIUS, (c) sed prolixe a CALOVIO, perpetuo ipsius censore reprehenditur. (d) Dicendum tamen non est, nullam prorsus per gloriosam illam Christi sessionem denotari quietem. Paulus enim (e) Sessionem Christi ad Dextram Patris, non solum *opponit* muneri ipsius mediatorio, quod in terris obierat, sed & ipsum ibi *expečtare* ait subjectiōnem hostium. Christus igitur postquam exantlavit peccati pœnas, nunc glorioſa quiete fruitur. „Cui nondum „peractus labor, inquit magni nominis Theologus, (f) „eundum currendum est, quiescere saltem non licet, aut „si aliquando virium refocillandarum ergo quiescat sedens, „non tamen diuturna est sessionis quies. Surgendum „rursus

(z) In Synagog. Judaica cap. XLIX. pag. 704. (a) Genel. XVIII, 1. Mich. IV, 4. Zachar. I, 11. Johann. IV, 6. (b) Psalm. CX, 1. (c) In annotat. ad loc. cit. (d) In Commentar. ad Psalm. CX, 1. (e) Hebr. X, 12, 13. (f) Jac. ALTINGIUS in Hebr. I, 3.



„rursus & ad laborem redeundum est. Sed non sic Christus. Consummavit ille opus suum & nihil a se ipso in carne agendum reliquit imperfectum. Ita licet illi sensum capere, neque ulla ea propter potest nasci surgen- di necessitas. Gloria proinde ejus constans est, non deponenda rursus, occultanda, imminuenda, sed quæ perseverat semper in suo gradu.

## §. XXV.

Sedere vero etiam in oppositione ad *rō stare* est honoris argumentum. *Illi enim secundum nostram consuetudinem*, inquit MAXIMUS, Episcopus Taurinensis, (g) confessus offertur, qui aliquo opere perfecto, honoris gratia promeretur ut *sēdeat*. Notat igitur sedentis dignitatem, quem reverentur, qui adstant. (h) Unde & angeli vocantur *הָעֹמֶד*, (i) quippe qui omnes sunt *λευτεργικὰ πνεύματα spiritus ministrantes*. (k) Sub Veteri Testamento Sacerdotes Levitici, qui typi erant Christi nondum consummati, opere suo fungebantur *stantes*. His vero opponitur Christus, tanquam consummatus Sacerdos *in throno sedens*. (l) Frequens vero etiam in Scriptura est illa significatio *rō sedere*, qua transfertur ad significandam potestatem regiam. (m) Quæ significatio in praesenti quæstione de *Sessione Christi ad Dextram Dei*, in primis locum habet. Docet hoc expressis verbis Paulus, quando vaticinium Davidis: *Sede ad Dextram meam &c.* interpretatur: (n) oportet ipsum regnare, donec ponantur

E

Ipsius

(g) Homil. I. in Pentecost. (h) 1 Reg. X. 8. Dan. VII. 9. 10. Ester. I. 14. (i) Zachar. III. 7. (k) Hebr. I. 14. (l) Zach. VI. 13. (m) Deuter. XVII. 18. 1 Reg. I. 30. 1 Reg. II. 24. Psalm. XLVII. 9. Jerem. XIII. 13. (n) 1 Cor. XV. 25.



*Ipsius inimici scabellum pedum ejus. Dubium itaque nullum est, quin ipsum verbum sedere hoc loco Regni significet potestatem, ut loquitur HIERONYMUS. (o) Addo hic insignem locum CALLIMACHI, (p) qui de Apolline canit:*

τὸν χορὸν ὡς Πόλιν, ὅτι ὁ κατὰ θύμου δεῖδε,  
τιμῆσεν δύναται γὰρ, ἐπεὶ Δίης δεξιος ἡθας.

*Cœtum hunc Apollo, quum ex sententia ejus cecinerit,  
Honore afficiet: Potest enim, quum a Jovis dextra  
sit collocatus.*

A re non aliena sunt, quæ ad hunc locum notavit ILL. EZECHIEL SPANHEMIUS, quare etiam integra ipsius verba annexere non dubito. „Præclarus utique locus, „inquit, & dictum Sacrarum Literarum ac Apostolici Sym- „boli: *Sedet ad Dextram Patris*, egregie illustrans & „explanans; adeo ut iisdem *sedendi ad Dextram* adhibitis „hic similiter a Poëta vocibus, *non honoris saltēm præro- gativam*, aut *Mansionem augustam*, sed *potestatem* etiam „denotari, aperte innuat hic locus. Quod ipsum in ea- „dem sacri fœderis *sedendi ad Dextram* locutione obser- „varunt prisci Ecclesiae Doctores. Unde conjiciendi fo- „ret locus, hausisse id forte CALLIMACHUM sub Ptole- „mæis, & quidem Alexandriae, ac in eorum, ut volunt, „Regia viventem; hausisse inquam ex lectione Veteris „Fœderis, in Græcam tum linguam ibi a Senioribus con- „verfi, siquidem Psalm. CX. 1. similis, ut notum, ac inde „in Novo Fœdere sacrata occurrit loquutio. Idem fere „dudum ante CALLIMACHUM habet PINNDARUS, nisi „quod non Apollini, sed Minervæ hoc tribuat, ut ex eo- „dem

(o) Commentar. in Ephes. I. 19. (p) Hymn. in Apollin. v.  
22. 30.



„dem id refert ARISTIDES (q) Πίνδαρος δὲ ἀν Φησὶ, δεξιὰν  
 „κατὰ χεῖρα τῆς πατρὸς ἀυτὴν καθεζομένην, τὰς ἐντολὰς τοῖς Θεοῖς  
 „ἀποδέχεται. Pindarus vero ad Dextram Patris eam di-  
 „xerat sedere, mandata Diis perferenda accipientem. Ne-  
 „que minus memoranda, quae continuo addit de eadem  
 „Dea, non minus Sacris Literis de vero & unico Dei Fi-  
 „lio consona. Ἀγγελος μὲν γὰρ εἰσι μετ' αὐτῶν· οὐ δε τῶν Ἀγγέ-  
 „λων, ἄλλοις ἄλλα ἐπιτάχει, πρώτη παρὰ τῆς πατρὸς παρα-  
 „λαμβάνεται. Est enim ipsa Angelis major, eorumque  
 „alii aliud imperat, quod a Patre primum acceperit. Qui-  
 „bus addi insuper potest, id quod de eadem Jovis Filia  
 „alibi habet CALLIMACHUS, (r) omnia nempe eandem  
 „perficere, quae velit. Soli enim e filiabus Jovem con-  
 „cessisse: πατρῶια πάντα φέρεται, quae sint Patris omnia  
 „ferre, aut quod de eadem dixit HORATIUS: (s)  
*Proximos illi (Jovi) tamen occupavit  
Pallas honores.*

Hactenus SPANHEMIUS. (t) Volunt tamen alii HORATIUM dicto loco respicere ad Templum Jovis Capitolini, in quo tres erant Cellæ, Media Jovis, Dextra Minervæ, sinistra Junonis.

### §. XXVI.

Quoniam vero cum Regia potestate conjuncta semper est auctoritas judiciaria, ad illam quoque significantem τὸ sedere transfertur. Ita non tantum Deo tanquam Supremo omnium Judici tribuitur Seffio, (u) sed etiam sedere dicuntur homines, judicia exercentes. Moyses, (w)

E 2

Pila-

(q) Hymn. in Minerv. p. 19. (r) Hymn. in ejus Lavacr. v.  
 131. (s) Lib. I. Od. XII. (t) In not. ad Callimachi Apollin. v. 29, 30. (u) Psalm. IX. s. 8, 9. Psalm. XXIX. 10. (w) Exod. XVIII. 13.



Pilatus, (x) Judæorum Synedrium, (y) Ananias Pontifex. (z) Constat idem ex communi loquendi usu. Sæpius enim adhibetur verbum *sedere*, ubi de judiciis vel judicibus sermo est; (a) unde & appellabantur *Dies Sessionum*, quibus Prætores jus dicebant. Sed non opus est de his verba facere, quæ cuivis nota sunt. (b) Observamus saltem, hanc quoque significationem referendam esse ad *Sessionem Christi*, de qua loquimur. Data enim ipsi est omnis potestas in cœlo ac in terra, (c) imo Pater neminem amplius judicat, sed omne judicium tradidit Filiu. (d) Unde AUGUSTINUS: (e) *Sedere quod dicitur, non membrorum positionem, sed judicariam significat potestam, qua illa Majestas nunquam caret, semper digna dignis tribuendo.*

### §. XXVII.

Ex illis, quæ hactenus dicta sunt, satis ut puto, refellitur absonta & perversa illorum interpretatio, qui hanc *Sessionem Christi ad Dextram Patris* proprie intelligebant, nullamque in hac loquutione admittebant Metaphoram. Errabant istum errorem seculo quarto post natum Christum Ἀνθρωποφίται, qui Deum esse putabant Ἀνθρωπόμορφον; sive qui, ut cum AUGUSTINO (f) loquar, *Deum sibi singebant cogitatione carnali in similitudinem imaginis*

*corrut-*

- (x) Johann. XIX. 13. (y) Actor. VI. 15. (z) Actor. XXIII. 3. (a) CICERO orat. pro Cluent. cap. XXXVIII. *Sedisse iudex in C. Fabricium?* & pro Rabir. Post. cap. V. *Modo vos iidem in A. Gabinium judices sedistis.* POLYBIUS de virtut. & vitiis: 'Ες δὲ τὴν ἵσταντον πεθίσαντες δικαστοί, τὸ μὲν Σωτηρίσσας κατέδικον θάνατον. (b) Vid. G. J. VOSZIUS in Instit. orator. Lib. VI. cap. XI. §. 11. (c) Math. XXVIII. 18. (d) Joh. V. 22. (e) De fid. & Symbolo cap. VII. (f) De Hærel. ad Quod vult Deum, cap. L.



*corruptibilis hominis.* Habebat ista hæresis auctorem *Audæum*, qui & *Audius* vel *Odius* nominatur a quibusdam, natione Syrum, (g) a quo simili nomine dicebantur *Audiavoi*. Ille, ut refert *THEODORITUS*, (h) Ἀνθρωπόμορφον ἔφη τὸν Θεὸν, καὶ τὰ τὰ σώματος αὐτῶ περιτέθειε μορία, τὰ συγκαταβατικῶς πάρα τῆς θείας εἰρημένα γραφῆς ανοητῶς νενοηκὼς. *Deum humana esse forma docuit & corporis illi membra tribuit, stulte intelligens, quæ cum demissione quadam seu condescensu in divina Scriptura dicta sunt.* (i)

## §. XXVIII.

Licet autem absurdus hic Antropomorphitarum error & crassa nimis inde orta sententia, de Sessione Christi ad Dextram Patris talis sit, quæ sponte corruat, jam olim tamen in confutando isto errore occupati fuere pri-scæ Ecclesiæ Patres. *ATHANASIUS:* (k) Δεξιὰν ἀκάων τῷ Θεῷ, μὴ τόπος καὶ σχήματα δόξης περιγράφει· δέξια γὰρ καὶ ἀριστερὰ τῶν περιγραφομένων ἐσίν· ὁ δὲ Θεός ἀπλαστὸς καὶ αἰολιστὸς καὶ ἀσχημάτιστος καὶ ἀπεριγραπτός ἐστι. *Dextram Dei* quum audis, ne locos vel figurarum positiones circumscrive. *Dex-trum enim & finistrum sunt finitorum, quæ circumscribi possunt: Deus autem increatus est & infinitus, cui nulla adscribi forma & qui nec ipse circumscribi potest.* *AU-GUSTINUS:* (l) Credimus, quod sedet ad Dextram Dei. Nec ideo tamen quasi humana forma circumscriptum esse Deum arbitrandum est, ut de illo cogitantibus dextrum aut finistrum latus animo occurrat: aut id ipsum, quod sedet

E 3

re

(g) *THEODORITUS* Hist. Eccl. Lib. IV. cap. IX. (h) *Hær. Fabul.* Lib. IV. cap. X. (i) Plura legi possunt apud SO-CRATEM Hist. Eccl. Lib. VI. c. VII. *SOZOMENUM H.E.* Lib. VIII. cap. XI. &c. (k) In *Dict. & Interpr. Parabolar. quæst. XLV.* (l) *De fid. & Symbol. cap. VII.*



re Pater dicitur, flexis poplitibus fieri putandum est, ne  
in illud incidamus sacrilegium, quo execratur Apostolus  
eos, qui commutarunt gloriam incorruptibilis Dei in simi-  
litudinem corruptibilis hominis. Tale enim simulachrum  
nefas est Christiano in Templo collocare, multo magis in  
corde nefarium est, ubi vere est templum Dei, si a terrena  
cupiditate atque errore mundetur.

## §. XXIX.

Docent hæc & alia, quæ mittimus, Patrum testimo-  
nia, in illis locis, ubi Scriptura de Deo rebusque divinis  
narrat. *Ἄνθρωπον humano more loquitur, animum a rebus cor-  
poreis penitus esse avocandum, neque quidquam hic co-  
gitandum ad modum creaturarum.* Perabsurde igitur  
**LIPPmannus** Judæus ex hac *Sessione Christi ad Dextram  
Dei* format objectionem contra Sacrosanctam Trinitatem:  
*Si Trinitas Personarum, inquit, (m) simul unitatem in-  
volvit, adeoque alter est in altero, fieri sane non potest,  
ut unus sit in latere socii sui, & quidem Dextro.* Super-  
vacaneum foret multa hic reponere. Sufficit contra Ju-  
dæum aliosque carnales homines ostendisse, non esse hoc  
intelligendum proprie, sed figurate, & modo, qui Deum  
deceat. Notari hic etiam aliquo modo meretur **SEBAST.  
MICHAELIS** Dominicanus, qui in hac loquutione, quæ  
proponit nobis Christum sedentem ad Dextram Dei ullum  
esse tropum negat. *Negamus, inquit, (n) ullam esse figu-  
ran aut Metaphoram in his verbis, habita ratione linguae  
Apostolorum, qui erant Syri vel Hebrei.* Et notandum,  
quæ loquutio est propria in una lingua, esse Metaphori-  
cam in altera; unde hæc verba Metaphorica sunt latine sive  
gallice, sed non Hebraice. *Hebraice enim unum idemque  
verbum*

(m) Ad Psalm. CX. 1. (n) In Respons. ad Joh. Gigordum cap. I.



verbum *æque significat quiescere, habitare, regnare, sedere &c.* Sed magis proprie unum quam alterum. Verum nil nisi λογοπαχία foret, si multum in contrarium disputare vellemus. Quamvis enim primo intuitu durum imo falsum videatur, omnem hic negare Metaphoram: auctor tamen quæ dixerat, ipse quasi revocat, quando vocem Hebræam οὐδὲν magis proprie sedere, quam quidem regnare &c. significare concedit. Itaque quale discrimen illi hoc loco est inter loquutionem *magis & minus propriam*, tale nobis est inter loquutionem *propriam & Metaphoricam*. Nemo autem qui vel aliquam literarum Hebræarum cognitionem habet, nescit, verbum οὐδὲν in pluribus Scripturæ locis *proprie & propriissime esse sedere*, ab hac propria significatione vero transferri ad non proprias, quas hactenus perlustravimus.

### §. XXX.

Hæc nobis de loquutionis Metaphora monuisse sufficiant. Adgredimur nunc illustrationem ipsius argumenti. Primo quidem ex illis, quæ hactenus dicta sunt, evidens est, *Sessio[n]em ad Dextram esse summæ potestatis argumentum*, qualis in omni emphasi intelligi potest de persona illius, cui hujusmodi sessio tribuitur. Scriptura igitur, quando de Filio Dei, in gloriam evecto, dicit, quod *sedeat ad Dextram Patris*, in genere innuit, summam & vere divinam Ipsi nunc competere potestatem, quæ mente potest concipi. Poscit hoc non solum Metaphoræ ratio, qua Deus in verbo suo usus est, ut supra fusijs probavimus, sed & ipsa Scriptura saepius eodem modo rem interpretatur. In illustri illo Davidis vaticinio, (o) de quo in principio mentionem fecimus, *Sessio-*

*nem*

(o) Psalm. CX. 1.



nem ad *Dextram Dei* Regnum absolutum & dominium supremum significare, dubium nullum est. Nam ita Paulus, Spiritu Dei plenus, hoc vaticinium interpretatus est, quando, quod David dixerat: *Sede a Dextris meis &c.* explicat: oportet ipsum βασιλεὺν regnare, donec cunctos hostes supposuerit pedibus suis. (p) Similis, nec minus augusta est illa prædictio, quam Spiritus S. per Zachariam Prophetam edidit de Viro τὸν, quem in solio Jehovæ *sesurum & dominaturum* prædicet. (q) Sessio ergo in solio Jehovæ simul involvit dominationem. Clarius sub Novo Testamento *Sessio Filii ad Dextram Patris* ubique proponitur tanquam argumentum potestatis summæ & prorsus divinæ. Nam quod Christus Judæorum judicibus, ipsum condemnantibus, denuntiavit, quod mox visuri sint Filium hominis καὶ μένετ εἰς δεξιῶν τῆς δύναμεως sedentem a *Dextris virtutis*, (r) illud in primis videtur significare, fore, ut iniqui isti Judices, quem prius insolentem morti & cruciatibus tradiderant, hujus criminis mox sentirent & experirentur Vindicem virtute & potentia divina pollentem, atque dirissima adversus parricidas judicia exercentem; quod & eventus comprobavit. הַנְבוֹרָה notum illo tempore Nomen Dei erat, quod proinde δύναμις vertitur ab Evangelistis. *Sessio* igitur ad *dextram δύναμεως* nulla alia est, quam quæ alibi vocatur *Sessio ad Dextram Dei*, nisi quod hinc intelligamus Christum sedentem ad Dextram Dei pollere potentia & virtute vere divina. Summam hanc Christi potentiam & potestatem verbis valde significantibus exprimit Paulus. *Filius*, inquit, (s) *quum sit effulgentia gloriae & character ὑπερσάστης Dei, sustineat-*  
que

(p) 1 Corinth. XV. 25. (q) Zachar. VI. 13. (r) Math. XXVI. 64. Marc. XIV. 62. Luc. XXII. 69. (s) Hebr. I. 3.



que omnia verbo suo potenti, purificatione peccatorum nostrorum per se ipsum facta, εἰς θεού εἰς δέξια τῆς μεγαλωσίας εἰς υψηλούς, sed ad Dextram Majestatis in Excelsis. Tantum profecto verborum phrasiumque pondus & emphasis, quantum poscit rei excellentia & magnitudo Christi Sessionem ad Dextram Dei hinc denotare evincitur summam & ineffabilem illam majestatem & gloriam, qua Deus ipse inter consummatos Spiritus conspicuus est. Ita ergo dubium nullum supereft in explicando vel illustrando argumento de Sessione Filii ad Dextram Patris, ante omnia hoc esse supponendum, denotari hac phrasi summam & supremam Mediatoris consummati Majestatem & Potestatem. Quare cuncti, qui hujus articuli interpretationem aliter instituunt, vel errant, vel rei pondus non attingunt.

## §. XXXI.

Errant igitur primo illi, qui vel Sessionem Filii ad Dextram Patris nihil aliud esse statuunt, quam Ipsius in cœlos adscensionem, atque ita duas veritates inter se distinctissimas miscent & confundunt, vel per Sessionem ad Dextram Dei intelligunt duarum naturarum in Christo unionem hypostaticam. Absonam esse utramque interpretationem, patet ex modo productis Scriptura testimoniis, quæ longe aliud notare certum est. Ad hæc notissimum est, Symbolum non minus quam Scripturam ipsam Christi adscensionem in cœlos & Sessionem ad Dextram Dei apertis verbis distinguere, & passim docere, Christum sen et adscendisse, ad Dextram Dei vero sedere semper. Altera sententia, quæ Sessionem Christi ad Dextram Dei explicat per duarum naturarum unionem hypostaticam iisdem argumentis refellitur. Pugnaret sane cum omni Scriptura, Christum jam in utero Matris, in Cruce & Sepulcro,

F

chro



chro exaltatum fuisse ad Dextram Dei, quod tamen factum fuisse, si Sessione Christi ad Dextram Dei esset ipsa naturarum unio, quippe quæ nunquam interrupta fuit. (t) Hi ergo quemadmodum a veritate recedunt, ita illi pondus & emphasin hujus locutionis non assequuntur, qui Sessionem Filii ad Dextram Patris explicant de aeterno gaudio & felicitate, qua Christus nunc postquam passiones gravissimas mortemque ipsam acerbam & ignominiosam exantlavit, in celis fruitur. Ita rem sapius in suis scriptis interpretatur AUGUSTINUS: (u) *Ad Dextram intelligendum est dictum esse in summa beatitudine, ubi iustitia & pax & gaudium est. Quid enim est Dextra Dei,* dicit alibi, (v) *nisi illa aeterna ineffabilisque felicitas? quo pervenit Filius hominis etiam carnis immortalitate percepta. Salus temporalis (x) & carnalis in Sinistra est, salus aeterna cum Angelis in Dextra est.* Ideo jam in ipsa immortalitate positus Christus, dicitur sedere ad Dextram Dei. Non enim Deus in se ipso habet Dextram aut Sinistram, sed Dextra Dei dicitur felicitas illa, quæ quoniam ostendi non potest, tale nomen accepit. Verum, quod jam diximus, non exhaustit haec AUGUSTINI interpretatio sensum atque pondus phraseos. Summa Christi gloria conjuncta quidem est cum ineffabili gaudio, sed eo ipso non absolvitur. Eodem enim gaudio, licet gradu differat, fruuntur consummati in celo Spiritus, quorum tamen nulli Deus unquam dixit: *Sede ad Dextram meam.* (y)

## §. XXXII.

(t) Plura de his videantur apud RIVETUM Commentar. ad Psalm. CX. (u) AUGUSTINUS de fid. & Symbol. cap. VII. (v) Idem contra Sermon. Arianer. (x) Idem in Psalm. CXXXVII. (y) Hebr. I. 8. 3.



## §. XXXII.

His ergo missis, hoc tanquam primum & præcipuum supponimus *Sessione Christi ad Dextram Patris* in genere significari summam potestatem, quod ex illis Scripturæ locis, in quibus mentio fit hujus Sessionis, & quorum quædam produximus, clare satis colligitur. Hic vero duo fere nobis offerunt quasi dubia. Primum est, quod Scriptura non semel significet Christum hanc potestatem demum accipisse post suam consummationem. Alterum est, quod tribuatur Filio locus dexterior tanquam honoratior. Utrumque merito nuncupo dubium. Quum enim apud nos omnes in confessu sit, Jesum Christum, Salvatorem nostrum, esse verum, summum ac æternum Deum, sane, si respicias ad essentiam Divinam, dici non potest, accipisse Christum aliquid in tempore, quod ab æterno non habuerit. At vero nihilo minus ex Scriptura discimus, Christum demum confeditse ad Dextram Patris, postquam per passiones consummatus est. (z) Difficilius adhuc videtur examen ipsius Metaphoræ, quæ Christo tribuit locum Dextrum, qui inter homines consideratur ut potior & honoratior. Quam loquutionis emphasis in arguento de *Sessione Filii ad Dextram Patris* urgendam quoque esse, dubium nullum est. Sicut enim Deus, quando nobis proponit res divinas, terminos & loquutiones nobis notas ideo adhibet, ut illas, modo Deum decenti transferamus ad res divinas, & tale quid in Deo queramus, quod cum nostris conceptibus aliquo modo conveniat: ratio nulla est, quare in hoc arguento hanc regulam tantum ideo vellemus negligere, quia alii quidam Interpretes illud hoc loco vel omittunt, vel omittendum sta-

F 2

tuunt.

(z) Philipp. II. 6 — 11. Hebr. II. 9. X. 12.



tuunt. Inter nos omnes autem notissimum est, illum, qui assidet alicui a Dextris, licet nonnunquam in se spectatus altero potior & honoratior non sit, tamen tanquam talēm considerari, maxime ab illo, cui Dexter assidet. Hæc duo igitur, quæ ulteriorem elucidationem & explicacionem poscunt, erunt præcipua sequentis tractationis capita.

### §. XXXIII.

Primo igitur explicandum erit, quo sensu Christus dici possit, summam hanc potestatem, quæ per *Sessionem ad Dextram Dei* indigitatur, accepisse demum *in tempore*, post suam in terris consummationem. Diximus enim hoc ideo videri posse δυούντου, quia Filius Dei, verus & æternus Deus, Patri par & æqualis gloriam summam, & quæ est vere Divina, non solum habuerit ab æterno, sed etiam cum Patre exercuerit ab omni ævo; quam proinde *adipisci* non potuit in tempore, facta demum peccatorum expiatione. Sunt, qui cunctas difficultates facile hic tolli posse putant, si *Sessionem Filii ad Dextram Patris* referant non ad Divinam, sed *humanam* Ipsius naturam. Facile quidem hic fese expedient Sociniani. Illi enim, quum Benedictum nostrum Salvatorem, verum esse Deum, eumque ante humanos suos natales extitisse prorsus negent, capitali huic errori patrocinari putant, quod summa hæc gloria Christo demum in tempore collata dicatur; quamvis se deinceps misere fatigent, in explicanda illa quæstione, quomodo Christo, ut homini, potuerit conferri gloria Divina. De quo infra dicemus pluribus. Sunt tamen & alii, qui, licet Jesum verum ac summum Deum nobiscum confiteantur, Illum tamen hanc suam gloriam & potestatem Divinam ideo in tempore consequutum esse sibi & aliis persuadent, quoniam illa tum demum *Naturæ humanae* sit collata.

### §. XXXIV.



## §. XXXIV.

Avide hanc interpretationem arripiuere Lutherani, quo tempore dogmati de *Consuſtantiōne* in S. Cœna præſidium quærebant. Illi quum tuerentur corporalem aliquam Christi in Sacra Cœna præſentiam, nec tamen poſſent provocare ad fictum illud *Transuſtantiationis* miraculum, de quo gloriatur Ecclesia Romana, quippe quod cum reliquis ſuperſtitionibus pridem rejecerant: conſugiebant ad *realem quādam propprietatum divinarum humanae naturae factam communicationem*, atque dum ubi-quitatem Corporis Christi fingeſtant, ejus fundamento in *unione hypostatica* collocabant; Alii vero, qui totam vitæ Christi historiam, huic ſententiæ repugnare animadvertebant, eandem ex glorificatione derivabant, atque ita ex omnipræſentia Corporis Christi *realem & corporalem* in S. Cœna præſentiam ſatis defensam putabant. Sic enim *Seffionem ad Dextram ad humanam Christi Naturam* referebant, ut ex ea omnipræſentiam etiam Corporis Christi deducerent hoc vulgari argumento: „Ubi cunque Dextra Dei eſt, ibi etiam eſt humanitas Christi: Dextra Dei vero eſt ubique; ergo & humanitas Christi. (a) Sed

F 3

his

(a) Hoc & alia iſtius generis ſophiſmata jam illo tempore abunde ſatis exploſa ſunt a Theologis noſtris BEZA, ZANCHIO aliisque. Fuere etiam in ipſa Ecclesiſa Luthe- rana, qui re probe perſpecta, ultro faſſi ſunt, nihil hic valere argumentum ex *Seffione Christi ad Dextram Patris* deſumptum. Agnovere hoc Theologi Brunsvicenses in colloquio Quedlinburgensi, in quo anno MDLXXXIII. controverſia de præſentia Corporis Christi agitata eſt. Plane nobiſcum loquitur SCHEGKIUS in Libro *de una Personā & duabus Christi Naturis* pag. 60. seq. Theolo-  
gus



his immorari piget. Quot enim sunt illorum, qui ex Sessione Christi ad Dextram Dei Corporis ubiquitatem probare contendunt, positiones, tot profecto sunt paralogismi.

### §. XXXV.

Ita primo non sequitur, hominem, qui sive per gratiam, sive in gloria apud Deum est, propterea esse ubique, licet illi praesens & cum illo etiam sit unitus, qui omnipraesens est. Deinde prorsus non sequitur, eousque se extendere presentiam corporis, quoisque se extendit potestas hominis. Itaque si vel ad solam humanam naturam referres summam illam Christi potestatem, quae per Sessionem ad Dextram Dei indicatur, nondum tamen esset evictum, Corpus Christi esse omnipraesens. Nam neque *Dextra Dei* corpus est, quae modo corporeo sit ubique, neque corpus est subjectum potestatis, sed *Spiritus*. Si ergo vel ponamus Divinam aliquam proprietatem communicatam esse humanæ Christi naturæ, quo jure dici posset, illam communicatam esse corpori? Deus enim *Spiritus* est. Cui itaque non competit *totum esse corporis*, ei nec competit *totum praesens esse corporeum*; Et vicissim, cui non competit *totum esse Spiritus*, ei nec competit *totum praesens esse modo spirituali*, neque ulla alia proprietas

---

gus primo Lutheranus, sed qui postea mutavit Theologiam cum Professione Medicinae & Philosophiae in Academia Tübingensi. Veteres Ecclesiae Doctores nobiscum hac in parte sensisse ex illorum scriptis patet. Confuli possunt testimonia IGNATII Epist. VII. ad Smyrnens. AUGUSTINI Tractat. LIX. in Johann. HIERONYMI in expedit. Symboli ad Damasum. CYRILLI ALEXANDRI NI Libro contra Antropomorphitas cap. XXII. Clarissime THEODORITUS Dial. II. &c. &c.



tas Spiritus essentialis; cuius utpote mere *Spiritu-*  
*lis*, corpus certe capax esse non potest. Si itaque vel  
ulla proprietas divina communicari potuisset humanæ na-  
turæ, illa profecto non in *corpore* sed in *Spiritu* quaren-  
da foret.

## §. XXXVI.

Verum nec illa communicatio proprietatum divina-  
rum fieri vel potuit vel debuit. Veteres Theologi seculi post  
natum Christum V. superstitiones istiusmodi errores præ-  
scindebant terminis quibusdam negativis, qui facilius erro-  
ribus opponi poterant, atque duarum naturarum unionem  
in Christo factam dicebant ἀτρόπτως, ἀσυγχύτως, ἀδιαιρέτως  
& ἀχωρίτως, sine conversione & confusione contra EUTY-  
CHETIS, sine divisione & separatione contra NESTORII  
errorem. *Hic* quia duas in Christo Personas concepisse  
dicitur, *solvebat*: *Ille*, quia non unam tantum in Chri-  
sto admittebat Personam, sed duas naturas, Divinam &  
humanam in unam quasi coaluisse putabat, utramque  
confundebat. Recte igitur per illas voculas rem explica-  
runt priscae Ecclesiae Patres. Nullibi enim Scriptura do-  
cet, proprietates Divinæ naturæ in humanam esse trans-  
fusas. Tribuit illa quidem toti Personæ, Christo Θεανθρώπῳ  
utriusque naturæ proprietates, prædicatione non directa  
tantum, sed & indirecta, quando toti Personæ, ab una  
natura denominata, adscribit alterius naturæ proprietates;  
quemadmodum e. g. dicitur, Filium Hominis simul esse  
in cœlis ac in terra, Dominum gloriæ esse crucifixum,  
Deum suo sanguine redemisse Ecclesiam &c. Ex quibus  
tamen nemo colliget, proprietatem aliquam divinam  
communicatam vel collatam esse Naturæ humanæ, nisi  
qui simul adfirmare vellet, Divinam naturam factam esse  
corpoream.

## §. XXXVII.



## §. XXXVII.

Neque etiam per rerum naturam fieri potuit, ut *essentialis proprietates unius naturæ conferrentur alteri, nisi dicas essentiam unius naturæ mutatam esse in essentiam alterius.* Mutatio autem ut Divinæ in humanam naturam, sic humanæ in Divinam *impossibilis* est. Neque nos fidei analogia ad ejusmodi *impossibilia* fingenda cogit. Tantum enim abest, ut munus Christi Mediatorum requirat hanc proprietatum communicationem, ut illo Christus ne quidem fungi potuisset, nisi *verus fuisset homo*, fratribus suis, si peccatum excipias, in omnibus similis; qualem Ipsum etiam fuisse tota historia evangelica probat. Nulla etiam unio, licet arctissima, vel essentiarum confusionem, vel proprietatum transfusionem involvit, sed dicit saltem rerum diversarum ad se invicem *relationem*, quæ tum vocatur *hypostatica*, quando subjecta suis naturis distincta ita *uniuntur*, ut ad opus aliquod utrique commune peragendum, quodlibet conferat, quod suum est; unde etiam actiones suppositorum esse dicuntur.

## §. XXXVIII.

Itaque quum Divina Natura Filii Dei humanam asserferit in *unitatem Personæ* eum in finem, ut se sisteret nostrum Mediatorem & Salvatorem, unio illa maxime conspicitur in operibus, quæ hujus muneris partes sunt, in quibus, dum Divina Natura utitur humana tanquam instrumento, quælibet confert quod suum est; quare etiam Θεάνθρωπα vel Θεάνθρικα & Ἀποτέλεσματα vocantur. Quoniam vero humana natura, ut fieret aptum instrumentum Divinæ, indigebat qualitatibus & perfectionibus, ad munus illud obeundum necessariis, eidem collata sunt καρίσματα supra communem quidem hominum sortem, sed tamen naturæ humanæ congrua. Denique quum ad eadem



eadem opera utraque Natura, quod suum erat, conferret, ita ut utriusque Naturæ proprietates in illis essent conspicuae, eadem toti etiam Personæ tribuuntur; quæ ergo est Idiomatum sive proprietatum non communicatio, sed communio.

### §. XXXIX.

Sicut autem opera illa theantrica requirebantur, tum ut salus nobis impetraretur per satisfactionem pœnalem, tum ut eadem nobis traderetur per illam, quam Filius a Patre accepit, ἐξοιταν salvandi suos: ita etiam unio illa Personalis sive hypostatica, non solum in statu exaltationis, sed etiam exinanitionis erat necessaria. Ex quo evidens est, non posse per Sessionem ad Dextram Patris, quæ exaltationis est, intelligi unionem hypostaticam; neque etiam posse ex unione hac personali derivari quidquid gloriæ accessit humanæ naturæ ab exaltatione Persona Salvatoris, sed ad Charismata referendum esse, quod fulgeat gloria supra omnes creaturas, quantum sol superat stellas, 1 Corinth. XV; Denique glorificatione humanæ naturæ non absolvi omnem illam Salvatoris nostri exaltationem. Sane majus aliquid significatur per Sessionem ad Dextram Patris. Denotat enim hæc gloriam illam & potestatem summam, quæ soli Deo propria est, quamque alii nec vult nec potest dare aut communicare. Competit tamen illa gloria Personæ Christi θεανθρωπæ, quum Divina Natura illam ostendat & exerceat etiam per humanam.

### §. XL.

His ita suppositis facile solvitur dubium illud, quomodo Filius Dei, qui erat ἐν μορφῇ Θεοῦ, Verus scilicet ac Aëternus Deus, tamen summam illam gloriam, quæ indicatur per Sessionem ad Dextram Patris, acceperit deum post suam in terris consummationem. Tunc enim

G

humaa-



humana Natura per exaltationem Mediatoris ad maximam, cuius creatura compos fieri poterat, erecta est gloriam, imo & perfectiones longe maiores, quam prius possidebat, consequuta est. Quum vero summa illa potestas esset Proprietas Divina, cuius humana natura, tanquam *subjectum recipiens* capax non erat, illius etiam collatio facta est Salvatori *quoad Naturam Divinam*. Huic autem non collata est nova aliqua perfectio, quod cogitare blasphemum esset, sed summa illius gloria, quam ab *xterno* habuerat, quaque per exinanitionem quasi obscurata & testa fuerat, tum rursus est manifestata, quando Mediator declaratus est Filius Dei *iv duximus Rom. I. 4.* imo modo longe illustriori emicuit, quando virtute muneris & perfecti operis summam potestatem in suos, &, propter illos, in omnes creatureas *quoad jus & usus plenitudinem* accepit. Tantum autem abest, ut haec quasi nova gloria adquisitio summæ perfectioni essentiali aliquid deroget, ut potius eandem supponat & illustret. Quemadmodum enim nulla est essentialis perfectionis mutatio vel augmentum, quod Deus per creationem factus sit Dominus omnium creaturearum: Sic nec Filii divinis perfectionibus derogat, vel imperfectionis argumentum est, quod per Redemptionem factus sit suorum rerumque omnium Dominus; siquidem haec non novæ perfectionis essentialis est adquisitio, sed tantum peculiaris, eam demonstrandi modus. Hæc omnia vero referimus non ad Naturam Divinam seorsim spectatam, sed ad Personam Christi Θεανθρωπου. Sicut enim gloria Divinæ Naturæ exinanita est per humanam, quando Deus suo sanguine redemit Ecclesiam: ita etiam eadem gloria manifestatur per naturam humam exaltatam, ut quæ fuerat passionis, nunc sit gloriæ quoque *instrumentum*.

§. XLI.



## §. XLI.

Ita quidem solutum esset primum dubium, quod in questione de Sessione Filii ad Dextram Patris moveri poterat. Rem ipsam vero magis adhuc illustrabit sententia de Sessione Christi, quam infra exponemus pluribus. Alterum dubium nunc excutiendum restat, an scilicet & quo modo Sessio ad Dextram honoris prælationem significet? Ad hoc vero quum requiratur, ut intelligamus, qualis & quanta sit illa gloria & potestas, quæ per Sessionem ad Dextram Dei significatur, non alienum erit recensere varias Theologorum tum veterum tum recentiorum hujus articuli interpretationes. Possunt illæ omnes in tres commode dispesci Classem. Continebit prior explicaciones illorum, qui hac Metaphora Christo putant tribui honorem & gloriam, quæ sit minor & inferior gloria Patris, post Deum tamen proxima. Tradet altera Classis alias illorum interpretationes, qui per Sessionem Christi ad Dextram Patris, Filii cum Patre æquitatem significari volunt. Addet denique tertia Classis sententias illorum, qui ex hac Metaphora aliquam Filii præ Patre prælationem colligunt. Ad hæc ergo tria capita revocabimus varias illas & diversas Interpretum de Sessione Christi ad Dextram Patris sententias; post quarum perlustrationem & examen ultimo loco subjiciemus & prolixius exponemus illam sententiam, quæ sola rem secundum fidei analogiam explicare & omne nobis dubium tollere videtur.

## §. XLII.

Præmittimus hoc loco interpretamenta Socinianorum, tanquam qui maxime a vero recedunt, atque per Sessionem Christi ad Dextram Patris non intelligunt gloriam vere divinam, sed quæ sit longe alia & gradu inferior

G 2

rior



rior gloria & Majestate Dei. LUDOV. WOLZOGENIUS: (a) Sede ad Dextram meam, i.e. esto mihi dignitate & potestate proximus. Similitudo sumpta est a Regibus, ad quorum Dextram proxime assidet haeres vel Princeps secundus a Rege. Habet eadem VOLKELIUS: (b) Sessionem & Dextris Dei Divini autores Christo ideo tribuunt, ut eum primum supremumque post Deum locum tenere i.e. summum secundum Deum in omnes res creatas habere imperium doceant: sumpta translatione a terrenoruim Regum consuetudine. Videtur & CRELLIUS (c) hanc sententiam reliquis omnibus anteferre. Fatemur quidem alios illorum aliter loqui. Tenendum tamen semper est, Socianos, quacunque demum ratione fidei aliquem articulum explicit vel explicare videantur, interpretationem suam falsis superstruere principiis. Aliter igitur intelligendi sunt, qui in veritatibus, quas fundamentales nuncupant, nobiscum consentiunt, aliter Sociniani, qui nostræ salutis fundamentum evertunt; licet, si verba species, eadem saepe dicere utrique videantur. Impia & blasphem.

(a) Commentar. ad Math. XXII. 44. (b) De vera Relig. Lib. III. cap. XXI. (c) Commentar. ad Hebr. I. 3. „Potest hic queri, ait, num Christus solius Dei Dexter, & qui dem æquali gradu sedere dicatur, num vero respectu aliorum, qui veluti a Dei finitris confidentes considerari possint, sic ut Deus quasi medius altiorque cunctis speccetur; non quod aliqui sint, qui a Dei finitris paræ alioquin altitudinis aut sublimitatis cum Christo gradu sedant, sed quod assidere possint, vel saltem mente concipi. Si posterius hoc amplectamur, Sessione ad Dextram Dei significabit honorissimum altissimumque post Deum locum, quo excepto nullus eminentior ac sublimior esse cognari queat,



blasphema ipsorum hypothesis, qua Bened. nostrum Salvatorem Χίλον Ἀνθρώπον nudum esse hominem supponunt, hic ante omnia impugnanda esset. Verum quum illam Disputationem eo successu adversus hostes Divinitatis Christi a Theologis præstantissimis institutam & absolutam nos saltem sciamus omnes, ut Sociniani, nisi volentes obnirentur veritati, clarissimis Scripturae testimoniis se suumque errorem vinci dudum passi essent: nos hoc loco ipsorum hypotheses tanquam falsas & confutatas mittimus, atque ex dictis saltem colligimus, esse unam omnium mentem in explicando hoc fidei articulo, quoque deum modo vel loquantur, vel loqui videantur.

## §. XLIII.

Ita Socinus ipse, pessima hujus sectæ auctor, vel potius instaurator, mire, si verba species, a suis asseclis dissentire videtur. Imo pertineret potius illius interpretatione ad ultimam classem, quæ ex Sessione ad Dextram aliquam colligit Filii præ Patre prælationem, nisi astimanda esset interpretatio ex principiis male suppositis. Dabimus locum verbis Socini: (d) *Interrogatio.* „Sed an „non potest Nomine isto (Christi) significari Regnum, „non quod jam Christus re ipsa habeat, verum quod ali- „quando certo sit habiturus? *Responso.* Nullo prorsus „modo, quum Scriptura testetur, Christum jam conse- „disse in solio Patris sui, & ad Ipsius Dei Dextram esse. (e) „Quæ Sessio ad Dei Dextram expresse præterea supremam „illam potestatem, quam Deus non jam per se ipsum, „sed per Christum exerceat, nobis ob oculos ponit, ac „mirifice cum testimonio illo, jam a me explicato con-

G 3

„sensit,

(d) In Institut. Relig. Christianæ, (e) Apoc. III. 21. Rom. VIII. 34.



„sentit, quod Pater non judicet quemquam, sed omne  
 „judicium dederit Filio, ab eoque simul aperte, quid  
 „ipsa sit declaratur; si quis tamen sit, qui ipse per se non  
 „clare perspiciat, Dextram locum honoratiorem signifi-  
 „care. *Interrogatio.* Num igitur Christus in honoratio-  
 „re loco, quam ipse Pater nunc sedet? *Responso.* Non  
 „quidem simpliciter, sed tamen aliquo modo, atque, ut  
 „loquuntur, secundum quid; quatenus scilicet, ut di-  
 „ctum fuit, jam non ipse Deus ex Persona sua, sed Chri-  
 „stus Ecclesiam gubernat, in eaque judicia divina exer-  
 „cet. Nam & Paulus Apostolus de Christo ita loquitur, (f)  
 „ac si nunc Deo subjectus non sit, sed Ipse Dei loco regnet,  
 „id quod similiter praesentem ac veram Christi divinam &  
 „supremam in nos potestatem atque imperium declarat.  
 „Alia sacra testimonia missa facio de Christi summa illa  
 „potestate, (g) quae ita exprefse illam nobis proponunt,  
 „ut nulla ratione figurate accipi possint, vel cum veris  
 „Christi pro nobis ad Deum precibus, veroque ac pro-  
 „prio ipsius perpetuo Sacerdotio convenire. Illa enim,  
 „si non aliam ob causam, certe propter hactenus a me  
 „dicta, ejusmodi esse, jam per se intelligere poteris. „  
 Hactenus **SOCINUS.**

#### §. XLIV.

Hanc Socini interpretationem si intelligas ex mente  
 auctoris convenienter reliquis ipsius hypothesibus, non  
 solum falsa est & pugnat cum ipsa doctrina **SOCINI**, sed  
 etiam in Deum blasphema. Falsum primo est, quod **SOCINUS** supponit, Christum, quem nos omnes verum ac  
 eternum Deum veneramus, meram esse creaturam, φίλον  
 "Ay-

(f) 1 Corinth. XV. 24. 28. (g) Math. XXVIII. 18. Ephes. I, 22. Apoc. V. 12.



*Ἄνθεωπον*, qui post mortem & adscensionem demum omnem illam Majestatem & Gloriam, quae Ipsi in Sacris Litteris tribuitur, acceperit, negatis & male detortis clarissimis Scripturæ testimoniis. Ineptit deinde **SOCINUS** & male huic suæ hypothesi consulit, quando fieri posse somniat, ut Deus ex homine faciat Deum, imo ipsi locum suum quodammodo cedat. Pugnat hoc cum doctrina ipsius auctoris, imo & cum omni sana ratione, quam tantopere urget evehitque **SOCINUS**. Denique in Deum blasphemus est, quia tribuit nudo homini gloriam & potestatem divinam, soli Deo propriam. (b) Talis enim hic intelligitur, quoconque etiam modo illam *secundum quid explicare velit SOCINUS*. Habes tamen in hac interpretatione **SOCINI** apertam male causæ confessionem, quando quo majorem agnoscit hanc potestatem, eo magis hypothesi suæ de Filio Dei mera creatura & nudo homine, ipse contradicit.

## §. XLV.

Fuere hinc inter ipsos Socinianos, qui hanc **SOCINI** interpretationem prolixe reprehenderunt. Ita CRELLIUS (i), absonum prorsus esse, ait, *Christum quodammodo honoratiore loco sedere, quam Patrem, quum Pater Christi Deus ac caput esse dicatur, & Christus imperium ab illo acceperit, itaque illud administret, ut Deus per Ipsum omnia faciat ac regat.* — „Et licet, pergit, voculis quibusdam *quodammodo, aut non reipsa sententiæ durities emolliatur, tamen neutrum sufficere videtur.* Prohibet enim Majestas Patris, quo minus aliquo etiam modo *Christum honoratiore, quam Patrem loco*

(b) Vid. Efaj. XLII. &. (i) Commentar. in Hebr. I. 2.



, loco sedere dicamus. Habet eadem SLICHTINGIUS: (k) Non sequitur, inquit iste, Christum honoratiore esse in loco, quam Deum Ipsum. Deus enim absolute summus & altissimus est; nec similitudo nimis premenda est. Vides mire in hoc argumento explicando tergiversari Socinianos, quidquid vero proferant, falsum esse ideo, quia ex falsis atque impiis ipsorum deducitur principiis & hypothesibus. Sibi ergo habeant sua interpretamenta Sociniani.

## §. XLVI.

Sunt vero & alii, qui, licet in principiis, quæ Sociniani negant, nobiscum consentiant, tamen per Sessionem Christi ad Dextram Patris gloriam & majestatem Filii tanquam gradu minorem & inferiorem a gloria Patris distinguuntur. Præsidium huic suæ sententiae inde querunt, quod Metaphoræ rationem repetant a consuetudine Regum vel Principum, quibus hæres proximus vel alias in Regno Princeps assideat *Dexter*, qui deinde sequatur *Sinister*. Solent huc referre exemplum Filiorum Zebedæi, quibus, ut hunc honorem deferat, Mater Christum rogat. (l) Sed vero, quum Filius Dei priusquam exinaniretur, fuerit *εν μηρῷ Θεοῦ* imo *τόπος Θεοῦ*, (m) neque tanquam in Sacris Literis consideretur tanquam minor vel inferior Patre, nisi cum respectu ad statum ejus humilem: nulla prorsus ratio est, quare Christo in Cœlos rursus eveneto non eandem gloriam eandemque dignitatem vellemus tribuere, quam habuit priusquam mundus hic existet, quæ non est gradu minor vel inferior gloria Patris. Imo & ipsa Metaphora, qua Christus dicitur *sedere ad*

(k) Commentar. in Rom. VIII, 34. (l) Math. XX, 21. adde quæ GROTIUS notavit ad h. l. (m) Philipp. II, 6.



ad Dextram Patris, hanc interpretationem videtur responde. Εἰ γὰρ ἐλάτιων ἡθελε δηλῶσαι, inquit CHRYSOSTOMUS, (n) σὺ ἀν εἶπεν εἰς δέξιον, ἀλλ' εἰς δυτικὸν, si innuere voluisset minorem esse, non dixisset a Dextris, sed a Sinistris. Et sicut dignitatis gradus non est, addit MAXIMUS (o) Episcopus Taurinensis, ubi Divinitatis plenitudo est, ita ad Dextram sedet Filius, non quod præferatur Patri, sed ne inferior esse credatur. Exemplum Bathsebæ, quam Rex Filius ad Dextram suam collocavit, (p) interpretationem hanc non probat. Quamvis enim Rex esset Salomon, Matri tamen Dextrum locum tanquam honorarium concessit. Neque multum juvat hanc sententiam, quod in Psalmis (q) Coniux Regis dicitur stare ad Ipsius Dextram. Nam & hic, locus ad Dextram consideratur ut potior. Quamvis enim sensus Psalmi mysticus agat procul dubio de spirituali connubio, quod est inter Christum & Ecclesiam, atque ita nulla ratione possit adfirmari, Ecclesiam Ipsi Christo aliquo modo præferri: hoc tamen conjugium Christi spirituale descriptum est verbis, a nuptiis temporalibus inter Regem aliquem & Reginam mutuatis, quæ an Salomonis fuerint, Philologis excutiendum relinquimus. Sicut ergo de multis aliis illo tempore usitatis ritibus in hoc nuptiali hymno mentio fit: ita & Coniux Regia occupat locum a Dextris, tanquam honorarium, quem Sponsus Sponsæ concedere solet. Denique petitio Filiorum Zebedæi, (r) de qua ab initio dicebamus, huc prorsus non pertinet. Si enim tres concipientur sedentes, Medium locum honorarium esse, novimus c-

H mnes.

(n) Commentar. in Hebr. circa init. (o) Homil. de S. Pentecost. (p) 1 Reg II. 19. (q) Psalm. XLV. 10. (r) Math. XX. 21.



mnes. At vero ubi Scriptura loquitur de Christo *sedente ad Dextram Patris*, nulla est mentio alterius, qui *ad Sinistras sedeat*. A plurimis hinc illa sententia, quæ Christum locum *ad Dextram* tanquam *secundum a Patre* occupasse statuit, rejicitur, & reprehendit speciatim **COCCEJUS** (s) **GROTIUM**; (t) qui Davidis illud vaticinium: *Sede ad Dextram meam*, interpretatur: *a me secundus es*, eique argumenta opponit.

## §. XLVII.

Pertinent quoque ad hanc classem, qui eo delapsi sunt, ut Metaphoram hanc, qua Christus dicitur *sedere ad Dextram Patris* vellent interpretari ex ordine, quo subsistit Sacrosancta Trinitas. Dicunt illi rem ita proponi, quasi Pater tanquam Primus & Princeps occupet locum medium, ut potiorem, Filium vero & Spiritum Sanctum ab utroque quasi latere ordine esse collocatos. **CHASANÆUS** Parlamenti quondam in Gallia Præses rem ita concepisse videtur. *Quum tres sint Personæ*, ait, (u) *ratione Personæ sedebit Spiritus S. ad Sinistram Patris*, eo quod *Filius sedet ad Dextram*, non quod unus altero sit Major, quia nulla hic majoritas aut minoritas, sed ut secundum sedes naturales, si essent tres æquales, qui vellent sedere in uno loco, unus esset in medio, & alii duo ad latera, unus ad *Dextram* & alter ad *Sinistram*. Sed nimis crassus est iste conceptus, neque ullum in Scriptura fundamentum habet; quæ nullibi mentionem facit Spiritus Sancti *sedentis ad Sinistram Patris*, & Sessionem *ad Dextram*.

(s) Commentar. ad Ephes. I. 20. (t) Commentar. ad Math. XXII. 44 add. **WOLZOGENII** comment. ad d.l. eadem reperies utrorumque verba. (u) in Catalogo Gloriæ mundi part. II. confider. III.



tram Dei proponit potius ubique tanquam *κάνημα* & prærogativam solius Filii. Quare hanc interpretationem ut frivolam & Scripturæ contrariam rejicimus. Alii quondam observatum fuisse dicunt, ut Throni Regum in oriente plerumque essent Bilateres, (v) qui sedem habuerint non ad Dextram tantum, sed & ad Sinistram, utraque tamen sublimiorem & potiorem fuisse Regis in medio loco sedem. Quam vero quidam ex hac observatione deducunt similem hujus articuli interpretationem, propter rationes jam adductas hic locum habere posse negamus.

## S. XLVIII.

Denique ad hanc sententiarum classem referendi etiam sunt quidam ex illis, qui sinistrum latus ut honoratus Dextro præferunt. „Quum apud nationes usitatis sima sit consuetudo, inquit ANTONIUS NEBRISSENSIS (x) primus hujus commenti inventor, „ut, qui sedet sine incedit ad Dextram alicujus, obtineat locum priorem, quid sibi vult, quod in Psalmo CX. legitur: „Sede a Dextris meis? Nam quum Psalmus ille in sensu literali de Christo intelligatur, sintque verba Patris ad Filium, quid incongruentius dici potest, aut quid magis indecorum, quam quod Filius priorem occupet locum? Neque solum hic, sed mille aliis in locis Scriptura testatur, Christum ad Dextram Patris sedere, qui tametsi Patri natura est æqualis, qua tamen Filius, & qua homo est, cedere debuit Patri primam sedem. — Ego vero, quum hanc ordinis sedendi indignitatem mecum reputarem, subiit mihi suspicio, alium fuisse apud antiquos sedendi ordinem, quam qui sit nostris tempore.

H 2. dicitur Tertius, „ribus,

(w) Vid. LUD. DE DIEU ad Apoc. III. 21. (x) In Quinqueagen. cap. XXXIX.



„ribus, ut videlicet, qui federet ad Sinistram, esset  
„potior eo, qui federet ad Dextram.” Qui idem com-  
mentum defendendum suscepit J. H. GOROPius BECA-  
NUS, hic quoque ANTONII vestigia sequitur, & ex eo,  
quod Christus dicitur sedere ad Dextram Patris colligit (y)  
*Deum Patrem Sinistrum uti honoratiorem assidere Filio.*  
Res ipsa docet, fieri aliter non posse, quin illi, qui Sini-  
stram Dextræ præferunt, vel quondam prælatam existi-  
mant, ita sentiant. Quum autem ipsa hæc hypothesis  
& fundamentum hujus sententia jam supra (z) a nobis sit  
eversum, sponte quoque ruunt, quæ illi superstruuntur.

## §. XLIX.

Sequitur nunc altera Classis, quæ complectitur sen-  
tentias illorum Interpretum, qui per Sessionem ad Dextram  
Dei, Fili cum Patre omnimodam æqualitatem, & aqualem  
potestatem, & aqualem gloriam, & aquale imperium indica-  
ri existimant. Adoptarunt hanc interpretationem non  
solum nostræ, sed & reliquarum Ecclesiarum Doctores.  
CORNELIUS A LAPIDE (a) Christum ad Dextram Dei  
sedere dicit: *prima, quia Christus qua Deus est, Deo Pæ-  
tri ut essentia, ita dignitate & gloria æqualis est: secun-  
do & melius, quia Christus qua homo est, enectus est ad  
æqualitatem Dei, sive ad participationem, sive ad com-  
municationem Divinæ ut hypostasis, ita & gloriæ. (b) Se-  
quentur qui ita sentiunt Patres antiquæ Ecclesiæ, quorum  
plurimi rem eodem modo in suis Scriptis explicant. ATHA-*

(y) Hieroglyph. Lib. III. in principio. (z) §. X. & seq. (a) Com-  
mentar. ad Hebr. I. confer. quæ Idem notavit ad Colof-  
sen. III. 2. (b) Plures, qui ex Romano-Catholicis in  
eandem sententiam eunt, citantur a BELLARMINO de  
Christo Lib. III. cap. XV.



**BASIUS:** (c) Τί δὲ τέτο (sedere ad Dextram Dei) σημαίνει,  
ἢ τὸ γνήσιον τῆς Τίας; τὴν τε γὰρ τῆς Πατρὸς βεστιλεῖαν βασιλευων  
ἢ Τίος, ἐπὶ τῷ αὐτὸν Θρόνῳ τῷ Πατρὶ καθηταί, καὶ τῇ τῷ Πα-  
τρὸς θεότητι Θεοφύμενος, Θεός ἐστιν ὁ λόγος· καὶ ὁ βλέπων τὸν  
Τίον, βλέπει τὸν Πατέρα· καὶ ὅτις ἐις Θεός ἐστιν· Ἐκ δεξιῶν γένεται  
καθημένος, αριστερὸν δὲ ποιεῖ τὸν Πατέρα, ἀλλ' ὑπερέστι δεξιον καὶ  
τίμιον ἐν τῷ Πατρὶ, τότε καὶ οὗ Τίος ἔχει καὶ λέγεται, πάντα, ὅταν  
ἔχει οὐ πατήρ, ἐμά ἐστι. (Johann. XIV.) Διὰ τέτο γὰρ καὶ  
ἐκ δεξιῶν καθημένος ὁ Τίος ἕρεται Πατέρα, καὶ αὐτὸν ἐκ δεξιῶν  
καὶ ἀπὸ τῆς Ανθράκτος γενόμενος λέγεται προσφέρειν τὸν κύριον, ὅτι ἐκ  
δεξιῶν μόνος ἐστι διαπαντός. (Psalm. XVI.) Δείκνυται γάρ πάλιν  
καὶ ἐν τάτῳ, ὡς Τίος ἐν τῷ Πατρὶ καὶ Πατέρες ἐν τῷ Τίῳ· δεξιά  
γὰρ ὄντος τῷ Πατρὶ, ἐν τῷ δεξιῷ ἐστιν οὐ Τίος, καὶ καθημένες τῷ Τίᾳ  
ἐκ δεξιῶν, οὐ Πατέρες ἐστοῦνται τῷ Τίῳ. Verba plana sunt & do-  
cent, per Sessionem Filii ad Dextram Patris intelligendam  
esse, non solum Participationem Regni Paterni, sed &  
unanimodam æqualitatem & Essentiae unitatem. **BASI-**  
**LIU S:** (d) Καὶ τὰ αἵνια πνευμάτων μαρτυρεῖτος, ὅτι ἐκαθίστεν ἐν  
δεξιᾷ τῆς μεγαλεσύνης τῷ Θεῷ, ἥμεις πάντες σύνθρονον καὶ ὁμότιμον  
ἀπὸ τῆς προς τὸν θεόν τιχέτεως ἐπὶ τῷ κάτω καταβιβάζομεν; Τοῦ  
Οὐρανοῦ γάρ τὴν δεξιὰν χώραν δηλεῖν τὸ τῆς αἰγαίας ὁμότιμον. *Et*  
quum Spiritus S. testimonium perhibeat, quod considererit  
ad Dextram Majestatis Dei, nos throni consortem & ejus-  
dem honoris participem ab æqualitate status ad inferiorem  
dejiciemus locum? — *I*llico enim Dextrum locum signi-  
ficare dignitatis æqualitatem. Similiter **THEOPHYLA-**  
**CTU S:** (e) licet recentioris avi Scriptor: Ἐκάθιστε ἐν δεξιᾷ,  
ἰαχτεῖτε τῷ πατρὶ παρικλείσταιο Θεός, ἀλλ' οὐ τὸ δικάτιμον σύντη δειχθῆ-  
τον;

H 3

τὸ

(c) Orat. II. contra Arjanos. Oper. Tom. I. p. m. 367. (d)  
De Spiritu Sancto cap. VI. circa finem. (e) Commen-  
tat. ad Hebr. I.



τὸ πρᾶς τὸν Πατέρα. Πρὸς ἀυτὸν γὰρ ἐφθασε τὸν Θρόνον τὸν Πατρικὸν, καὶ ὥσπερ ὁ Πατὴρ ἐν ὑψηλοῖς, ὅτῳ νοῦ Ἀυτὸς. Sedet ad Dextram Dei non quod loco concludatur Deus, verum ut aequalis cum Patre honoris esse monstretur. Ad ipsum enim paternum thronum usque pervenit, ac sicut Pater in excelsis est, sic & Ipse. Mittimus plura, ne aliis videamur nimii in congerendis Patrum testimoniis.

VIX § L.  
Recentiores alii licet in re ipsa consentiantur phrasim & Metaphoram tamen inde illustrari & explicari posse opinantur, quod Reges Dextra sceptrum gerere soleant. Sessionem Christi ad Dextram Dei proinde significare putant participationem & communionem Sceptri vel Regni, quia Filio sedente ad Dextram Patris, Sceptrum concipiatur positum in medio duorum. Amplexitur hanc sententiam C. L. VITRINGA, (f) eamque prolixè tueri satagit. Nos licet illam tanquam ingeniosam laudemus, usui tamen & Metaphoræ eandem convenire dubitamus. Nam primo Scriptura, ubi loquitur de Filio sedente ad Dextram Patris, nullibi mentionem facit Sceptri, quod gerat Pater, sed potius tale tribuit soli Filio. (g) Deinde si consideretur Sceptrum, tanquam quod sit in manu Patris, nulla inde sequeretur communio Imperii. Solus enim ille regnare existimatur, qui Sceptrum manu tenet. Potius participatio & communio Imperii ex eo satis jam nota erat, quod Christus alibi dicitur sedere in eodem throno cum Deo Pater. (h) Ita enim dici posset, quod, sicut thronus sit solius Imperantis, sic etiam communio throni invol-

(b) (f) Observat. Sacrār. Lib. II. cap. IV. & V. (g) Psalm. CX. 2. coll. Psalm. II. 9. & XLV. 7. (h) Zachar. VI. 12. 13. Apoc. III. 21.



involvat communionem Imperii. Unde colligimus non exaurire omnem Metaphoræ emphasis, qui hoc modo argumentum de *Sessione Christi ad Dextram Patris* interpretantur. S. LI.

Cæterum sententia illa, quæ *Sessionem Christi ad Dextram Patris* in genere interpretatur per summam Christi potestatem, gloriam & imperium, quod post perfectam peccatorum expiationem cum Deo Patre par & aquale acceperit, a plerisque Theologis, quod jam diximus, tanquam optima hujus articuli explicatio est admissa. Agnoscamus & nos, illam esse veram & in Sacra Scriptura fundatam. Videtur autem nobis latere adhuc aliquid in illa Metaphora, quæ Christo tribuit *Sessionem ad Dextram Dei*, quod & hæc interpretatio non omnino exauriat. Si enim *Sessio ad Dextram Patris* nihil aliud significaret, nisi omnimodam cum Deo equalitatem, parem potestatem, parem gloriam, &c. dicendum foret, Christum jam ab æterno, & quamdiu postea inter homines vixit, saltem quoad Naturam Divinam, semper sedisse ad Dextram Patris. Quod tamen ex Scriptura probari haud poterit. Nulla etiam ratio esset, quare hoc sensu non æque Spiritui Sancto ac Filio *Sessio ad Dextram Patris* competeteret. Novimus enim Illum quoque ejusdem essentiæ, ejusdem proinde potestatis & gloriae cum Patre esse participem. Tale quid vero iterum ex Scriptura ostendi nequit. Neque hic dixisse sufficit, hanc interpretationem non esse intelligendam, nisi cum respectu ad statum Christi humilem ejusque depositionem. Nam ita Christus priusquam se exinaniret, ab æterno tamen sedisset ad Dextram Dei. Ita vero rursus adfirmaremus aliquid, de quo Scriptura silet, quæ *Sessionem Christi*



stī ad Dextram Patris non describit tanquam nudam pri-  
stinæ gloriæ, ut ita loquar, receptionem, sed potius tan-  
quam peculiare *πάνορμη*, peracta & exaltata Redemptio-  
ne, Mediatori collatum. (i) Denique, quod & ab initio  
monuimus, non videtur nobis hæc interpretatio satisfa-  
cere Metaphora. Videamus igitur anne explicationes il-  
lorum, quæ in tertia classe nobis enarrandæ restant, il-  
lud, quod adhuc supereft dubium, penitus solvant?

## §. LII.

Referemus ad ultimam haric classem interpretationes  
illorum, qui hac Metaphora Christo aliquam præ Patre  
prælationem tribui existimant. Primam huic explicatio-  
ni occasionem procul dubio præbuit ipsa Metaphora. No-  
tum enim est & supra pluribus a nobis ostensum, inter  
Homines potiorem semper considerari illum, qui Dextras  
tenet; unde simile aliquid Scripturam hic significare pu-  
tant. Explicavit rem quondam hoc modo JOHANNES M AL-  
DONATUS. „Quocirca, inquit, (k) sedere ad Dextram  
„Patris non solum significat Christum esse æqualem Pa-  
„tri, sed etiam Majorem: non quidem re ipsa, quia  
„æqualis Pater, æqualis Filius, æqualis Spiritus Sanctus,  
„ut habemus in Symbolo Athanasii, sed quod attinet ad  
„nos & functione officii & administratione Ecclesiæ: quia  
„etsi Pater sit Deus & Rex, tamen Regni administratio  
„conceditur & tribuitur Filio, qui Regnum amissum re-  
„cupерavit & adquisivit Patri suo proprio sanguine & ver-  
„bo suo fidem in cordibus hominum plantavit. — Quare  
„sedere

(i) Conferantur, qui idem observarunt, PAREUS in explicat.  
Catechese, Domini. XIX. quæst. L. & CLOPPENBUR-  
GUS in Exercitat. Theolog. Loc. X, Disput. VI. §. 28.

(k) MALDONATUS in commentar. ad Psalm. CX.



„sedere ad Dextram est, esse quodammodo Majorem quoad officium & administrationem Ecclesiae sue. Quod etiam patet ex aliis Scripturæ locis, ut Johann. V. 21. 22. Ex quo quidem loco satis est manifestum, Christum non solum æqualem esse Patri in natura & re ipsa, sed etiam quodammodo Majorem in administratione Regni atque Ecclesiae, quia omne judicium fuit illi datum a Patre. Licet enim in extremo judicio Pater & Filius & Spiritus S. judicent re ipsa & vere, siquidem opera sunt indivisa toti Trinitati, tamen solus Filius pronunciabit sententiam. Quod quidem voluit etiam Paulus Philipp. II. 6 — 11. ubi non solum videtur significare Christum se exinanivisse, & ideo confessisse in æqualitate Patris, quia antea erat & ab æterno fuit æqualis Patri: sed quemadmodum Ipse Christus, qui antea erat in forma Dei, hoc est verus Deus, demisit se non solum usque ad conditionem & miseras hominum, sed infra naturam humnam, quemadmodum dicitur: ego sum vermis & non homo, & opprobrium hominum & abjectio plebis; sic Deus exaltavit illum, hoc est, fecit quodammodo se superiorem administratione scilicet Regni, non reipsa, & dominavit illi Nomen, quod est supra omne Nomen, atque adeo etiam Nomen Dei.” Quæ autem hoc loco addit MALDONATUS: Christianos omnes tacite hoc significare, quum auditu Nomine J E S U, omnes detegant suum caput, auditu vero Nomine DEI non item, prorsus absonta sunt & superstitiones papales redolent.

§. LIII.

Repetit suam hanc sententiam de *Sessione Christi ad Dextram Dei*, ejusque fundamentum querit in ipsa Metaphora Idem MALDONATUS alio loco. (1) „Valde,

I

ibi

(1) MALDONATUS in Commentar. ad Marc. XVI. 19.



ibi ait, meus in eam sententiam animus inclinat, ut exi-  
,, stimem per *Dextram* non solum æqualitatem, sed *quid-*  
,, *dam* etiam *æqualitate majus* significari: non quod Fi-  
,, lius quidpiam majus quam Pater habeat, sed quod ma-  
,, jorem *præ se*, si offici functionem consideremus, dignita-  
,, tem ferat; cum in *Dextra*, i. e. Regali in sede sit, Ec-  
,, clesiam inde gubernans, donec Pater ponat inimicos  
,, *Ejus* scabellum pedum *Ipsius*: Sicut in judicio non ha-  
,, bebit quidem re ipsa majorem, quam Pater honorem,  
,, non majorem potestatem, sed majorem tamen ostendet  
,, ac *præ se* feret, quia *Ipse*, non Pater Judicis visibiliter  
,, officium exercebit. Omne enim judicium Pater dedit  
,, Filio, Johann. V. 22. Moveor consuetudine loquendi,  
,, unde sine dubio Metaphora illa ad *Dextram Dei Patris*  
,, *sedendi* tracta est. Quum tres simul sedent, omnium  
,, more gentium, qui honoratissimus est, sedet in medio;  
,, quum autem sedent duo, qui honoratior est, sedet ad  
,, *Dextram*. Exemplum est 1 Reg. II. 19. ubi quum Bath-  
,, seba, Mater Solomonis Regis eum inviseret, jussit Solo-  
,, mon ad *Dextram* suam alterum poni thronum in eoque  
,, *sedere Matrem*, ut eam superiorem agnosceret. Animad-  
,, verto autem nuspam in Sacris Literis Spiritum Sanctum,  
,, sed solum Patrem & Filium dici sedere; quod sedere, ut  
,, dixi, gubernare sit; & non *Spiritus S.* sed *Pater & Filius*  
,, dicuntur gubernare, gubernare inquam extrinsecus.  
,, Quum ergo solus Pater & Filius sedent, & Filius ad  
,, *Dextram Patris* sedere dicatur, significatur, *honoratio-*  
,, *re quodammodo esse loco, non quod re ipsa Major sit, sed*  
,, *quod, quum Regis officium exerceat, majorem præ se*  
,, *ferat dignitatem.* Verba *MALDONATI* prolixiora re-  
tulimus, quia ipse celebris nominis auctor non omnibus  
æque notus est. Nobili stirpe in Hispania natus, postea  
rece-



receptus est in Societatem Jesu. Quamvis deinde post aliquod tempus accusaretur hæreses, Parisis tamen absolvebatur, imo & a Pontifice Gregorio XIII Romam evocabatur. Ubi quum novam editionem τῶν LXX. adorasset, diem suum obiit, anno 1583. Nomen Viri multis etiam ex ipsa Ecclesia Romana exosum est. Neque nos ipsius impudentiam & fraudes, quas passim prodit, præsertim in Epistola de collatione Sedanensi cum Calvinianis, (m), in qua fallacia alia aliam quasi trudit, laudandas suscepimus.

## § LIV.

Hanc vero Sessionis Christi ad Dextram Patris interpretationem multi ex nostris reprehendunt, sive quod vere erraverit M A L D O N A T U S, sive quod errasse creditus est. GOMARUS hanc sententiam paradoxum vocat. (n) Pudorem, addit, in Jesuita requirimus, qui ab universa antiquitate, & Ecclesia, de cuius consensione tantopere gloriatur, imo a tota Scriptura in explicatione articuli fidei discedit. R I V E T U S pariter (o) audacem hanc esse & impudentem assertionem, ait, & miras putat metuendas fuisse a Jesuitis tragedias, si nostrum alicui talia excidissent. Notat itidem B U R M A N N U S (p) Socinianos, qui perverissime Christum honoratori loco positum velint, quam ipsum Patrem, quibus & assentitur, pergit, Maldonatus Jesuita. H E I D E G G E R O (q) Socino secundas fecisse famosus

I 2

mosus

(m) Conjunctione edita est cum commentario Maldonati in IV. Prophetas & exposit. Psalmi CX. Moguntiae 1611. in 4to.

(n) In corollar. Disputat. de Sessione Christi ad Dextram Patris. (o) Commentar. in Psalm. CX. (p) Synops. Theolog. Lib. V. cap. XXV. (q) Loco XVIII. de Status J. Christi n. 71; Corpor. Theol. tom. II. pag. 70.



*mosus ille Maldonatus videtur.* WITSIUS (r) denique cunctos, qui ita sentiunt, delirare pronunciat. Penitus examen nunc non instituemus, anne de sententia MALDONATI jure hac & alia istius generis judicia feraneur. Videatur enim & nobis ipsius interpretatio durior, vel saltem non satis exposita. Considerat MALDONATUS sapienter Christum Patrem *majorem & superiorem*. Hoc vero expressis verbis negat Paulus Apostolus, inquiens: (s) *quando dicit omnia Illi (Christo) esse subjecta, δῆλον, ὅτι ἔχεται ὑπὸ ὄρδενας αὐτῷ τὰ πάντα. manifestum εἴη, exceptum esse Illum, qui subiectit illi omnia;* Siquidem, quod hic observasse juvabit, ordo, quo subsistit Sacrosancta Trinitas, non est arbitrarius, sed *naturalis*. De cætero autem Sessionem Christi ad Dextram Patris non male refert MALDONATUS ad Muneris administrationem; quare etiam mitius de eo sensit CL. RÖELLIUS, qui eandem explicat de Regno Oeconomico, quod solus Filius administret.

## §. LV.

Ipsam Viri clariss. præstantissimi sui temporis Theologi, de Sessione Filii ad Dextram Patris sententiam, quæ ad ultimam hanc classem pertinet, ut melius percipiatur, proponam verbis ipsius auctoris: (t) „Quando Christus „ad Dextram Patris collocatus dicitur, significari videtur „quod œconomice & certa ratione solus regnet, donec „tradat iterum, œconomia illa cessante, Regum Patri, „ut Deus, sine tali trium Personarum œconomia, sit omnia „in omnibus.“ Prolixius alibi rem explicat, & communem illam, quæ hic moveri solet, objectionem diluit.

Sen-

(r) Exercitat. XXI. in Symbolum Apostolicum. (s) 1 Corinth. XV. 27. (t) Dissertat. priori de Generat. Filii §. XLIII. pag. 44;



Sententiam ipsam postquam clare proposuerat, addit, (u) idem quondam sensisse Maldonatum, quod scilicet illa phraſi significetur, Christum in administratione Regni considerari ut Majorem Patre. Sed illi, pergit, opponitur illud, quod est i Corinθ. XV. 27. ubi dicitur, quod Pater illi omnia subjecerit, quod tamen Pater illi non sit subjectus. Verum, respondet CL. RÖELLIUS, neque hæc est sententia nostra, Patrem Filio œconomice esse subjectum, quem admodum Filius Patri fuerat, sed saltē omnia illa, quæ subesse possunt imperio divino. Denique subnectit ipse Vir Clariss. suum de hac sententia judicium, quæ, licet talis non esset, aliis tamen poterat videri nova. Saltē nihil, inquit, (w) in ea sententia est, quod non conveniat cum analogia fidei & Scripturarum, quæ ubique Christum proponunt, tanquam Regem, Dominum, Judicem &c.

## §. LVI.

Suspecta forte videri posset & hæc CL. RÖELLIUS interpretatio Sessionis Christi ad Dextram Patris. Cl. Author enim ipsam quoque FILII denominationem, Ejusque GENERATIONEM ad Oeconomiam referre, & proinde nullam harum denominationum significationem nisi impropriam admittere voluit. (x) Imo eo tandem progressus est, ut ordinem, quo subsistunt tres uirgines Sacro-Sancta Trinitatis non Naturalem sed Arbitrarium conciperet, neque hinc aliam esse rationem existimaret, propter quam Una vel Altera Persona sit PRIMA aut SECUNDA, nisi liberam Oeconomiam, tum inter Personas Divinas initam, quum Deus caperet consilium de salvando peccato-

I 3

re.

(u) In explication. Catecheses Dom. XIX. Quæſt. L. (w) RÖELLIUS loc. citat. (x) Vid. CL. RÖELLIUS Dissertationes de Generatione Filii.



re. Si ergo ex his hypothesibus ferretur judicium de illa interpretatione, quam *de Sessione Filii ad Dextram Dei* in medium protulit Clar. ROELLIUS, eandem recedere ab Ecclesiæ nostræ doctrina, quam de Sacrosancta Trinitate servavit semper, posset aliquo modo censeri. Itaque licet peculiaris illa Viri Clarissimi de *Génératione Filii* sententia, quæ, ut notum est, lites & non leves peperit ubique motus, ab omni Socinianismo sit alienissima, illam tamen non facimus nostram, sed Personarum Divinarum Ordinem & Characteres Personales in Sacra Scriptura indicatos, secundum receptam & communem Ecclesiæ nostræ doctrinam, Naturales esse admittimus atque tuemur, tum quoniam supponuntur in œconomia Negotii Gratiae, tum quia Deus veracissimus sese procul dubio non Alium, quam Qualis in se est, per opera sua manifestare voluit. Quamvis autem hoc modo nullam *Sessionis Christi ad Dextram Dei* admittamus interpretationem, quæ huic nostræ hypothesi fit contraria, vel difficile saltem cum illa posse combinari videatur: nihilo tamen minus, hanc ipsam, de qua loquimur, *Sessionem Christi ad Dextram Patris* ad œconomiam esse referendam putamus, atque summam Potestatem Filio Dei collatam & concessam, absque ulla tamen vel *Identitatis Essentia Divinae*, vel *naturalis Personarum ordinis mutatione* aut *præjudicio*, per illam significari arbitramur. Quod ipsum, ut clarius fiat, nostrum nunc erit, ut, quæ hic in compendio diximus, ex nostris hypothesibus plenius deducamus & perspicue exponamus.

### §. LVII.

Felicius hac in re versabimur nostramque mentem clarius forte exprimemus, si ad ipsam *Potestatis notio-*  
*nem attendamus, eamque consideremus ceu perfection-*  
*nem*



nem relativam, quæ in alterius dependentia fundamentum habet, ut pateat, Potestatem summam & absolutam, quæ est perfectio Divina, oriri ex tali opere vel beneficio, cuius virtute res aliae in totum & absolute a Deo dependent. Hinc enim clarum fiet, quod eodem sensu, quo tale opus vel beneficium sive toti Essentiae Divine, sive Personæ Alicui, seorsim spectatae, competit, summa etiam, quæ inde oritur, Potestas, tribuatur Deo, vel στιόδως vel ὑποστατικῶς considerato. Porro, quum opus tale sit vel Naturæ, i. e. Creatio, quæ pandit Dei οἰκόπετα, vel Gratiae, i. e. Redemptio, in qua Deus potissimum manifestare voluit Trium Personarum υπόστασιν, ostendendum nobis erit, summam illam Potestatem ita Tribus Personis esse communem, ut tamen etiam possit concipi tanquam Uni, vel Alteri, ex certa quadam & peculiari relatione propria. Distinctius ergo agemus primo de illa, quæ P'ATRI hoc modo competit, potestate peculiari, deinde de illa, quæ FILIO propria est; quæque sit utriusque ad alteram relatio, dicemus. Ita enim patebit, quomodo salva Nature, sive Essentiae Divine identitate, non solum diversa sit Personarum in operibus Oeconomia, sed & FILIO data sit summa Potestas absque prejudicio ordinis, qui Personis Divinis naturalis est. Ex quibus denique omnibus judicari poterit, numne, & qua ratione summa illa Potestas, Filio concessa, vocetur *Sessio ad Dextram Dei* etiam cum aliqua prælationis significatione respectu operum oeconomicorum.

### §. LVIII.

Potestas nobis dicitur Jus utendi potentia circa Personam vel rem, tanquam suam. Est vero Potestas Perfectio quedam relativa, quæ vim & potentiam naturalem supponit. Jus enim exercendi illam ex certa quadam relatione



latione oritur. Quæ relatio dependentiae est, & estimanda ac metienda est ex beneficio, quod quis ab altero vel accepit, vel exspectat. Quantum scilicet quis alteri debet, tantum ab illo dependet, eique obstrictus manet. Vicissim quantum quis alteri sive ad esse, sive ad perfectum esse contulit, vel conferre potest, tantum habet in illum Juris & potestatis, tanquam in rem suam. Hæc si referamus ad illam, quæ Deo competit, potestatem, facile intelligimus, eandem esse summam, absolutam, & talem, quæ se extendat ad omnia. Deus enim non solum a se est, in se Ipso perfectissimus & prorsus independens, sed & ab Ipso sunt, quæcumque existunt. Itaque rerum omnium Dominus est, isque absolutus & summus, tum quia Ipse sua Natura est Omnipotens, Qui, ut cum Scriptura loquar, facere potest, quidquid vult in cœlis ac in terra (a), tum quia Jus quoque absolutum habet, utendi hac sua potentia, secundum évidentiam Voluntatis sue. (b) Nihil enim Ipsius Voluntati resistere potest, (c) vel impedit, quo minus pro summa sua potestate servet ac perdat, quidquid velit, (d) quia, quod jam diximus, quæcumque præter Ipsum sunt, Ipsius sunt, & ab Ipso in totum dependent.

### §. LIX.

Quum itaque solus ille independens sit & res omnes a se dependentes habeat, qui ea, quæ nihil erant, fecit & vocavit, ut essent, (e) Quique ea, quæ fecit, perficere quoque potest: sponte sequitur, summam illam potestatem, quæ ex rerum illa dependentia ortum habet, esse proprietatem, quæ soli Deo competit. Quia vero hic

(a) Psalm. CXV. 3. (b) Ephes. I. 5. Philipp. II. 13. (c)  
Rom. IX. 19. (d) Matth. X. 28. (e) Rom. IV. 17.



hic supponitur esse aliquid *extra & præter Deum*, in quod Potestatem habeat, eandemque exerceat, hæc ipsa *proprietas*, non absolute *Naturalis*, sed, uti diximus, *Relativa est*. Talis scilicet hic requiritur *Relatio*, cuius virtute Deus habeat *Jus* in illa, quæ existunt, tanquam *in res suas*, suamque proinde possit ostendere & manifestare potentiam, convenienter fini suo, rerumque ipsarum naturæ. Finem vero Deus, qui a Se Ipso est, nullum alium, quam Se IPSUM & Gloriam suam habet, vel habere potest. Semper Ille in operibus suis Sese manifestat talem, qualis est. Est autem non tantum in se perfectissimus, *& summum illud & absolutum esse*, (f) quod omnem in se comprehendit *Entitatem*, sed etiam *vult se esse* talem, qualis est, hoc est, virtutibus suis adquiescit. Prius ex eo patet, quod dederit rebus omnibus tum *esse*, tum *porro esse*, imo & *perfectius esse*. Hinc enim tanquam ex effectu constat, IPSUM, ut *causam primam* possidere *omne esse*. Alterum inde evidens est, quod Deus suis perfectionibus delectetur quoque. Vult enim & jubet suas perfectiones agnoscere, comprobare, admirari, celebrare, denique imitari.

## §. LX.

Præcipua hæc ratio est, cur Deus præter creaturas, quæ nudum esse habent, condere etiam voluerit tales, quæ *sui essent consciæ*, vel, quod idem est, *cum conscientia* existerent. Illæ *quod sint, & cur sint?* nosse possunt; & proinde vocantur *Rationales*, quia, quodcunque agunt, *cum ratione agunt*. Sunt ergo in sua existentia ita comparatae, ut manifeste doceant, non solum Deum *in se comprehendere summum & perfectissimum esse*,

K

(f) Exod. III. 14. Apocal. I. 8.



esse, sed & **I P S U M** his suis perfectionibus delectari & ad-  
quiescere. Utrumque prolixius ostendi posset, nobis vero  
dixisse sufficiat: *effectus* hos & esse tales, qui arguant cau-  
sam perfectissimam; & sua natura ita esse comparatos, ut  
fint, vel saltem possint ac debeant esse virtutum ac perfe-  
ctionum Divinarum totidem praecones, laudatores, imi-  
tatores. Ad hunc itaque finem quum conditum sit,  
quidquid extra Deum est, maxime, de quibus diximus,  
creaturæ rationales, ad eundem quoque, convenienter  
suæ naturæ, diriguntur. Utitur ad hoc Deus *summio il-*  
*lo suo jure & suprema Potestate.* Hinc res illas, quibus  
*nudum esse* dedit, ita conservat, auget, regit & ad fines  
suos dirigit, ut in continuata earundem existentia infinitæ  
potentia & bonitatis summæ clarissima prostrent argumen-  
ta. Sed longe clarius hujus potestatis exercitium sese exe-  
xit, si adtendamus ad *Regimen morale*, cui subsunt crea-  
turæ rationales. His enim Deus præscribit Leges, quas  
simul pœnis & præmiis sancit. Punit illos, qui legem  
hanc negligunt & observare detrectant; beat alios, qui suæ  
voluntati sese conformant. Utrumque *Dominii & Pote-*  
*statis summæ argumentum est.* Mali enim cum maximo  
suo damno experiuntur, Deum non solum esse *Dominum*,  
qui, ut alios servare, sic ipsos perdere possit, sed & *Bonum*  
*summum*, in cuius sola communione sicut pii sunt  
beati, ita extra eandem ipsi se sentiant sine fine miseris.  
Quemadmodum autem hoc modo in puniendis & per-  
dendis malis & immorigeris sese exerit *Potestas Divina*,  
ita non minus eluescit in beandis piis. His enim, qui  
**I P S U M** querunt, Ejusque perfectionibus delectantur, &  
quantum possunt, id agunt, ut referant illarum imagi-  
nem, Deus sese talem exhibit, in quo perficiantur; imo  
& cuncta, quæ subsunt Imperio Divino, dirigit ad eo-  
rundem



rundem salutem. In his ergo omnibus conspicuum est *Potestatis supremæ & vere Divinæ exercitium morale.*

## §. LXI.

Quum vero *Relatio* illa, cuius virtute Deus est summus & absolutus rerum omnium Dominus, inde, uti diximus, oriatur, quod Deus solus sit *independens*, & vi-  
cissim omnia, quæ existunt, a se *dependentia* habeat: Su-  
premi hujus Dominii *primum fundamentum* est **CREATIO**.  
Per illam enim Deus non tantum res omnes condidit, &  
fecit, ut sint, quod sunt, sed & certas illis constituit leges, se-  
cundum quas quælibet in suo genere perfici possint; Unde  
sponte sequitur, illa, de qua præcedenti §. dictum est,  
rerum omnium absoluta & omnimoda a Deo *dependen-  
tia*. Quum enim *quidquid sunt, quidquid etiam possunt  
esse*, totum debeant soli Deo: a Deo etiam *in totum de-  
pendent*. Resultat hinc suprema illa Dei in suas creatu-  
ras *Potestas*, quam exercet tum per *Providentiam com-  
munem*, tum per *Regimen morale* in creature rationales.  
Cunctis leges, quæ cum ipsarum natura convenient, præ-  
scripsit, secundum quas ad illos fines, ad quos conditæ  
sunt, easdem dicit & dirigit. Sed ne mera fiat dictorum  
repetitio, hoc saltem addimus, quod, licet summa hæc  
Dei potestas, quæ in Creatione fundatur, supponat Omni-  
potentiam & alias Proprietates Deo Naturales & Essentia-  
les, ipsa tamen *Potestas*, stricte ita dicta, sit *Perfectio*  
& *Attributum Relativum*. Nam Jus, utendi hac poten-  
tia, oritur ex illa *Relatione*, cuius virtute res omnes *in  
totum a Deo dependent*, atque vicissim **IPSE** est absolu-  
tus earundem *Dominus*.

## §. LXII.

Creatio igitur ita comparata est, ut Deus per illam  
manifestet summam Essentiae suæ perfectionem, ater-



nam & δύναμιν potentiam & θεότητα Divinitatem, ut Paulus loquitur, (g) quæ qua ratione subsistat, Deus peccatorem demum docuit. Quod quum postea fieret per Revelationem externam, per quam sepe Deus manifestavit tanquam ἀλλοι καὶ ἀλλοι: simul clare satis indigitavit, in Operे Creationis occupatam fuisse totam Sacrosanctam Trinitatem. Non enim tantum Moyses a Deo Ipso edocetus, ubi pandit veram rerum omnium originem, Cœli ac Terræ Creatorem vocat אלהים, Elohim, (h) (quæ vox pluralis numeri terminationem habet) atque Deum cum Alio vel Aliis, sibi æqualibus colloquentem facit, tanquam ex quorum quasi consilio creationem hominis vellet suscipere, ubi ait: faciamus hominem ad imaginem nostram, (i) sed etiam alii Viri Dei, ita dictante Spiritu Sancto, quando mentionem faciunt Dei, tanquam Creatoris, sape flectunt Nomina in singulari notissima in terminationem numeri pluralis. (k) Licet autem inde clarum fiat, opus Creationis &c, quod inde fluit, in res creatas Regnum atque Dominium absolutum & summum commune esse universa Sacrosancta Trinitati, tamen Deus Ille Trinus per Creationem non Diversos subsistendi modos, sed perfectiones saltem essentiales manifestare voluit. Cognoscimus itaque per Creationem esse Deum Ens Primum ac Summum, quod Ipsum fit a se, & a quo sint omnia. Deprehendimus Potentiam, Sapientiam, Bonitatem Ipsius Summam. Animadvertisimus denique Perfectissimam Ipsius Essentiam esse numero unicam, quia Creaturæ inter se diversæ, amica tamen quadam harmonia ita uniuntur, ut un iversa rerum Creatio sit quasi unum

Opus.

(g) Rom. I, 20. (h) Gen. I, (i) Genet. I, 26. (k) Jesaja LIV, §. Ecclesi. XII, §.



**Opus.** Quum igitur talis sit Creatio, illa quoque, quæ hinc oritur *summa Potestas* competit Deo *secundum spectato;* quippe per quam ostendit & manifestat *perfectiones essentiales*, ac proinde æque *communis* est omnibus Personis, ac ipsa *Essentia*. Quare si mansisset omnia integra, uti in principio creata fuerant, summa illa, de qua hactenus diximus, *Potestas*, non Uni vel Alteri Personæ tribuenda fuisset, sed toti Deitati mansisset propria; quia, uti diximus, Opus Creationis, ex quo derivatur, non ad Unam vel Alteram Personam, seorsim spectatam, pertinebat, sed tanquam Opus Dei, *in sua Essentia spectati*, omnibus Personis erat commune.

## §. LXIII.

Ast vero alia subsequuta est rerum facies, postquam homo lapsus fuerat, &c., quas prius habuerat, *perfectiones amiserat*. Mansit quidem tum etiam Deus *peccatoris Dominus*; sed hoc suo *Dominio & Potestate* uti non poterat, nisi *ad perniciem peccatoris*. Decreverat autem Deus ex singulari φιλαυθρωπίᾳ, (l) *in peccatoris* quoque salute manifestare Bonitatis suæ Gloriam. Verum quum non deceret *Sanctitatem Dei* salvare peccatorem tantum per *Omnipotentiam* suam: *Justitia*, virtus Deo non minus *Naturalis*, ita debuit temperare *Misericordiam*, ut peccatum non remitteretur, nisi cum ἐνδεῖξῃ *Justitiae Divinæ*. (m) Deus *justificans impium*, *Ipse tamen manet Iustus*. (n) Jam vero si respicias ad peccatum hominis, ejusque gravitatem, sane illud non poterat levi aliqua expiari pena. Æstimandum enim erat ex dignitate Illius, adversus Quem commissum fuerat. Deus ille erat dignitatis summæ & prorsus *infinitæ*, & proinde *Iesus*, *infinitam*

K 3

quo-

(l) Tit. III. 4. (m) Rom. III. 25, 26. (n) Psalm. L. 6.



quoque poscebat *satisfactionem*. Illam vero homo *infinitus* inferior, & respectu Dei fere *nihil*, præstare non poterat, nisi talem, quæ esset infinita ratione *durationis*. Itaque ne decretum de salvando peccatore esset irritum, requirebatur *λύτρον*, cuius valor responderet gravitati peccati, hoc est, qui esset *infiniti pretii*. Unde patet ad redimendum peccatorem Deum neminem admittere potuisse, nisi talem, qui & Ipse Deus esset. Denique, quia, ut homo corruptus instauraretur, & ad pristinum statum reduceretur, requirebatur *Potentia summa & vere Divina*, nemo Salutis Opus perficiendum in se suscipere poterat, nisi qui hac polleret potentia. In hoc enim consistit *nova quasi hominis Creatio.* (o)

## §. LXIV.

Est ergo Salutis nostræ Opus ita comparatum, ut supponat quandam in Deo pluralitatem. Alius enim est *Judex*, Alius *Redemptor*, Alius *Instaurator* hominis peccatoris; Quorum tamen quemque, ut §. præcedenti visum est, verum esse Deum oportet. Sed quod res ipsa arguit, Deus clare manifestavit. Docuit enim per Revelationem externam sese esse *PATREM, FILIUM & SPIRITUM SANCTUM*, atque secum inivisse de salvando peccatore *Consilium Patris.* (p) Pater in Illo suscepit Personam *JUDICIS*, Filius *REDEMPTORIS*, Spiritus S. ΠΑΡΑΚΛΗΤΟΣ, sive Illius, qui partam nobis tradit salutem. Non enim poterat Deus, quod jam diximus, conciliari cum peccatore, nisi sua Justitia. *Sanctificari debuit per Justitiam,* (q) & peccatum proinde punit ideo, quia Se *Ipsum abnegare non potest,* (r) Nisi enim hoc faceret, videretur similis peccato-

(o) 2. Corinth. V. 17. Galat. VI. 15. (p) Zachar. VI. 13. (q)  
Jesaj. V. 16. (r) 2 Tim. II. 13.



catori. (s) Unde & in Scriptura expressis verbis protestatur Deus se nolle sotentem pro insonte habere, (t) vel peccatum dimittere impunitum. (u) Missa facio innumera alia Scripturæ loca, quæ de odio Dei adversus peccatum loquuntur. Pater itaque, qui tuebatur Personam Judicis, jus Deitatis adversus creaturam peccatricem vindicantis, Salvationis Opus obtulit Filio, Eique Semen ac diuturnum Regnum pollicitus est, si animam suam vellet ponere λύτρον pro peccatis hominum. (w) Gratiæ hanc Dei voluntatem de salvando peccatore lubens acceptavit Filius, (x) & factus hinc est Λόγος Vindex, (y) Μεσίτης, Mediator inter Deum & homines, (z) Ἐγγεῖος Διαθῆκης, Sponsor Testamenti; (a) donec tandem Opus Salutis per sui Ipsiæ oblationem consummaret. (b) Denique quum non minus sit opus Divinæ potentiae, quo nobis traditur & obsignatur parta Redemptio, Spiritus S. in se suscepit Sanctificationis negotium, (c) nobisque est σφραγίς (d) atque ἀρρενώπολις hæreditatis nostræ. (e) Vocatur hinc etiam Πνεῦμα τῆς ἀληθείας, quia nos dicit in omnem veritatem; (f) & tanquam verus Παράδειλος, quem Filius a Patre misit, (g) non solum varia in nobis dona pro gratiæ sua voluntate operatur, (h) sed & coram Deo ineffabilibus gemitibus pro nobis interpellat. (i) Hæc ergo est quasi summa pacti, seu Consilii Pacis, quod inter tres Personas Divinas coaluit, & cuius virtute Deus ita peccatorem salvat,

(s) Psalm. L. 21. (t) Exod. XX. 5. (u) Exod. XXXIV. 7.

(w) Jesaj. LIII. 10. (x) Psalm. XLI. 9. (y) Job. XIX.

25. (z) 1 Timoth. II. 5. (a) Hebr. VII. 22. (b)

Hebr. IX. 26. (c) 1 Petr. I. 2. (d) 1 Corinth. I. 22.

(e) Ephes. I. 13. 14. (f) Johann. XVI. 13. (g) Jo-

hann. XV. 23. (h) 1 Corinth. XII. 11. (i) Rom. VII.

vat, ut simul vindicet suæ Justitiæ Gloriam. Huic vero Negotio locus nullus fuisset, nisi Deus eo, quo diximus modo, fuisset, seque manifestasset in Personis Trinum, Patrem, Filium & Spiritum Sanctum. Quare etiam ita clare illud Mysterium nobis manifestatum est, ut expressis verbis in Scriptura legamus, Patrem esse alium a Filio, (k) Filium esse alium a Patre, (l) Spiritum Sanctum esse alium a Patre & Filio, (m) hosque tres esse unum. (n) Veneranda antiquitas tres illos, Patrem, Filium & Spiritum S. non tamen sine ingenti heterodoxorum contradictione, (\*) nuncupavit totidem ὑποσάστας, quod Latini vertunt Personas; ex quo ad nostra usque tempora usus harum vocum in Ecclesia obtinuit. Veritas ipsa, quod ex ante dictis sponte sequitur, tanti ponoris est, ut absque illa nulla spes salutis peccatori reliqua sit; licet homini, qualis nunc est, sit & maneat arcanum inexhaustum. Sufficit nobis & Personarum distinctionem, & ordinem, quo subsistunt, in Scriptura S. clare esse manifestatum.

## §. LXV.

(k) Johann. V. 32. (l) Johann. VIII. 16. (m) Johann. XIv. 16. (n) i Johann. V. 7.

(\*) Ab initio quidem Orthodoxi tria saltem Ejusdem Essentiae admiserunt *Nomina*. Verum quum SABELLIUS hæc depravaret, atque *Unam* duntaxat in Divinis Personam Τριάντα esse doceret, mentem suam clarius explicarunt Orthodoxi, quod non tantum *Tria* intelligerent *Nomina*, sed *Tres* etiam *distinctas Proprietates*. Hæc vero iterum corrumpebat SABELLIUS, atque tres illas in Deo proprietates explicabat per modum *trium potentiarum*, quas deprehendimus in anima nostra. Quare, ut tandem errorem hæretici convellerent, omnemque ansam corrum-



## §. LXV.

Hoc Dei Consilium, inter tres Personas Deitatis in-  
itum, quod, uti mox dicemus, per varias *Oeconomias*  
consummatur, fundamentum est Regni Gratiae, quod  
Regno Naturæ, de quo a principio diximus, successit.  
Sicut enim summa & absoluta in res creatas potestas Deo  
competebat jure Creationis, ita non minor nascitur Pote-  
stas ex Redemtionis Opere; imo si ad hominem peccato-  
rem respicias, illam quodammodo superat. Per *Creatio-*  
*nem* homo seipsum suamque existentiam debebat Deo; sed  
vero per *Redemptionem* peccator summa & infinita miseria  
obrutus, consequitur vitam beatam. Sicut ergo *majus*  
videtur esse *beneſtium*, quo peccator, sine fine miser, fit  
beatus, quam quidem illud, quo homo, qui antea nihil  
erat, esse & existere incipit: (quilibet enim mallet *non*  
*esse*, quam *semper esse miser*) ita non minus forte agno-  
scendum est *vinculum*, quo peccator redemptus Redemi-  
scendi.

L tori,

corrumperi doctrinam orthodoxam adimerent, tres esse  
in Deo *intelliguntur* sive Personas docuerunt. Prus tra vero  
sunt hostes hojus veritatis, quando argumentis ex his de-  
nominationibus despiciunt pugnant adversus veritatem  
ipsum; siquidem longe aliam significacionem Personis Di-  
vinis respondere, quam quæ inter homines nota est, ul-  
tro ipsis largimur. Inter iplos Orthodoxos lis de his vo-  
cibus fuit. Græcorum *intelliguntur* plus justo dicere videtur  
Latinis. HIERONYMUS in epistol. ad Damasum,  
quæ incipit, quoniam vetusto: *Tres intelliguntur* admittere  
recusat, ne *Tres Essentia Divinae*, seu *tres Dii statuantur*. Imo & quidam Græci, minus commodam esse il-  
lam vocem existimarent. ATHANASIUS in epistol. ad  
African. & Antiochen. Oper. Tom. I. p. m. 577. *Tres intelliguntur*  
solidi sunt, nam eis in anno enquaesi, & autem id. Hypostasis est idem,  
quod



tori, quam quo homo obstringitur Creatori suo. Hoc vero nunc non urgemus. Illud saltem sponte sequitur, novam Deo oriri ex Redemtionis Opere, per quod peccatori maledictio & sempiterna miseria reo addicit atque confert salutem, ad hominem, & propter ipsum ad alias creaturas relationem, & proinde novam quoque Potestatem. Quod ipsum vel maxime patet ex Illius exercitio atque

quod Substantia vel Essentia, nihilque aliud significat, quam id quod existit. — Maxime vero utratur, nomen tuum cuius est in nobis, cuius est in te. Unam dicimus hypostasin, existimantes idem esse hypostasin & essentiam. In epistola Synodi Sardicensis, ad Episcopos totius orbis scripta, que exstat apud THEODORITUM Histor. Eccles. Lib. II. c. VI. Hereticorum esse, legitur, Tres dicere ihereticos, Catholicorum unam tantum. Hinc ergo est, quod in Scriptis Patrum, non eandem semper, sed diversam saepe haec vox significationem habeat. Contra veterum Latinorum vox Persona minus videbatur exprimere Gratias; donec tandem in Synodo Alexandrina, quam BARONIUS refert ad Annum Christi 362. postquam de sensu verborum convenissent, quod illis significari vellent reges, utrigenes, utraque pars adquiesceret. Plura in hanc rem existant apud SUICERUM Thes. Eccles. vocib. utrigenis, reges &c. Optime judicat CALVINUS Institut. Lib. I. cap XIII. §. 3. Si temere non sunt inventa Nomina, cavendum est, ne ea repudiando superba temeritatis arquamus. Utinam quidem sepulta essent, conflare modo hac inter omnes fides, Patrem, Filium & Spiritum S. unum esse Deum; nec tamen aut Filium esse Patrem, aut Spiritum Filium, sed proprietate quadam distinctos. Neque vero tam praevisa sum austritate, ut ob nudas voculas digladiari sustineam. Animadverto enim Veteres, multa aliqui Religione de iis rebus loquentes, nec inter se, nec singulos etiam secum consentire. Adde, quæ ZANCHIUS habet de uno vero Deo Lib. I. cap. 2.



atque *usu*. Nam cum homine etiam peccatore fœdus pangit Deus. Postulat in illo fidem & obsequium. Ju-  
bet ut homo Deum eo modo quærat, quo vult esse pec-  
catoris Deus. Pollicetur fidelibus vitam, minatur infi-  
delibus perniciem æternam. Sicut etiam jure creationis  
cunctorum sine discrimine Dominus erat Deus: ita & illa-  
quæ ex Redemtione oritur *Potestas*, sese extendit ad o-  
mnes, qui naturæ lege Ipsi jam antea obstricti erant. Quum  
enim Deus nulli hominum *se reliquerit auctoritatem*, sed *vel*  
*palpando ab omnibus possit deprehendi*, (o) dum per pro-  
videntiam communem bonitate multiplici omnes homi-  
nes invitat quasi, ut resipiscant: facile patet, quorum-  
vis hominum officium esse Deum vocantem sequi & re-  
velanti credere. Eandem itaque Deus in redemtos ha-  
bet potestatem, quam habuerat antea in creatos homi-  
nes. *Miseretur pro summa illa sua potestate quorum vult,*  
& *indurat quos vult*. (p) Verbi sui contemptores sub-  
reatu relinquit, & propter peccata punit: contra vero  
alios, qui per ὑποταγὴν τῆς ὁμολογίας & πίστεως (q) Deo sese  
salvandos tradunt, justificat, sanctificat, in gratia con-  
servat & demum glorificat. Hoc modo igitur Deus non  
solum *Gratiæ* sed & *Justitiæ* suæ gloriam pandit, cuius  
utriusque manifestatio hujus negotii finis est. Nęque ve-  
ro solum homines huic potestati, ex redemtione ortæ,  
sunt subjecti, sed & reliquæ *creatüræ omnes*, quæ ad usum  
hominum conditæ sunt. Illarum proinde tum conserva-  
tio, tum gubernatio ad eundem finem dirigitur, ut sci-  
licet per has quoque, quantum fieri possit, exerceatur &  
manifestetur non tantum *Justitia*, sed & *Gratia Divina*.

L 2

Atque

(o) Acto. XIV. 17. Acto. XVII. 27. (p) Rom. IX. 18. (q)  
2 Corinth. IX. 13.



Atque ita quidem Regni Dei, quale illud est post lapsum hominis & manifestationem Consilii Gratiae prima quasi lineamenta exhibuimus.

### §. LXVI.

Sicut autem omnes illæ perfectiones & virtutes Dei, quæ in hoc Regno elucentur, Deo sunt essentiales & omnibus proinde Personis communes: ita etiam, si ad has tantum perfectiones Deo naturales & essentiales respicias, illarum, universim spectatarum, effectus & consequens est summa illa, quæ in Regno Gratiae etiam conspicua est, *Potestas*; quæ proinde, non secus ac perfectiones essentiales, ipsi Deitati communis est. Ut ergo *Voluntas Divina*, cuius jussu & efficacia cuncta fiunt & producuntur, *Potentia illa immensa*, quæ res creat & conservat, *Sapientia denique summa*, quæ cuncta ad fines suos dirigit, omnibus Personis una est atque eadem: sic etiam Gratiae Regnum, in quo virtutes illæ maxime adparent, omnibus Personis commune. Ipsiusque Deitatis est. Arguit hoc non solum Nomen Dei אֱלֹהִים Elohim, sed & Scriptura Sacra, ubi agit de Regno Dei, idem satis clare docet; nisi jam ex reipsa & communi, quam de Deo habemus, notione abunde constaret, *Deo* tribuendum esse, quidquid Divini in Regimine mundi animadvertismus.

### §. LXVII.

Sed vero hic tamen, quod jam diximus, repetendum est. Opus scilicet Redemtionis, per quod Deus perfectiones illas sibi naturales & essentiales manifestat & pandit, tale esse, quod supponat S. S. Personarum Trinitatem; siquidem diverse illius partes, diversas quoque, quæ easdem in se suscipiant, requirunt Personas. Inde enim sequitur, summam illam potestatem, quæ ex hac

vel



vel illa hujus operis parte oritur, ex peculiari illa relatione, *tantum Illi competere Personæ*, quæ hanc vel illam hujus operis partem in se suscepit. Sicut ergo ipsum Negotium Gratia, secundum varias suas partes, diversa ratione ad diversas S. S. Trinitatis Personas refertur, sic etiam, quod inde ortum suum habet, *Jus atque Potestas* diversum ad Personas Divinas respectum habet. Hoc modo itaque PATER, qui in se suscepit Personam Domini & Judicis etiam in Negotio Gratia Jus illud ac Potestatem in hominem & reliquias creaturas exercet, quæ ex Creatione orta fuerat. FILIUS autem, qui fungitur Redemptoris munere & λύτρου solvit, (r) quo sibi meruit ἔστια salvandi suos, (s) omnem illam accepit potestatem, quæ fluit ex beneficio Redemptionis, quæque comprehendit illa omnia, quæ virtute Ipsius meriti in Mundi atque Ecclesiæ regimine fiunt & geruntur. SPIRITUS S. denique, ceu Παράκλητος opus salutis in electis & redemptis perficit, iisque ex voluntate Patris tradit meritum Filii. Unde etiam vocatur *Utriusque Spiritus*, (t) & ab Utroque mitti dicitur. (u) Ipsum vero Regnum, quod in utroque, tum Creationis, tum Redemptionis opere fundatur, secundum diversam illam, quam nunc curatius exponemus, *Oeconomiam*, seu, quod idem est, *administrandi modum tribuitur Patri & Filio*, atque hinc vocatur *Oeconomicum*.

## §. LXVIII.

Itaque ut nunc specialius attingamus ea, quæ proprius ad rem faciunt Deo Patri tribuit Scriptura, quidquid Illi tanquam Creatori, in suas creaturas juris & potestatis

L. 3

tis

(r) Math. XX. 28. (s) Johann. XVII. 2. (t) Rom. VIII. 9.

(u) Joh. XIV. 16 &amp; 26. cap. XV. 26.



tis competit. Urget hinc Deus ut Judex illam obedientiam, quam postulat *Lex cordibus inscripta*, (w) Quamvis enim homo & cum illo res hujus mundi, quarum Dominus a Deo constitutus fuerat, per peccatum in statum longe deteriorem transierint: Deus tamen de suo jure nec quidquam amisit. Mansit enim post peccatum quoque hominis rerumque omnium Creator & Conservator; manet & homo, licet lapsus, creatura Dei; manet proinde eadem quovis tempore inter Deum & hominem reciproca relatio. Deus igitur præscriptæ legis observantiam poscere, & in transgressores severe animadvertere summo jure potest. Est enim peccator quoque obstrictus, ut Deo obedientiam præstet, neque a poena liber, si obedire detrectet. Hinc Deus post lapsum hominis non hominem tantum, sed & mundum propter illum damnavit & maledictum pronunciavit. (x) Tempravit tamen summa Dei Bonitas hujus sententiaæ rigorem, quando Deus Ipse manifestavit qua ratione salva sua justitia peccator quoque possit esse ad Dei Gloriam cum propria salute. Cum Filio scilicet iniverat illud Consilium Pacis, cui dedit quidem, quem Ipse ut Dominus pro arbitrio elegerat, populum peculii (y) & ἑστίας salvandi suos, (z) sed sub conditione, ut animam suam poneret ——— (a) pro peccatis hominum, atque ita *Justitiae Dei vindicativa* satisfaceret.

### §. LXIX.

Virtute hujus pacti Deus Pater clarius adhuc & evidentius potestate sua summa & judicaria usus est, tum circa Sponsorem, tum circa hominem & totius mundi regi-

(w) Rom. II. 15. (x) Genes. III. 16 — 19. (y) 2 Thessal. II. 14. (z) Johann. XVII. 20. (a) Jesaj. LIII. 10.



regimen. Ita erat quidem fructus illius pacti quod Deus non solum genus humanum multa patientia toleraret, sed & mox post lapsum Gratiae consilium aperiret, (b) & Filio, suos in gloriam introducendi, copiam faceret: Attamen jus suum priusquam  $\lambda\acute{u}t\acute{e}g\acute{o}v$  esset solutum, quovis modo ursit Deus. Nondum enim Filio plenam, quam post perfectam demum Redemtionem Illi promiserat, concesserat potestatem, sed Mundum ita gubernabat, ut constaret, Justitiae Divinæ nondum esse satisfactum. Erat inde, quod Regni Gratiae a principio arcti admodum essent limites, quod paucæ primo familiae, deinde solus populus Israël ad illud pertineret, reliquas vero gentes sub reatu relinquerebat Deus, easdemque vias suas ire fineret, (c) ut exstaret quoque exemplum Justitiae Divinæ in peccatoribus, Mediatore destitutis. Imo & respectu illorum, quos Filio Sponsori dederat, reservabat sibi Deus ius exigendi debitum poenale, quod per Sponsionem Filius solvendum susceperebat. Detinebat hinc illos quasi in carcere, atque per saepius repetita Sacrificia, quæ cum aliis molestis cæremoniis exigebat Lex Levitica, convinsebat de reatu nondum sublato. Quare licet fideles jam tum beneficiorum gratiae fierent participes, tamen, ut Paulus loquitur, (d) non sine nobis consummati sunt. Denique sub finem hujus Oeconomiaæ Filium suum in mundum misit Deus, Corpus Illi adaptavit, (e) exinanivit Ilum, (f) fecit Servum Legi subiectum, Sacrificium pro peccato, (g) donec tandem per Ipsius passionem & mortem debitum illud poenale plene exigeret. Hoc autem solu-

(b) Genet. III. 15. (c) Psalm. CXLVII. 19. 20. (d) Hebr. XI. 40. (e) Psalm. XL. 7. Hebr. X. 5. (f) Philipp. II. 7. (g) 2 Corinth. V. 21.



soluto, Deus quoque, ut Justus Judex, *justificavit Redemtorem*, ex mortuis suscitavit, & dedit Illi *omnem potestatem in cœlis ac in terris*, (b) quod ipsum indicatur per *collocationem ad Dextram*. Hæc omnia igitur pertinent ad *Potestatem Oeconomicam Patris ejusque exercitium*; hoc est ad illam partem, quam ex consilio S. S. Trinitatis in Negotio Gratiae obeundam suscepereat Prima Deitatis Persona, quamque in Filii exaltatione & glorificatione consummavit.

### §. LXX.

Hactenus de Regno atque *Potestate Oeconomicâ Prima Personæ*. **Filius**, secunda Deitatis Persona in se suscepit Redemptionem hominum. Satisfecit enim per sui Ipsius Sacrificium *Justitiae Divinæ*, Sibique acquisivit *populum peculii*, (i) cui factus est *causa salutis unica & perfectissima*. Ex hoc igitur capite competit Illi jus atque usus omnis illius *potestatis*, quæ ex Redemptione atque salute peccatoris oritur, quæque non minus suprema ac summa est, quam illa, quam exercuerat *Pater*, *virtute Creationis*. Erat sors atque conditio peccatoris post lapsum desperata prorsus. Nam læsa Majestate Divina spes virtutis supererat nulla; manebat potius peccatorem semper terna miseria certissimus metus. Néque ulla ratione fieri potuisset, ut ex tanta calamitate emergeret peccator, nisi Ipse verus ac aternus Dei Filius sese interposuisset Sponsor, & postea per *sui ipsius oblationem* se exhibuisset verum populi sui Redemptorem. Non majus igitur est beneficium Creationis, quam beneficium Redemptionis; non major proinde *Potestas*, quæ ex Creatione oritur, quam hæc est, quæ ex Redemptione derivatur. Per illam enim **Filius**

(b) Math, XXVIII, 18. (i) 2 Thessal, II. 14.



*Filius factus est suorum Dominus, isque absolutus & summus;* quippe quibus confert vitam æternam, atque cunctos, qui virtute pauci, cum Patre initi, ex merito Ipsius profluent fructus, tum gratia, tum gloriae bona, largitur atque tradit.

## §. LXXI.

Quum vero non tantum hominis peccatoris ad pristinam felicitatem instauratio, sed etiam mundi gubernatio, quem Deus cum peccatore dudum perdere non potuisset tantum, sed & virtute sua justitiae debuisset, sit fructus Spōnsionis ac Redemtionis, quam in se suscepit Filius Dei: simul patet, quam lata & ampla sit illa potestas, quæ inde Redemptori nata est. Ita enim non solum Dominus factus est suorum, quos Ipsi Pater salvandos dedit, sed & reliquarum creaturarum omnium, quæ aliquem ad hominem respectum habent. Nam virtute meriti Christi, atque interpositi Sacrificii conservantur propter electos, imo & illorum saluti inserviunt, & per illos sunt ad gloriam Dei. Est igitur illarum quoque Salvator noster Dominus, qui iisdem utitur ad bonum suorum, atque ad promovendam illorum salutem easdem regit ac gubernat. Denique huic Christi Dominio & potestati subjecti quoque sunt, quotquot Ipsius Regnum infestant hostes & adversarii. Nam & hos, postquam contrivit serpentis caput, Victor sibi subjugavit, ac deum pedum scabellum ponet. (k) Moderatur proinde & compescit eorundem furorem, ne noceant suis, & dissipabit perdetque cunctos in fine temporum, atque æternis, quæ prius meruerunt, suppliciis tradet. Utitur tamen quandoque his ipsis suis Regnique sui hostibus, licet insciis, ut

M

pro-

(k) 1 Corinth. XV, 25.



promoveant bonum suorum; eosque hos castigare permittit, ne securitati sese dedant, vel in certando langueant. Ex quibus omnibus elucescit supremum & absolutum in universum Mundum, & ipsos quoque hostes Salvatoris nostri Dominum atque potestas.

§. LXXII.

Regnum hoc Gloriosum Filii, in se spectatum est quidem aeternum ac perpetuum, siquidem pactum illud, *in quo Filius Patri postulanti unum Sacrificium pro peccatis, ad stipulatus fuerat, & vicissim Regnum legatum accepérat,* (l) aeternum erat atque eventus certissimi; sed tamen pro varia economia diversimode est administratum. Ita Filius Dei, virtute sua Sponsionis mox post lapsum se exhibuit Salvatorem suorum, eosque servavit ab ira Dei tutos. Quum inundaretur, propter aucta hominum scelera, totus terrarum orbis, quosdam per miraculum quasi servavit incolumes; (m) Israëlem nimia servitute pressum, manu forti, quæ miraculosis plagiis vexabat Aegyptios, eduxit; (n) Priscos inhabitatores terræ, quam Abrahamo promiserat, internectioni dedit; (o) Alia quoque illis Gratiae suæ testimonia dedit; Ipse Rex populo suo præesse volebat, (p) ita ut soli Israëlitæ in mundo vixerint, qui gloriari possint de forma Reipublicæ, quæ fuerit θεονοματικη: donec gens duræ cervicis, nimis ad idolatriam & quævis peccata prona, sibi ipsi acceleraret iudicia, quæ Prophetæ, jussu Dei, sèpius illis minati fuerant. Tunc enim, qui accersebantur castigatores populi, Assyrii & Babylonii, vastata terra, dirutisque urbis,

(l) Jesaj. LIII. 10. Zachar. VI. 13. (m) Genes. VI. VII. VIII.

(n) Exod. II - XIV. (o) Numer. XXXI. Deuter. II. III. Jof. VIII - XII. (p) I Sam. VIII. 7.



bus, incolas secum in terras suas deportabant. (q) Elapsi tamen tempore, quod exilio populi destinatum erat, Ipse, qui superstites erant, revocavit in terram, cuius hæredes erant ex Abraham secundum carnem nati, inque ea pristinam Rempublicam illos quodammodo instaurare permisit. (r) Itaque habebat quidem jam tum Filius Dei Regnum inter homines, verum illud tamen, eo durante tempore, quod supra potissimum vindicavimus Regno Economico Patris, latuit quasi & mansit subobscurum. Considerabatur adhuc Filius tanquam Sponsor, qui reatum tollendum suscepit quidem, nondum tamen abstulerat. Unde & Redemptor Ipse tum supplicando quasi apud Patrem, tanquam Judicem, intercedebat: *Redime hunc vel illum, nondum quidem solvi, inveni vero λύτρον.* (s) Ut paucis rem complectar, tale adhuc erat Mundi atque Ecclesiæ Regimen, ex quo constabat conciliationem peccatoris cum Deo actu nondum factam, sed Justitiam Divinam, quæ urgebat satisfactionem pœnalem, placandam adhuc esse.

## §. LXXIII.

Ast vero postquam illud λύτρον solutum, & Redemptio esset perfecta, alia subsequuta est hujus Regiminis facies. Reparata pace inter Deum & homines, placata Justitia Divina, sublato peccatorum reatu per mortem & sanguinem Mediatoris, alias longe & excellentior Regni Christi splendor exortus est. Summam tum Filius accepit potestatem in cœlo ac in terra, (t) usum scilicet hujus potestatis plenissimum; Plenam nunc, quam sibi promeruit, habet εξουσias, salvandi suos; (u) quippe quibus fa-

M 2 dus

(q) 2 Reg. XXVII. (r) Esr. I. seq. (s) Job. XXXIII. 24.  
(t) Math. XXVIII. 18. (u) Johann. XVII. 2.



*ēus est, Sapientia, Justitia, Sanctificatio & Redemtio. (w)*  
*Gratiæ & Gloriæ bona illis absque ullis iræ vel reatus ad-*  
*huc exstantis signis largitur; Omne per Christi mortem*  
*deletum est χειρόγεαφον, (x) neque hinc ullum in illis, qui*  
*in Ipso sunt, superest κατινόμα. (y) Sed non solum ple-*  
*no titulo Rex est suorum Filius Dei, verum & reliqua*  
*omnia Ipsi sunt subjecta, (z) regitque universum mundum,*  
*qui ad hominem respectum habet, ad utilitatem Ecclesię.*  
*Regnum proinde Salvatoris nostri extendit se ad omnes*  
*sine discrimine gentes, ad fines usque terræ, qua tota Ipsi*  
*patet; in qua nunc omnibus cum gratiarum actione uten-*  
*di (a) suis copiam fecit. Omnes Ipsum Dominum con-*  
*fiteri coguntur, sive sentiant gratiam, sive tanti Regis*  
*experiantur iram. Consummabit denique hoc Regnum*  
*Oeconomicum in fine temporum per ultimum Judicium,*  
*in quo maxime adparebit Christi Regis & Judicis Maje-*  
*stas, quando cives Regni sui a reliquis publice separabit*  
*& sententiam in utrosque pronunciat.*

#### §. LXXIV.

Quod si nunc partes Patris & Filii, quas suscep-  
 runt in Negotio Gratiae, inter se conferre velimus, faci-  
 le patebit, omne discrimin derivandum esse ex diversa  
 illa Oeconomia, qua Deus nobis salutem dispensare vo-  
 luit. Quamdiu scilicet Pater jure poterat exigere debi-  
 tum a Filio, Filius Patri *subiectus erat*, tanquam *Servus*,  
 quo nomine non semel venit apud Jesajam, (b) & quidem  
 maxime circa finem hujus Oeconomiae, quando se Ipsum

exē.

(w) 1 Corinth. I. 30. (x) Coloss. II. 14. (y) Rom. VIII.  
 I. (z) Psalm. VIII. 7. (a) 1 Corinth. X. 25, 26, 30.  
 (b) Jesaj. LII. 13, LIII. 11. &c.



ἐκένωσε exinanivit, (c) & homo ex hominibus factus est. Tunc enim expressis apud Johannem verbis (d) *Patrem se Majorem* iprofessus est, adparuitque *minoratus* præ אלה (e) vel, ut Paulus vertit, *Angelis* (f) donec Deus Ipsum tandem faceret aquariorum pro nobis. (g) Itaque quum judicium exercere in alium, debitumque exigere, potestatem dicat in illum, in quem exercetur, & a quo exigitur, atque potioris juris fit punire, quam pœnam suscipere: Filius, quamdiu duravit illa, de quodiximus, Oeconomia Patris, fuit minor & inferior Patre, profecto non Natura, quod salva Sacrosanctæ fidei nostræ analogia, nemo unquam affirmaabit, sed ex Oeconomia Negotii Gratiae & virtute pactæ conventionis. Postquam igitur cessasset Regnum illud Oeconomicum Patris, cessavit quoque illa, quam in Redemptorem habuerat, potestas, atque, quæ inde orta fuerat, *Filii subiectio*. Verum non cessavit tantum potestas illa oeconomica Patris, sed & Filius, virtute meriti sui atque initii pacti omnis illius Juris, omnis illius potestatis, que oritur ex Negotio Gratiae, exercitium consequentus est. Quod idem est ac si diceremus, præstata ac perfecta Redemptione totum Mundum regi ac gubernari ad gloriam Filii, Salvatoris consummati, ut constet post solutum debitum pœnale placatam nunc esse Justitiam Divinam: quemadmodum vigente adhuc reatu Mundus eo modo gubernatus fuerat, ut constaret, Patrem hoc debitum adhuc urgere. Quæ & ratio est, cur Christus dicitur consedisse ad Dextram Dei, facta demum peccatorum purificatione.

M. 3. §. LXXV.

(c) Philipp. II. 7. 8. (d) Johann. XIV. 28. (e) Psalm. VIII. 6. (f) Hebr. II. 7. (g.) 2 Corinth. V. 21. (h) Hebr. I. 3.



## §. LXXV.

Quæ quum ita sint, facile intelligimus, phrasin hanc, quæ Christum nobis proponit sedentem ad Dextram Dei, in omni emphasi sumptam, indicare summam illam potestatem, per quam Filius Dei, consummatus Salvator, qui adeptus est Nomen supra omne Nomen, (i) capeffivit Regnum universale & summum, sedesque suas occupavit in throno Majestatis, (k) tanquam supremus omnium Rector & Gubernator. Significatur autem illa potestas speciatim per Sessionem ad Dextram Patris, tum quia summam hanc potestatem exercet ex voluntate atque concessione Patris, qui per Ipsum omnia gubernat ac regit; tum maxime, quia Pater, suis in Oeconomia Negotii Gratiae defunctus partibus, Regnum Filio concessit ac tradidit, ita ut nihil fiat in Mundi atque Ecclesiæ Regimine, nisi virtute satisfactionis & meriti Iesu Christi, cum respectu ad lytrum Mediatoris nunc solutum atque Salvatoris Justificati & consummati gloriam.

## §. LXXVI.

Quamvis autem hoc Regnum Filii & universale sit, & summæ potestatis, quæ soli Deo propria est, Regnum tamen Naturæ, quod ex Creatione oritur, non tollit, vel tanquam aliud illi oppositum est. Quum enim omnia, quæ subsunt Regno Gratiae, sint & maneant creaturæ Dei, neque tollat Gratia naturam rerum, sed eandem perficiat potius: Jus illud quoque quod ex Creatione fluit, Deo manet integrum, eoque etiamnum utitur, in Regimine naturali & morali, dum per providentiam communem omnia

(i) Philipp. II. 9. (k) Hebr. I. 3.



omnia ad gloriam suam, ad quam condita erant, dicit & dirigit. Omne vero discrimen, uti in antecedentibus observavimus, repetendum est ab Oeconomia diversa Negotii Gratiae. Nam quum Sanctitas Divina non permetteret, ut Deus peccatori conferret Salutem, atque ita Bonitatem suam ostenderet, absque Justitiae Divinæ demonstratione: hac facta Deus jure suo ita utitur, ut in Regimine creaturarum non solum Justitiae, sed & reliquarum virtutum ac perfectionum, Bonitatis & Misericordiae gloria manifesta fiat.

### §. LXXVII.

Quod itaque nunc Mundi atque Ecclesiæ Regimen tribuatur *Filio*, nec Gloriæ Deitatis reliquarum Personarum, nec identitati *Essentiæ* quidquam derogat. Nam & ipsa Gloriam Dei, ad quam, ceu ultimum finem, diriguntur omnia, communis est; & perfectiones Divinæ, quæ in hoc regimine manifesta fiunt, Deo *essentiales* sunt, ipsaque potentia & potentissima voluntas, quæ omnia producit & efficit, omnium Personarum una eademque est. Sicut ergo dici non potest, *Filiū*, per illam *sue glorificationem* *virtutes illas Divinas* demum accepisse, quas potius, quia ejusdem est *essentiæ*, semper cum reliquis Personis communes habuit: ita nec in illo Regimine, quod *naturæ* òmniorumq[ue] competit *Filio*, exclusæ sunt reliquæ Personæ, quia, uti diximus, illa potentia, cuius virtute & efficacia omnia fiunt, est *Essentiæ Divinæ*. Tribuitur autem nunc tota illa potestas *Filio*, tum quia oritur ex peculiari opere oeconomico, quod Ipsi soli proprium est, ex satisfactione scilicet *Justitiae Divinæ* per *Ipsum præstata*; tum, quia ea omnia, quæ Deus spectatus in Mundi atque Ecclesiæ Regimine, quale nunc est;



est, agit, pariter inde fluunt, & faciunt ad gloriam Filii per passiones consummati, atque ad manifestationem Justitiae & Misericordiae unice tendunt. Hoc sensu igitur Filius factus est heres omnium; moderatur tanquam επάγγελτος Gloriæ Divinæ omnia verbo potentie; quando purificatione peccatorum per semet Ipsum facta, condit ad Dextram Majestatis in excelsis. (l)

### §. LXXVIII.

Quum vero DEXTRA sit locus honoratior & prælationis alicujus notionem involvat, illud potissimum hic in quæstionem venit, quo sensu Filius dicatur Patri sedere DEXTER? Non sufficit, quod & supra jam monuimus, rem ita concipere, quod Rex aliquis, illum cui maximum honorem velit deferre, sibi soleat collocare a Dextris, ut ita sui quasi honoris & potestatis eum participem faciat. Communio enim & participatio tum Gloriæ Divinæ, tum Ipsius Divinitatis Filio cum Patre eadem est per Essentiæ identitatem; Oeconomicam autem quævis Persona propriam habet. Neque tamen dici potest, per Oeconomicam illam Filium factum esse Potiorem & Honoratiorem Patre, vel Patrem Filio esse subiectum. Hoc enim (quod jam supra adversus MALDONATUM, qui hoc adfirmare ausus fuit, observavimus) non solum Paulus expressis verbis negat, & licet omnia sine discrimine Filio subiecta esse doceat, Patrem tamen ab hac subjectione excipit: (m) sed turbaret etiam talis prælatio Ordinem Personarum Naturalem.

### §. LXXIX.

(l) Hebr. I. 2. 3. (m) 1 Corinth. XV, 27.



§. LXXIX.

Nobis ergo observasse liceat, phrasin & loquutionem, qua utitur Sacra Scriptura & cui in his Mysteriis preesse inhærendum est, ne quidem poscere, ut honoris & dignitatis prælationem, quæ per illam significari videatur, referamus ad Personam Patris. Nullibi enim in Scriptura S. ubi mentio fit *Sessionis ad Dextram Dei*, ex-primitur *Nomen PATRIS*, cui Filius assideat *Dexter*, licet addatur illud in Symbolo, non Divina, sed Ecclesiastica auctoritate concinnato; quod tamen in titulo dissertationis & nos sequuti sumus. Sensus igitur in illis Scripturæ locis, in quibus Christus dicitur sedere vel simpliceriter ad *Dextram*, (n) vel ad *Dextram virtutis & potentiae*, (o) *Majestatis*, (p) *Throni*, (q) planus esset, si diceremus, significari hac loquutione *summam Salvatoris Potestatem cum prælatione, respectu omnium creaturarum, quæ Ipsi sunt subjectæ, & præ quibus longissime eminent.* (r) Neque difficilior esset explicatio illorum locorum, quæ Christum nobis proponunt, *sedentem ad Dextram DEI*. (s) Nam nec inde colligi potest gradus Unius Personæ præ altera eminentior, siquidem omnes Personæ Deus sunt. Hic ergo, quum *Dextra Dei*, simpliciter sumpta, absque respectu ad aliquam *Sinistram*, significet *summam Dei Potentiam*, quod plurimis Scripturæ testimoniis supra confirmavimus: per *Sessionem ad Dextram Dei* nihil aliud intelligitur, nisi *summa Potentia*, & quæ

N est

(n) Hebr. VIII. 1. & XII. 2. (o) Math. XXVI. 64. Marc. XIV. 62. Luc. XXII. 69. (p) Hebr. I. 3. (q) Hebr. XII. 2. (r) Hebr. I. 4. & II. 8. (s) Marc. XVI. 19. Rom. VIII. 34. Colossens. III. 1. I Petr. III. 22, Hebreos X. 12.



*est vere Divina.* Hæc si admittamus, Christus ad *Dextram Dei* sedere dicitur, quia *occupavit Cœlum* (t) & *Thronum Majestatis Divinæ*, (u) atque exercet Potentiam & Potestatem Divinam; Quæ Ipsi nunc potissimum competit ac tribuitur, quia totius Mundi Regimen, quale nunc est, fundatur in Opere Ipsius Oeconomico, & omnia eo diriguntur, ut Redemtione nunc facta & perfecta, Filius Dei sibi Regnum in Mundo erigat, tueatur, promoveat, & tandem consummet.

### §. LXXX.

Quod si tamen urgeas *Sessionem Christi ad Dextram Dei* considerari tanquam a Patre Ipsi concessam, atque proinde per Dominum illum, qui dixit Domino Davidis: *Sede ad Dextram meam*, (w) intelligi *Primam Deitatis Personam*, ut ita *Dextra Dei* nulla alia sit, nisi *DEXTRA PATRIS*: dabimus hoc etiam. Nam & Scriptura Novi Testamenti non videtur hunc loquendi modum prorsus repudiare, quando *PATREM Christi Illum ex mortuis suscitasse* & *ad Dextram suam in cœlis collocasse* dicit. (x) Verum nec hinc sequetur, Personam Filii factam esse *Digniorem Persona Patris*. Tunc enim sicut *Dextra Patris* denotabit *Opus Oeconomicum Patris*, & Mundi atque Ecclesiæ Regimen huic conveniens: ita *Sessione Filii ad Dextram Patris* significabit, quod, consummato opere oeconomico Patris, nunc potissimum locum habeat Regnum oeconomicum Filii, quod consequitus est virtute Redemtionis nunc factæ & perfectæ. Itaque non indicatur hac loquitione, *Filium Patri dignitate præferri*, sed *operi*

(t) *Actor.* III. 21. (u) *Hebr.* VIII. 1. (w) *Psalm.* CX. 1.

(x) *Ephes.* I. 20.



*ri Patris succedere opus Filii; illo scilicet per demonstrationem Justitiae peracto & consummato, nunc Filium, virtute præstata satisfactionis, plenam accepisse potestatem, ut opus suum ad salutem fororum, hostiumque perniciem Ipse quoque consummet, donec demum glorificetur in Sanctis suis & admirabilis adpareat in credentibus omnibus. (y)*

### §. LXXXI.

Quamvis autem Pater Filio Regnum hoc modo œconomice cesserit, ut *Ipse non judicet quemquam, sed omne judicium tradiderit Filio:* (z) hoc tamen nihil derogat dignitati Patris, neque naturali, neque etiam œconomice spectata. *Non enim potest Filius a se quidquam operari, nisi quod viderit Patrem operantem.* *Quaecunque Ille facit, Filius pariter facit.* Nam Pater amat Filium & omnia, que facit, Illi monstrat. (a) Diximus potius Filium Dei ideo considerari *sedentem ad Dextram Patris*, quia Filius nunc regnat, hoc est, quia Mundi atque Ecclesiæ Regimen administratur cum respectu ad Redemtionem factam & perfectam; vel, ut idem dicamus clarius, quia Pater, postquam munere suo œconomico defunctus est, suamque Justitiam vindicavit per Sponsoris primo passionem & mortem, Ejusdemque deinde absolutionem & exaltationem, Mundi atque Ecclesiæ Regnum tradidit Filio. *Sessio igitur ad Dextram referenda non est ad dignitatem Personæ, sed ad Opus, in quo Regnum ipsum fundatur.* Imo, si accuratius loqui velimus, *Sessio ad Dextram, quatenus prælationem significat, ne quidem referenda est ad Operis dignitatem, ut unum concipiatur*

N 2

altero

(y) 2 Thessal. I. 10. (z) Johann. V. 22. (a) Johann. V. 19. 20.



altero præstantius, sed tantum ad Successionis ordinem. Sicut enim debitum solvere dignius non est, quam illud exigere: sic & Opus œconomicum Filii non est dignius aut præstantius Opere œconomico Patris. Exactionem autem sequitur Solutio, Solutionem vero excipit Jus, quod ex Solutione præstata oritur, & potest hinc Sponsor, soluto debito, suo jure uti, quod inde redundat; neque tamen Judex, qui suo munere est defunctus, ullum hoc modo patitur vel dignitatis, vel honoris jacturam aut detrimentum.

### §. LXXXII.

Licet ergo *Sessio ad Dextram Patris* denotet summam potestatem, ejusque exercitium atque usum: Pater tamen illam Filio non concessit, tanquam *Honorationi*, sed adjudicavit & dedit saltem Sponsori premium, quod Ipsi vi præstata solutionis debebat. Itaque hoc tantum indicatur, quod Regno Oeconomico Patris succedat Regnum Filii, idque, respectu Patris, sine ulla honoris aut gloria imminutione. Nam Pater est, qui omnia subjecit Ipsiis pedibus, (b) quique, quum omnia Illi subjecerit, Ipse tamen ab hac subjectione liber est. (c) Manet igitur idem Personarum ordo, quia, quod Filius nunc Regnum administrat, virtute muneris œconomici, quodque Pater Ipsi, suis defunctus partibus, tradidit, non nisi *ex sententia Patris* consequutus est; Imo licet omnia regat Filius virtute Redemptionis jam factæ, ad salutem suorum hostiumque perniciem: eadem tamen dirigit ad *Gloriam Patris*, manifestationem scilicet *Justitiae & Misericordie*. Hoc vero Mediatori proprium est, ut Juris & Victoriae, per sangu-

(b) Psalm. VIII. & CX. 1. Hebr. II. 2. (c) 1 Corinth. XV.  
25.



sanguinem suum partæ & adquisitæ, fructus Ipse percipiat, atque valorem Sacrificii sui, ad Redemtionem oblati, ostendat & exerat ad Seculi usque & Ecclesiæ consummationem. Oportet enim Regnare Christum, donec cunctos hostes pedibus suis supponuerit, ipsamque Mortem, ultimum hostem aboleverit. (d)

## §. LXXXIII.

Posset res aliquo modo illustrari exemplo Salomonis Regis. (e) De illo enim legimus, quod Rex imperans, tamen Matrem, quæ ipsum visitabat, ad suam Dextram collocaverit. Sicut ergo Salomon hic respiciebat ad Relationem naturalem, ob eamque sibi præferebat Matrem, licet illi non cederet prærogativam civilem: ita etiam, si spectemus Regnum Filii Oeconomicum, Deus Pater Filiū sibi potuit collocare ad Dextram, absque mutatione vel imminutione relationis naturalis. Quod exemplum a contrario quasi defumptum, rem ipsam tamen mirifice illustrat. Sed ut idem exprimamus clarius, fingamus exemplum, quod inter homines saltem accidere posset. Ponamus Regem aliquem sibi populum habere rebellē & criminis lāsā Majestatis reum, quem proinde Justitia & Majestate sua salva, non possit non extremis devovere suppliciis. Ponamus & Filium Regis intercessisse, imo & in se suscepisse pœnam aliquam, quæ respectu dignitatis Ipsius, delicto subditorum par censiō possit, ut vindicet Majestatem Patris. Ponamus denique Regem misericordia tactum, hanc Filii intercessionem acceptasse, vel etiam ipsum ad hoc prius invitasse Filium, sub certa Regni illius promissione. Rex Pater tamdiu servabit &

N 3

urge-

(d) 1 Corinth. XV. 25. (e) 1 Reg. II. 12.



urgebit jus vindicandi læsam Majestatem, donec Filius promissis steterit & satisfactione aliqua vindicaverit læsam Patris Majestatem. Hoc facto Pater promissum Regnum tradet Filio, ut cunctos, qui lubentes Ipsi se subjecerint, servet, & sui Regni recipiat cives, reliquos vero, qui rebellare Ipsique adversari pergunta, puniat ac perdat. Sane nullum honoris detrimentum pateretur Pater, si etiam hunc suum Filium, Regem inaugurandum, sibi collocaret a Dextris. Si objicias Patrem hoc modo locum & dignitatem suam prorsus cedere Filio, imo & Ipsi hac ratione esse subjectum: fateor hæc locum habere posse inter personas, quarum singula *proprium* habent esse, quæ *subjecta* sunt sua natura *diversa*, quæ proinde etiam *diversum* habent *operandi principium*; sed neutiquam inter Personas Divinas, quæ *eiusdem* sunt *Essentia*, & de Quarum Potestate in relatione ad opera *œconomica* hic falso quæstio est.

#### §. LXXXIV.

Possimus & deberemus forte plura addere de Gloria Domini nostri Jesu Christi, tum quod ad Personam, tum quod ad munus Ipsius attinet. Commode enim hoc loco dici posset, quomodo Regium hoc Christi munus cum Prophetico & Sacerdotali sit unitum, atque in horum utroque & illud exerceatur. Agi posset de ipso Salvatoris Regno, atque vario modo, quo illud administratum est, quibus scilicet gradibus hactenus illud promotum, quidve de eo adhuc exspectandum sit. Denique posset exponi, qua ratione Filius Dei hoc suum Regnum *œconomicum* in *ultimo fine* consummatus, &, salva Regni Ipsius æternitate, Patri rursus fit *traditurus*. (f). Verum proli-

(f) Vid. 1 Corinth. XV. 24. &c 28.



prolixiores hæc tractationem postulant; neque etiam de ipso munere Regio Domini nostri Jesu Christi nunc agere constituimus, sed tantum de *Sessione Christi ad Dextram Dei*, hoc est, quare hac potissimum phrasè summa illa Salvatoris Gloria & Potestas in Scriptura Sacra exprimatur.

### §. LXXXV.

Pro nostro igitur modulo nos exposuimus arbitramur.

*Primo*, indicari hac loquutione summæ potentiae & absolutæ Potestatis exercitium in totius mundi atque omnium creaturarum Regimine, (g) quo Deus sua decreta exequitur, (h) usque ad Mundi & Ecclesiarum, adeoque etiam seculorum consummationem. Ostendimus.

*Secundo*, Divinæ hujus Potestatis exercitium æconomice tribui Filio; quoniam fundatur in Redemptione per sanguinem Ipsius facta, (i) Ideo enim *Dignus*, qui accipiat librum & aperiat sigillæ ejus, quoniam mactatus, redemit nos Deo per sanguinem suum. (k) Diximus.

*Tertio*, Filium Dei ex eadem ratione post passionem *Gloria esse coronatum*, (l) accepisse omnem potestatem in Cœlis ac in Terris, (m) atque *Nomen supra omne Nomen*; (n) omnia sibi habere subjecta, (o) & occupasse nunc Thronum Majestatis (p) in quo Sceptrum gerat, tanquam supremus omnium Rex atque Princeps. Ostendimus.

### Quarto,

---

(g) Eph. 1, 20.—23. (h) Apocal. V. (i) Philipp. II. 8. 9.  
seq. Hebr. X. 12. (k) Apocal. V. 9. (l) Hebr. II. 7.  
(m) Math. XXVIII. 18. (n) Philipp. II. 9. (o) Psalm.  
VIII. Hebr. II. 8. (p) Hebr. VIII. 1.



*Quarto, quæ ratio sit, cur summa illa Salvatoris nostri gloria exprimatur per Sessionem ad Dextram Dei, quia scilicet Potestas & Potentia Divina in Ecclesiæ atque Mundi Regimine sese potissimum exerit in fructibus, qui fluunt ex merito Filii, ut omnis lingua confiteatur, Dominum esse Iesum Christum.* (q) Exposuimus &

*Quinto, qua ratione hoc debeat intelligi in relatione ad Patrem, ad cuius Dextram Filius sedere dicitur; cuius rei causam esse diximus, tum quia Filius summam suam Potestatem consequutus est ex sententia Patris, tanquam Judicis; siquidem *Dextra Dei exaltatus est,* (r) & Deus *Dextra sua sursum sublatum, Ipsum constituit Principem:* (s) tum quia Pater sumpta vindicta, per consummationem Mediatoris, peculiari illo opere, quod in Negotio Gratiae suscepserat, defunctus, Regno suo Oeconomico, cuius illud fundamentum erat, quasi cessit; & Regnum, quod ex satisfactione & Redemptione praestata oritur, Filio administrandum tradidit, ut, quod Ipsius ex eadem ratione debebatur, absolutum & summum exerceret Dominium, Regnumque Satanæ, peccati & mortis destrueret. Explicavimus denique*

*Sexto, quomodo hoc fieri potuerit absque ulla vel Divinæ Majestatis diminutione, vel ordinis, qui Divinis Personis naturalis est, immutatione. Illa enim, quæ exercetur Potestas, est *Divina*, & proinde non minus ac ipsa Essentia omnibus Personis communis. Quamvis ergo Redemtionis opus, quod hujus potestatis fundamentum est, sit *Filio proprium*, illud ipsum tamen ex communi voluntate atque consilio Sacrosanctæ Trinitatis suscepit & administrat, & quidem ita, uti convenient Naturali*

(q) *Philipp. II. 11.* (r) *Actor. II. 33.* (s) *Acto. V. 31.*



rali Personarum ordini. Fungitur enim suo Regno & Regali potestate *Filius* virtute meriti sui, ex sententia *Patris* atque operatur per efficaciam Spiritus Sancti. Unde & Scriptura Sacra hoc Regnum refert non ad Unam vel Alteram Personam, sed ad Sacrosanctam Trinitatem universim specatam. Ita propter *Filium* & cum Illo omnia nobis gratificari dicitur PATER, (t) *Datus* nobis omnia, quæ in Nomine *Fili*i petiverimus, (u) ut ita in *Filio* glorificetur Pater. (w) *Fili* quoque Spiritus est, qui operatur in electis, atque omnibus, sed solis datur illis, qui Christi sunt. (x) De *Filio* enim testatur Ille Πατέρας, (y) quippe cuius dona merito *Fili*i parta sunt & adquisita. In hoc itaque, de quo hactenus diximus, Regno *Fili*i, omnium Personarum Divinarum, imo & cuiuslibet operis oeconomiæ εμπεριχόησις est manifesta.

## §. LXXXVI.

Ex dictis sponte sequitur, esse hunc articulum de Sessione Christi ad Dextram Dei gravissimum. & totius Salutis nostræ Mysterii quasi summam. Cognoscimus enim ex illo Negotio Gratiae Auctorem Deum Trium & Personarum Divinarum in hoc opere Oeconomiam; edocemur *Fili*um Dei esse unicam & perfectissimam Salutis nostræ causam; experimur quis quantusque valor sit sanguinis a Mediatore fusi, quippe cuius virtute salus nobis non impetratur tantum, sed & confertur; observamus quæ sit Regni Gratiae indoles & administrationis ratio, quæque in illius progressu & consummatione nobis adhuc exspectanda restent; cognoscimus denique, quænam

O

sint

(t) Rom. VIII. 32. (u) Johann. XVI. 23. (w) Johann. XIV. 13. (x) Rom. VIII. 9. (y) Johann. XV. 26.



sint illorum officia, qui hujus Regni cives esse, vel fieri cupiunt. Ut vero inde ab ascensione Salvatoris per ipsum rerum eventum, in Mundo atque Ecclesia gestarum, Dominum nostrum Jesum Christum *ad Dextram Dei* sedere sumus experti: sic in fide, spe atque patientia plenam Ipsiis victoriam præstolamur & illud adhuc exspectamus tempus, quo omnem creaturam *Benedictionem & Honorem & Gloriam & robur Illi qui in throno sedet atque Agno adclamantem* (z) audiemus. Faxit Ille, qui sedet ad Dextram Dei, ut adproximante Festo Tabernaculorum inter numerosam illam turbam, albis amictum vestibus, manibusque palmas gestantem, compareamus: & una cum Jubilantium choro secundum veterem hymnum: נָא כְּלֹתָה הַמִּזְבֵּחַ נָא vocem extollamus: *Salus est a Deo nostro, qui sedet in Throno & Agno;* Atque Angelorum accinatus ἐπινυμοῦ: Amen, Benedic<sup>tio</sup> & gloria & sapientia & gratiarum actio & honor & potestas & vires Deo nostro in secula seculorum. Amen. (\*)

A M E N.

\* \* \* \* \*

**S**int vero hi tandem Dissertationis limites, quos fere protraxi latius, quam Specimen laborum academicorum videbatur requirere. Cum successu haud infelici, nec prorsus irrito interfui hactenus institutionibus Theo-

(z) Apocal. V. 13. (\*) Apocal. VII. 9. 10, II. 11, 12.



Theologicis, atque in his rebus Præceptores habeo Viros Theologos Clarissimos & summe Reverendos JOHANNEM CHRISTIANUM & JOHANNEM SIGISMUNDUM utrosque KIRCHMEYEROS. Acceptent Viri, pro quorum salute vota quotidie fundo, quas sæpe privatum dixi, nunc publicas etiam gratias. Fxit Deus O. M. ut diu vivant Viri de Ecclesia Christi præclare meriti & Regnum cœlorum promovere pergent, neque per adproximantem senectutem vires corporis in Illis debilitari patiatur. Scio cunctos sua his addere vota, quibus purior Religio curæ cordique est.

Hanc vero, quam in præsenti Dissertatione exhibui *Sessione Christi ad Dextram Dei* explicationem debo soli Viro Summe Reverendo JOHANNI CHRISTIANO KIRCHMEYERO, Qui &, ut in titulo vides, præsidium Disputationis in se suscipere non designatus est. Vir Summe Reverendus, quum consilium meum, hoc argumentum prolixius elaborandi, a me rescivisset, nova mihi & illustriora adhuc suæ erga me benevolentæ testimonia dedit. Nam, non obstantibus aliis iisque gravioribus negotiis, publicis privatas quoque addidit institutiones, atque summa cum cura id egit, ut veram Ipsius mentem in hoc argumento attingerem. Ut verbo absolvam, talia & tanta sunt VIRI CLARISSIMI mihi collata beneficia, quæ a nemine, nisi solo Ipso exspectari poterant. Potissima igitur Dissertationis pars, interpretatio scilicet articuli *de Sessione Christi ad Dextram Dei*, hausta ex ipsa Oeconomia Salutis, Summo potius, Quem nominavi, Theologo, quam mihi tribuenda erit. Aliquam tamen simul & ipse reportabo laudem, qui primus hanc VIRI CLARISSIMI sententiam, quæ veritatum pandit latissimum campum, & cunctas, quibus reliquæ Theologorum in-

O. 2. terpre-



terpretationes laborare videbantur, difficultates prorsus tollit atque solvit, vulgavi, distinctoque ordine aliis exposui. Si tamen quædam in proponenda sententia, vel reliquis, quæ ut Metaphoram aliquo modo illustrarem, præmisi, jure possent desiderari, illa lubens in me suscipio, & mihi ut condonentur rogo. Quod & facile me impetraturum confido.

## T A N T U M.

*Errata quædam typographica, præsertim in prioribus  
plagulis, (posteriores releggere non licuit)  
Lector sequentia notet.*

Pag. 4. lin. 18. lege teste. lin. 21. lege ἔτερον. pag. 13.  
lin. 22. lege ELSNERI. pag. 15. lin. 18. post Latini-  
norum adde consensum. pag. 18. l. 22. lege quorum.  
pag. 23. lin. 10. lege incessisse. pag. 62. lin. 26. lege  
Patre. pag. 80. lin. 14. lege ponderis. pag. 99. l. 4.  
lege suorum.



DE

